

INSTITUTE OF DISTANCE AND OPEN LEARNING

GAUHATI UNIVERSITY

(Study Material)

BODO

PAPER - IV

ASSOCIATE LITERATURE
OF ASSAM AND
ELEMENTS OF LINGUISTICS

Block - I



**Institute of Distance and Open Learning
Gauhati University**

MA in Bodo

**Paper IV
Associate Literature of Assam and
Elements of Linguistics**

**Block-1
Associate Literature of Assam**

(Unit - 1)

Miri Jiori by Rajani Kanta Bordoloi

(Unit - 2)

Zibanar Batat by Bina Barua

(Unit - 3)

Rongmilir Hanhi by Rongbong Terang

(Unit - 4)

Assamese Short Story

(Unit - 5)

Sonpahi by Bishnu Prasad Rabha

Contributor

Dr. Phukan Ch. Basumatary Unit - 1	Department of Bodo Rangia College
Birupaksha Giri Basumatary Unit - 2	Department of Bodo Cotton College
Swarna Prabha Chinary Unit - 3	Department of Bodo Gauhati University
Pramathesh Basumatary Unit - 4	Department of Bodo Diphu Govt. College
Madhu Ram Boro Unit - 5	Department of Bodo Gauhati University

Cover Page Design

Harekrishna Talukdar Guwahati

September, 2018 (Reprint)

ISBN 978-93-84018-33-7

© Copyright by IDOL, Gauhati University. All rights reserved. No part of this publication may be reproduced, stored in a retrieval system, or transmitted, in any form or by any means, electronic, mechanical, photocopying, or otherwise

Published on behalf of the Institute of Distance and Open learning Gauhati University by Prof. Amit Choudhury, Director and Printed under the aiges of GU press as per procedure laid down for the purpose Copies printed 1000.

Unit-I मिरि-जीयरी

रजनीकन्ता बरदलै

1.1 बेखेवनाय (Introduction) :

1.1.1. लिरगिरिनि सिनायथि :

रजनीकान्त बरदलैनि (1869-1939) जोनोमा गुवाहाटीयाव। बिफानि मुड नरकान्त बरदलै। इराजी 1889 माय थाइयाव बि. ए. आनजादखी उधिनानै बियो सोरखारि साखि मावो। गिबियाव साबडेपुटि आरो उनाव एकप्टा-एसिप्टेन्ट कमिसनार महरे साखि मावनानै 1918 इराजी मायथाइयाव साखिनिफ्राय आजिरा लायो।

1.1.2. थुनलाइयारि सोरजि :

असमीया सल'मानि बोहैथि गुथालखी गोखों खालामनायाव पदनाथ गहाबिब्रुवा आरो लक्ष्मीनाथ बेजब्रुवाजों लोगोसे रजनीकान्त बरदलैयावो जोबोद मुख'जाथाव बिहोमा होदोंमोन। चार वाल्टार स्केट, बंकिमचन्द्र चक्रुपाध्यायमोननिफ्राय बे साथाम सल'मागिरिया असमीया सल'मा रनसायनो जोबोद थुलुंगा मोनदोंमोन। जिगु जौथाइनि जोबथा जिथायाव बे साथाम लिरगिरिया असमीया सल'मानि फोथारखों गेरमसा खालामनो नाजादोंमोन। गहाबिब्रुवानि 'भानुमती' (1891) 'लाहरी' (1892), बेजब्रुवानि 'पदुमकुँवरी' (1905), रनसायनाय मायथाइ 1890) आरो बरदलैनि "मिरि जीयरी" (1894) सल'मानिफ्रायनो गोदान मुगानि असमीया सल'मानि गुथाला फुवा फुवा बोहैबोदोंमोन। इराजी 1894 मायथाइयाव बिथाइ मिनि जनजातिनि जिउ आरो समाजखों लानानै "मिरि जीयरी" मुनि सल'माखी लिरो। मिरि (आथिखालाव मिचिं) जनजातिनि आसार-आखु, समाजारि सावगारिनि फोरमायथिनि अनगायैबो बे सल'मायाव सानै मिरि संग्रा-सिख्लानि गोथार मोजां मोनलायनाय, हेंथा आरो बेनिफ्राय सोमजिनाय दाहाबिदां बेफोरखों लानानैनो बे सल'माखी रनसायनाय जादों। बरदलैनि गानैसो सल'माया आह'म खुंथाइनि जोबथा समनि जेंना गोनां जाथाइखी लानानै रनसायनाय। बेफोरनि मादाव- 'मन'मती' (1900), 'रङ्गिली' (1925), "निर्मल भक्त" (1926) आरो रहदै लिंगिरो (1930) मुनि सल'माया मुख'जाथाव। बिथानि

“ताम्रेश्वरी मन्दिर” मुनि सलभाया माननि गागलोबनाय जाथाइखौ लानानै रनसायनाय ।
“दन्दुवा द्रह” (1929) सलभाया हरदत्त-बीरदत्तनि दावहानि जाथाइनि सायाव सोनारनानै
रनसायनाय आरो राधा-रुक्मिणी रण (1925) सलभाया मवामरीया बिप्रायनाय
जाथाइनि सायाव सोनारनानै लिरजानाय ।

1.2 थंखि (Objective) :

बे लिरबिदांनि गेजेरजों मिरि जीयरी सलभानि सोमोन्दै सुंदयै सावरायनो
नाजानाय जागोन । मिरि जीयरी सलभाखौ सावरायनायाव गाहायाव मुंखनाय
आयदाफोरनि फारसे बांसिन नोजोर होनाय जागोन :

(क) सलभा लिरनायनि सम आरो समाजारि थासारि

(ख) सलभानि सल (Theme of the Novel)

(ग) आखल दनाय (Characterisation)

(घ) सलभानि गेजेराव बेरखानाय मिरि (मिचिं) समाज आरो हरिगुवारि
सावगारि ।

1.3 “मिरि जीयरी” लिरनाय सम आरो समाजारि थासारि :

“मिरि जीयरी” सलभाया रजनीकान्त बरदलैनि गिवि सलभा । साब डेपुटि
कालेक्टर जाना थानाय समाव 1894 ई मायथाइयाव सा-लक्ष्मीपुरनिफ्राय बरपेटासिम
दिडाजों दावबोनाय साननैसोनि गेजेरावनो दिडा सिद्धव जिरायनानै बरदलैया बे सलभाखौ
लिरदोंमोन आरो बेनि उननि बोसोराव साफायनानै दिहुनदोंमोन ।

बरदलैया जाय समाव बे सलभाखौ लिरदोंमोन वै समाव असमीया समाजाव
गोनोखोनि आरो गोदान सोलोंथाइनि सोराडा एफा-एनैलसो गोलैदोंमोन । समाजा
जोबोद लोरबा आरो बेंगुरा बादिमोन । राजखान्धि, राखान्धि, समाजखान्धि, धोरोंम
मोनफ्रोंमबो बिधिडव दावगानाय गैथि दिदोंम थासारिया सागलोब फैंदोंमोन ।

गाहाय समाजाव नोगोर सोदोमन्निया आगान खोलैने हायाखैमोन । थामहिनबा
बै समाव असमाव नोगोर सोदोमन्निया गोसारनो हायाखैमोन । सोलोंथाइ मोननाय गेजेर
थाखोनि सुवुं हान्जाबो जोनोम जायाखैमोन । वै बार्दि समाजारि थासारिनि गेजेराव
थानानैनो बरदलैया सलभा लिरनो मुखुव जादोंमोन । बेनिखायनो सलभानि आयदा
थामहिनबा सल सायखेनायाव बिधाडा आबाद गाहाइ समाजनि सायावबो नोजोर
होदोंमोन । आबाद मावनानै जाव-जुच जाग्रा आरो जोबोद गोरलै जिउ खुनाय मिरि
(मिचिं) हरिनि सायाव सोनारनानै बिधाडा “मिरि जीयरी” सलभाखौ लिरदोंमोन ।
असमनि रावबो लिरगिरिया जनजाति जिउ आरो समाजनि फारसे नोजोर होवियावनो

रजनीकान्त बरदलैया मिरि (मिचिं) समाजनि सायाव सोनारनानै बे सल'माखौ लिरदोंमोन।

1.4 सल'मानि सल' :

सवणशिरि दैमा सेरनि सानै मिरि (मिचिं) सेंग्रा-सिख्ला पानेइ-जंकिनि जिउना गोसो थोनाय, बिमा-बिफानि हेंधा, गामनि फिसाला कुमुदनि मोजां मोननायखौ नेवसिनाय, समाजारि अगेन नोजोर आरो गाछि मिरि रेबानि गोसो थोनायखौ नेवसिनायनि जाहोनाव मा बादियै जंकि-पानेइनि जिउआव खैफोद आरो दाहा बिदां जावरिबोदोंमोन बेनि जोबोद दाहागोनां (Tragic) जाथाइ बे सल'मानि गेजेरजों फोरमायनाय जादों। गोसो थोनाय आरो दाहानि बिदैजों उसिफावनाय बे सल'माया सवणशिरि दैमानि बाला गेजेरनिफ्राय बुरखानानै लाबोनाय थरसे गोजों स'ना बादि। बे बिबुंधिया असमौया थुनलाइनि जारिमिन लिरगिरि ड° सत्येन्द्र नाथ शर्मनि।

जंकि आरो पानेइ सानैबो सवणशिरिनि बिखायाव गेदेर-गोलाउ जानाय सेंग्रा-सिख्ला। उन्दै समाव बिसोर सानैबो सवणशिरिनि बाला बारियाव गेलेलायदोंमोन, आबाद फोधाराव जिव-जुनार नेदोंमोन, दिडयाव गाखोनानै जयै मेथाइ रोजाबदोंमोन आरो सोसादोंमोन। जौमोननि लांगोनायाव आगान सुरनाय लोगो लोगो उन्दै वैसोनि बे आंगोधियानो सानैनिबो गोरबोआव गोसो थोनायनि सानसि बिलिरनानै होफैयो। बिसोर सानैनि गेजेराव सोमजिनाय गोसो थोलायनाय दान्दिसेनि एबा हरखाबनो नुलायनायाव जोनोम जानाय गोरबोनि अनसायलायनाय नड, बे गोसो थोनाया दैमुनि सुदेम दै बादि लैथोनि फैलाव बिखाखौ थांखिनानै फुवा फुवा बोहैलानाय। बिसोर सानैबो गावजों गाव मोजाडै मिथिलायगी, जोबोद मोजाडै बुजिलायगी। बेनिखायनो सानसेखालि 'नराछिगा' बिहु गोजोन मोनाबिलियाव सवणशिरि दैमानि बालावारियाव जिरायनानै कार्चि-कार्टामखौ साखि खालामनानै सानैबो अराय जिउ धैस'-थांस' राइजो जालायनो सदबांसा लायो। नाथाय पानेइनि बिफा तामेदा रां-रुफा गोनां गामनि फिसाला कुमुद-नोसो पानेइखौ हावा हरनो थिरांथा लायो। गामजों रायलायखानायबो जायो। फिसाजो पानेइनि गोसोनि दाहाखौ बुजिनो विहा सम गैया, बियो अखा, नांगोल बिनो रां-रुफा। पानेइया जंकिजों गोसो थोनायनि बाश्रा जेब्ला बिफानो फोरमायो अब्ला बिफा तामेदा रागाजों थिउरिया जायो, आरो थियारि खालामनानै होयो निखाउरि जंकिनि सेरनिफ्राय अराय समनि थाखाय आनत्रायबोयो।

खोथा होखानाय बादियै गामनि फिसाला कुमुदा तामेदनि न'आव गोरजिया थानो फैयो। बेखौनो नुनानै पानेइया सानसेखालि जंकिजों खारखोमालाडे। नाथाय बिसोर सानैबो खारग' बाखिसै। नागिर नागिर बिसोरखौ हमना लाबोयो आरो कासारियाव लानानै बिसार खालामनाय जायो। बिसार जोबागौमानि पानेइखौ बिमा-बिफानि न'आवनो

लाखिनो हुकुम होयो।

बे चादिनो समा लासै लासै दावगालाडे। बिफा तामेदा कुमुदनो हरनो थाखाय सानसे थियारि जानायावनो पानेइया सिरि सिरि ननिफ्राय खारखोमालाडे। सवणशिरि आरो घुणखुति गामि गनैया पानेइ खारलांनाय गुमुरखौ खोनानानै सोमो नाडे। बिमा-बिफा सानैबो दाहायाव लोरबां जायो। पानेइ खारखोमा लांनाय गुमुरखौ डालिमोनि खुगानिफ्राय खोनानानै जंकिया गोजोनै थाधिरनो हाया जायो। ओजोहाय लामा हान्थिलांबाय थानायावनो पानेइया हाजोनि अखा गाछि मिरिनि आखाइयाव गोलैयो। पानेइखौ बिसोर खाना लाखियो। पानेइया बिसोरनि गेजेराव बान्दि जिउ खुंनांगौ जायो। पानेइखौ नागिर हालाय-हाफाय दावगालांबाय थानायावनो जंकियाबो गाछि मिरिनि फाखनाव गोलैहैयो। जंकिखौबो बिसोर खाना लाखियो आरो बान्दा महरै बाहायो। सानसेखालि सानैबो सानैजों नुलायो आरो बे खौफोदिनि फाखननिफ्राय ओंखारलांनो हरगेजेराव नाजानायावनो सानैबौ हमजायो। अखा गाछि मिरिफोरनि बिसार खुंनायाव आरो पानेइखौ सिरि सिरि गोसो थोखोमानाय रेबांनि थिठरिया नोजेराव पानेइ-जंकि सानैबो दायनिगिरि महरै गनायजायो। उनाव बिसोर सानैखौ गाछि मिरिफोरा समाजारि आइन चादियै जयै जंजों सुथावनानै सिथारो आरो सवणशिरि दैमावाव फोजाव हरो।

सल'मानि दुखुनांथाव आरो दाहागोनां सल'आ बे जाथाइजोंनो जोबथाहैयो।

“मिरि जीयरी” सल'मानि सल' दावागानाया जेथोगोनां नड्ड, गोथों, गोरलै आरो जाब-जुब। बेयाव अदेवानि सल'मानि जोबथा जाथाइखौ जोबोद सोगोनांथाव महरै दिन्थिदों। मोजां मोनलायनाय सानै संग्रा-सिखलाखौ अना-खना आखाइ आथिं, खर', बिखायाव जंजों सुथावनानै गाछि मिरिफोरा दैयाव फोजाव हरनाय जाथाइया जोबोद सोमोनांथाव। गुबुन फारसेथिं जंकि-पानेइनि जुलिनि लामायाव पानेइनि बिफा-बिमायाबो हेंथानि गाहाइ जाहोन-बे चाध्राया सल'मानि गेजेरजों रोखावै बेरखांदों।

1.5 आखल दानाय (Characterisation) :

“मिरि जीयरी” सल'मानि आखलफोरा मोगथानि सायाव सोनारनानै रनसायनाय। जंकि, पानेइ, तामेद, निरमाइ, कुमुद, डालिमो बे मोननैसो आखलानो सल'मानि गाहाइ आखल। मोनफ्रोमबो आखला गाववा गावनि बिफावजों मुखुब। जाय समाज आरो थासारिनिफ्राय बे आखलफोरखौ बुधुमदों बेफोरजों गोरौब होनानैनो आखलनि बिफावखौ लाहोदों। गोथों, गोरलै आरो जाब-जुब जिउ खुंनाय आवादारि मिरि समाजनि थासारिनि बेखनाव दोननानै आखलफोरखौ दानाय जादों।

सवणशिरि दैमा सेरनि मिरि सिखला पानेइ आरो संग्रा जंकिनि गेजेराव मोजां

मोनलायनाया दान्दिसेनि मेगन नोजोराव उसिफावनाय जौमोननि हाबिलाल' नड, बे जाबाय गोथार गोरबोनि धैस-थांस' अनलायलायनाय। बिसोर सानैनि सोमोन्दोआ जिरि जिरि बोहैलांनाय फुंखानि दै बादि सुदेम आरो गोजें। मोनबो बादोगोनां खामानियाव बिसोर मुखुव नड एबा बिसोर सानैनि अनसायलायनायखौ समाज बेरेखाबो बुंनो हाया।

बिगुर गैथि, निखावरि जंकिखौ पानेइया गोसो धोदों अनसुला, आखुगोनां आरो उदां गोसोनि सेंग्रा होनना।

बिहाव-बिखुनजोनो "गा-धोन" होनो हायाब्ला जंकिया पानेइखौ जिउ-जुलि महरै जेब्लाबो मोननाय नड। जंकिनि आखाइयाव रां-रुफायाबा वबाव थानो, बियो निखावरि, मालायनि न'आव बैनानै जाग्रा दाहोना। जंकिनि दुखुआ बेयावनो। बेनिखायनो जंकिया पानेइखौ सोंदों- "आं सानो, नोमा-नोमफाया नोंखौ आंनो हरनाय नड। आंहा जेबो गैया। आखाइयाव रां-रुफाबो गैया।" जंकिनि दुखुखौ नुनानै अनसुलि पानेइया बुंदों- "जंकि, दुखु खालामब्ला नोंहा रां-रुफा जागोन। नों एसे दुखु खालामनानै रां-रुफा आरजिनो नाजब्ला रांखौ बुथुमनो हाथारगोन। जेब्लासिम रां-रुफा आरजिनानै आइ-आफानो होफेनानै आंखौ लाड अब्लासिम आंबो रावजोंबो हाबा जाया। आं नोनियावसो थांगोन। दिनै बे सवणशिरि दैमानि बाला बारियाव गसनानै कार्चि-कार्टानखौ साखि खालामनानै बुंदों।" (राव सोलायनाय)

जंकिनि गोसो थोनाया जोबोद गोथार। पानेइनि फारसे मोजां मोननाया बिनि जिउजों सरजाबफानाय। पानेइखौ जिउनि जुलि महरै सेराव मोनाब्ला बिनि जिवा माबेरै थांना थानो! बेनिखायनो जंकिया दुखुजों बुंदों- "नोखौ मोनाब्ला आं जिउखेनो फोजोबसांगोन।" (रावसोलायनाय)

नाथाय जंकिया दुखु खालामबालाय मा जानो, बै गामिनिनो सासे रां-रुफा गोनां गामनि फिसाला कुमुदनो पानेइखौ हाबा हरनो धाखाय बिमा-बिफाया खोथा होना दोनखादों। कुमुदाबो मेगन खेबखादों। साननैसो उनावनो कुमुदा पानेइमोननि न'आव गोरजिया धानो फैगोन। बे खौरांखौ खोनानानै पानेइया सारअन्थाइ गावजानाय मानसि बादि सुथि गोमाबाय। पानेइया बे दुखुनि खौरांखौ जंकिनो गोखे गोखे फोरमावहरो। जंकिया जोबोद दुखु मोनो। ओजोंहाय कुमुदा खाबु लायै लायै जंकिखौ जंखायरो आरो सोंखारिनो हमग्रा जाबाय। सहायनो हायिनि जंकिया पानेइमोननि गामिनिफ्राय जायखारलांनो लायो। बे जानगारलायनानै थानाया बिसोरनि गोरबोनि अनलायनायखौ सिलिंखार खालामनो हाया। "मिरि सिख्ला-सेंग्रानि खुगानि बाध्राया जेब्लाबो सोलाया।" पानेइनि बे बादि रावा बिसोर सानैनि गोसोनि गोथार अनलायनाय आरो गोखें गोसोनि गुमुर होयो। जंकिया पानेइनि गामिनिफ्राय जायखारलांगोनब्लाबो पानेइनि खौरांखौ बियो जेब्लाबो लाबाय थांगोन होननानै पानेइनि सिगाडाव खोथा होलाडो। जंकिनि बे

थादि खोथाया पानेइनि फारसे बिनि गोधार मोजां मोननाय आरो गोसोनि गोखोधिनि बिदिन्धि होनो हादों। बेराफारसे, सानै सेंग्रा-सिखलानि मोजां मोनलायनाय आरो जुलनि बिधिडव बिमा-बिफायानोदि हेंथा महरै गसंथेदों बे बाध्याबो बे सलभानि गेजेरजां बेरखांदों। पानेइ आरो जंकिनि जुलनि बिधिडवबो पानेइनि बिफा तामेदानो बांसिन हेंथा होदों। पानेइया गोसो गैयागारा बिफा तामेदा कुमुदनो हरनो थिरांथा लानाय बाध्याबो खोनाना पानेइ-जंकि सानैबो ननिफ्राय खारखोमालाडे। बे खौराड गामिनि जेजोंबो गोसारलाडे। बिसोर सानैखौ नागिरना सवणशिरि दैमासेरनि हाग्राबारि, खाथि खालानि गामि जेरावबो सुलार लानाय जायो।

दानसे ठनाव बिसोर सानखौ सवणशिरि दैमा सेरनि हाग्रा गेजेरनिफ्राय नागिरनाने लाबोयो। राइजोनि मेल जयो, बिसोरनि दायखौ बिजिरनाय जायो। नाथाय बे मेलव बिसोरखौ दायनिगिरि महरै सिनायधिनानै साजा होनो जेबो राहा दिहुननो हायाखिसै। दायखौ बिजिरनो आरो दायनिगिरि होननानै साननाय जंकिखौ साजा होनो पानेइनि बिफा तामेद आरो कुमुदमोनहा कासारिसिम धानानै हाकिमनि सेरावबो आरंज हैयो। नाथाय बे सोलोआबो जाफुडखिसै। हाकिमा बिजिरनानैबो जंकिखौ साजा होनो हाथाय मोनबो दाय दिहुननो हायाखिसै।

सासे मोजां आखुनि सेंग्रा जंकिया दाय गैया गारा गले गले लाजिमोननांगौ जानायनि आन्दोआव दडं पानेइनि बिफा आरो गामनि फिसाला कुमुदनि मेगन गोसा आखुनि खैसारि सानाय। पानेइनि गले गले बुजायनानैबौ बिनि गोसोखौ जंकिनि सेरनिफ्राय बोखारनानै लाबोनो हायिनि बिफाया जोबोद रागा जंदों आरो दाद्रि होदो। ओजोंहाय जंकिया पानेइनि गोसोखौ बुरखायनानै देखारलांदोंमोन होननानैबो जेबो फोरमान खालामनो हायाखिसै। बे जाहोनावनो तामेद आरो कुमुदा लाजि मोननानै जंकिनि फारसे बांसिन थिठरिया जासिनो। नाथाय तामेदनि आखुखौ नुनानै सानैसो सेंग्रा बैसोनि आमलाफोरा गावजों गाव रायलायो- “बिसोर सानैबो मोजां गोरोबधारदोंमोन, बिमा-बिफाया मानो हेंथा होनांगौ।” बैसो गोरा आमला सानैसोया रायलायदोंमोन- “मिरि हारिया गावनि खान्धि बादियैसो खामानि भावगोन। बिमा-बिफाया जेराव हरो बेयावतो थांनांगौमोन।”

मुंखगायो, बे सलभानि आखल दानायाव लिरगिरिया समाजारि आसार-खान्धि आरो समाजारि बेसेननि सायाव जोबोद नोजोर होदों। दोरोडारि खान्धिजों जिउ खुंबोनाय आखलफोरखौ आबादारि मिरि समाजनिफ्राय बुथुमनाय जादों आरो समाजारि आसार-खान्धिनि फारसे नोजोर होनानै बिफाव लाहोनाय जादों। बिहाव-बिखुनजोनो गा-धोन होनाय, सेंग्राया गोरजिया थानानै गावनि मोजां आखु आरो रेंगौधिखौ दिन्धिनाय बेफोर बादि समाजारि खान्धिखौ जंकि, कुमुदमोन बादि आखलनि गेजेरजों दिन्धिनाय जादों। गुबुनफारसेधिं, रं-रुफा गोनं नखरनि फिसा कुमुदनो गावनि फिसाजो

पानेइखौ हाबा हरनो हाब्ला निखाउरि तामेदा मुलामफा जागोन होननानै मिजिं खालामनाय आरो बिनि नेहाद आखुखौ सल'मानि जाथाइनि गेजेरजों मोजाडै बेरखानायखौ नुनो मोनो आखाइ-आधिं खारबनानैब्लाबो पानेइखौ कुमुदनो नो हरधारनो जेब्ला थि खालामो, पानेइया गिनानै अराय समनि थाखाय न'निफ्राय खारखोमालाडो। बे खेबाव बिफा-बिमाया जोबोद दुखु मोनो। गोसो गैयागारा पानेइखौ बे बादि दुखु होनानैबो बिनि गोसोखौ सोलायनो हायाखै। बेनो फोरमायो जंकिनि फारसे पानेइनि गोथार मोजां मोननायखौ। बे खोथाखौ बुजिनानै बे खेबाव बिफा तामेदा दुखु आरो दिखार नाडो। गोरोन्थिखौ मिथिनानै बिसि निरमाया फिसाइखौ सोंखारिनानै बुंदों- "नोंनो बेफोरखौ जाहोबाय, फिसानि गोसोखौ बुजियालासे रां-रुफाखौसो नागिरबाय।"

गावनि गोरोन्थिखौ मिथिनानै तामेदा पानेइखौ जंकिनो नो हरनो थिरांथा लाबाय बेनिखायनो तामेदा जंकिनो बुंदों- "आं दिनै नोंनि सिगाडाय काधिं -कार्टनखौ साखि खालामनानै बुंबाय- पानेइखौ नोंनो नो हरगोन।"

पानेइनि बिमा-बिफाया सानदों- जंकिया पानेइखौ बवेयावबा लांखारना दोनहैदों। नाथाय जंकिया जेबो मिथिया, पानेइया बे खेबाव बोजों खारखोमालांदों एवा बवेयाव थाहैदों बेनि जेबा गुमुर मोनाखै जंकिया। गावहादि एसेबो दाय गैया बे बाध्राखौ जंकिया बिसोरनि रोखायै फोरमायखादों। नाथाय गावनि आंगो अतजालिया सिरि सिरि न' गारना थांनाय जाथाइया बिखौनो दायनिगिरि होननानै फोरमान खालामगोन। जंकिया जोबोद दुखु-दाहा मोनदों पानेइया गावखौ गारना थांनायनि थाखाय। पानेइनि आखला बिनि जिउखौ फैमाल जाहोबाय। बेनिखायनो जंकिया पानेइखौ नागिरनो थांनो थियारि जादों। थांनाय सिगां सिगां बियो गावनि गोसोनि बाध्राखौ निरमा आरो तामेदनो बुंलाडो- "नोंसोर आंनो हरो हरगोन, हरा गैया। थिखौ नागिरना मोनाब्ला, बियो बवेयावबा थैदोंब्ला, नोंसोरबो साननानै लाखा जंकियाबो थैबाय होनना।"

बेनि उनाव जंकि-पानेइनि जिउआ जोबोद जेंना आरो खैफोदनि गेजेराव गोलैनानै हालाय-हाफाय जायो। हाजोनि अखा गाछि मिरिनि फाखेनाव गोलैनानै बिसोर सानैबो दुखुनांथावै जिउ होनो गोनां जायो। बारेगामा बिसार खुंनानै पानेइ-जंकिखौ सिखाउ होननानै सिनायथियो आरो उनाव बिसोरनि आखाइ-आधिं-बिखायाव जंजों सुथाबनानै सानैखौबो सवणशिरिनि दैयाव फोजाव हरो। बिसोरनि गोसोनि बाध्रा खौनासंनो बारेगामा सम गैया।

दाय मैयि सानै सेंग्रा-सिख्लानि गोथार जिउखौ गिलु-बालु बुधारनाय जाथाइनि गेजेरजों अखा गाछि मिरिनि थिउरिया आखुखौ सल'मागिरिया मोजाडै दिन्थिनो हादों। पानेइ-जंकि सानैबो खुलुमथाव खुलुमथाव गावब्लाबो निमाहा बिब्लाबो बारेगामा गावनि थांखियाव गोमजोर, बियो जेब्लाबो दोरोदा। सल'मागिरिया बारेगामनि आरो

गाछि मिरिनि थिउरिया आरो अननाय गैयि आखुखौं बे चादि रोखायै फोरमायदों-
 “बारेगामा थांखियाव गोमजोर। जाय थिउरियाफोर जेबो दाय गैया, जाहोन गैयालाबानो
 मानसि बुधारनोबो गया, जाय थिउरियाफोर गामिजों गामि मासेल’ मेथन एवा अमा
 एवा देवघटि गंसेनि धाखाय नालायब्ला हराव सिखाव बादि थानानै गंसे गामिया ग्वून
 गंसे गामिनि मानसिखौं दानथार सुथार खालामनानै गथ’-गथायखौं खानानै लाबोनानानो
 आखु, बे चादि मानसिनि गोसोखौं जंकि आरो पानेइनि आलावरि-बिलावरि रोनावनाय
 आवलिहोनो हायोदा ?”

बे सल’मानि सासे मुख’जाथाव आखला जावाय डालिमी। बियो घुणामौन
 गामिनि सासे गामनि फिसाजों। नाथनो समायना, मोसानायाव आखा-फाखा डालिमीया।
 बियो सिरि सिरि जंकिखौं गोसो धोयो। निखाउरिब्लाबो बियो जंकिखौं जिउनि असे
 महरै अनसायनो लुबैयो। नाथाय जंकिया सवणशिरि सेरनि पानेइखौंसो थैस’-थांस’
 गोसो धोयो। बे बाथाखौं जंकिनि खुगानिफ्राय खोनानाय उनावबो डालिमीया जंकिखौं
 पानेइनि सेरनिफ्राय बोखारना लाबोनो नाजायाखै। बे चादि गात्रि खामानिखौं बियो
 मावोमोनब्ला सल’मानि जाथाइया गोबां जेना गोनां जागौमोन। जंकिया पानेइखौं जोबोद
 गोसो थोयो होनना मिथिनाय उनावबो डालिमीया पानेइखौं मेगन सायाखै एवा बिनि
 फारसे मुगैनायबो सोमजियाखै। पानेइखौं देखारना लाबोनायाव जंकिनो थुलुंगा आरो
 हेफाजाबसो होदों। जंकिनो दिइल गंसे होनानै हेफाजाव होनायनि अनगायैबो जंकि
 आरो पानेइया हाग्रा गेजेराव थानाय समाव जाग्रा मुवा दैथाय हरनानै हेफाजाव होदोंमोन
 पानेइ आरो जंकिनि एसेबां दाहा गोनां बाथाखौं खोनानानै डालिमीया बुब्लिसेबो गोजोनै
 थानो हायाखै। सल’मायाव डालिमीनि बे चादि बिफावनि गेजेरजों बिनि गोथार आखुनि
 नेरसोना बेरखांदों। पानेइखौं नागिरनो थानाय समाव जंकिखौं थांखिना डालिमीया
 बुंदों- “ग’साइया बिखौं नोंजों नुलाय होगोन। नागिरना मोनाब्ला गिदिंबोफिन। नों
 गारना थांब्ला जोंनि गामिया लांदां जागोन।”

1.6 मिरि जीयरी सल’मायाव बेरखांनाय मिरि समाज आरो हारिमुनि सावगारि :

“मिरि जीयरी” सल’माया गांसे समाजारि सल’मा। मिरि समाजनि सानै सेंधा-
 सिख्लानि गोसो थोनाय आरो बेनिफ्राय सोमजिनाय दाहा बिदां- बेनो सल’मानि गुवं
 बाथाब्लाबो सल’मा लिरगिरिया बे सल’मानि गेजेरजों मिरि हारिनि गोबां आखल,
 समाजारि आसार-खान्धि, रंजाथाइ-सिबिनाय आरो हारिमुवारि चाइदिमिना बाथा
 फोरमायनो नाजादों। मिरि सुबुंनि अखा आखु, हाबाजों सोमोन्दो गोनां आसार-खान्धि,
 सरग फुजा, नराछिइल बिहु, देवधानि उन बुंधि- बे चादि गोबां बाथाखौं सल’मानि
 सल’जों लोब्बा लाखिनानै फोरमायदों।

सल'मानि सल'आ जागायदों सवणशिरि दैमा सेराव । बे दैमायानो मिरि हारिनि थाखाय सुदेम थावनि, थाना थानो मिजिं रनसायनाय आरो जुजिनायनि धुलुंगा । सल'मानि गिबियावनो लिगिरिया सवणशिरि दैमानि बाध्रा बुंदों । बे दैमाया मिरि हारिनि समाज जिठजों मा बादियै गोरबफानानै दं बेनि सोमोन्दै औरै बुंदों- "सवणशिरिनि सुदेम दै मोनलोडब्ला बिसोरहा दै गांगाय्या । आइ सवणशिरिनि बिखायाव फिसा दिडयाव गाखोनानै गेलेनो मोनाब्ला बिसोर गोजोननाय मोना । बेनिखायनो मिरि हारिनि गोबाडनो सवणशिरिनि सेराव न' लुनानै जिठ खुडो । जायगा जायागा शवणशिरि दैमानि सेराव मिरि मानसिनि गामि । बबेबा दाबसेयाव मिरि गामि दंब्ला, बबेबा दाबसेयाव हरै हाग्रा बारि । बै हाग्रा बारिखौ दानछानानै मिरिफोरा आबाद मानो ।"

सल'मानि आयदा सेयाव आबादारि मिरि समाजनि सरग फुजा आरो बे फुजायाव अमानि थैजों बाडनानै अखा मोफ्लामनाय आरो जोमैनि मोदाइ "मुगलीं मिरिमा'खौ गोजोन होनो नाजानायनि गुमुर बेरखांदों ।

सल'मानि आयदानैयाव मिरि सेंग्रा-सिखलाफोरनि रंजानायनि सावगारि एरखांदों । न'-न' थानानै सेंग्रा-सिखला ज ज मोसानाय, लोगो लेवा, गेदेर-उन्दैनि गेजेराव अननाय जासिनाय, बोर होनाय-लानायनि समाजारि सावगारि फोरमायदों "मिरि जीयरी" सल'मानि गेजेरजों । मिरि समाजव बैसागु रंजानायनि साननैसोआव 'कडि' गेलेनायनिबो हुदा दं । सल'मायाव बे बाध्राखौबो रायखांदों ।

मिरि समाजव मरड न'आ बयजोंबो अनसायजानाय राइजोनि धोरोम सालि । मरड न'नि बैसाडव जिरायनानैनो गामिनि बैसो गोरा बोराइ, सेंग्रा-सिखला गासैबो समाजनि जेंनानि बाध्रा सावरायो, रंजायो धोरोमारि आसार-खान्थि फालियो । लोगोसे मरडन'आव जिरायनानै राइजोनो गोदान बोसोरनि बोर होयो । रंजा-बाजा जौ लौलायो । बैसागुनि मेथाइ रोजाबो, देवधाइखौ गेजेराव लानानै सेंग्रा-सिखलाफोरा हर सोरांजासिम दल दामै दामै मोसायो । फुं सोरांनाय लोगो लोगो देवधाइनि मोदोमाव मोदाइ मानखोयो । रेगि रेगामनिफ्राय ओंखारबोनानै कार्चि-कार्टाना देवधाइजों गोरबलाडो । बै समाव देवधाइया गामियारि मानसिनि मोजां-गाज्जि, आबाद जागोन ना जाया, मिथिंगायारि गोहोआ मावा खहा खालामगोन नामा बाइदिसिना बाध्राखौ सिगां बुंजोवनो हायो । मिरि समाजनि बे बादि समाजारि फोथायनाय आरो आसार-खान्थिखौ सल'मागिरिया हागौमानि फोरमायनो नाजादों । मरडन'खौ मिरु खालामनानै धामहिनबा मरड न'आव ज' जानानै सेंग्रा-सिखलाफोरा बैसागु रंजानायनि सावगारिखौ सल'मागिरिया रोखायै एरखांदों ।

गोजौ बैसां न'आव थानो मोजां मोनग्रा मिरि समाजनि गोजाम हावा खान्थिनि गुमुरबो बे सल'मायाव दं । गामनि फिसा कुमुदा पानेइनियाव गोरजिया थानो फेनाय, गा-धोन होनाय, सेंग्रा-सिखलाया ननिफ्राय खारखोमालानानै हावा जानाय बाइदिसिना

जाथाइनि गेजेरजों मिरि समाजनि समाजारि गुमुर बेरखांदों।

हाजोनि गाछि मिरिफोरनि अखा आरो थिवरिया आखुनि बाध्नाखौबो फोरमायदों बे सल'मायाव। जंकि आरो पानेइ सानैबो गाछि मिरिजों खाजानायनि उनाव हाजोआव बिसोरनि न'आव बान्दा बैनांगी जायो। जंकि आरो पानेइ सानैबो खारखोमानो नाजनायावनी हरगेजेराव हाजोनि मिरि सेंग्रा रेबां, केदिं, तामें, लाइपुंमोनजों हमजायो। बेनि उनाव बिसोरनि दायखौ बिजिरनो बारेगामनि बिथोन बादियै गामियाव मेल हांखायनाय जायो। बे मेलाव सा धामजिसो सुबुं ज जाफैयो। खर'आव रायदोंनि थुफि, जानजियाव रायदोंनि सावदां, आखाइयाव सिखा, खुगायाव औवा एबा फिथलाइनि हंखा सोबनानै गामियारि मानसिफोरा ज जाफैयो। मानै अमा बुधारनानै गेजेरजों गेजेर गजियों सुनानै अराव हाडे आरो बेनि उनाव गाछि मिरिफोरा बे अमाखौ दानखा दानखा जायो। बे बादि फोरमायथिया हाजोनि गाछि मिरिनि मेल खुंनारनि रोखा गुमुर होयो। "मिरि जीयरी" सल'मायाव बेफोरनि सावगारिखौ एरखांनय जादों। गाछि मिरिनि समाजाव बारेगामनि बिथोन एबा हुकुमा जेब्लाबो दोरोदा। जंकि-पानेइनि बिधिझव वेनो जादों। बारेगामनि हुकुम बादियै जंकि-पानेइ सानैखौबो आखाइ-आधिं, बिखा जेरावबो जंजों सुथाबनानै सवणशिरि दैमायाव फोजाव हरो। बेयो गोदोनि हाजोनि मिरि समाजनि समाजारि खान्थि। गाछि मिरिनि समाजाव सिखाठ आरो फाफिखौ बे बादियै साजा होनाय जायो।

1.7 सार बाहागो :

रजनीकान्त बरदलैनि "मिरि जीयरी" सल'माया गांसे समाजारि सल'मा। इ 1894 मायथाइयाव बे सल'माखौ मिरि समाजनि जिठ हारिमुनि सायाव सोनारनानै लिरदोंमोन। सल'मानि सल'आ सानै सेंग्रा- सिख्लानि गोसो थोनाय आरो बिसोरनि दाहा गोनां जिठनि जाथाइनि सायाव सोनारनाय। सल'मानि जोबथा जाथाइया जोबोद दाहा गोनां। मोनबो दाय गैयाजासे हाजोनि गाछि मिरिजों अना-खाना बुधारजानाय सावगारिया सल'माखौ दाहानि बिदैजों उसिफावहोदों। सल'मायाव बिफाव लाहोनाय बे सानै मिरि सेंग्रा-सिख्लानि मुछ फारियै जंकि आरो पानेइ। जाब-जुब, गोथों आरो गोरलै जिठ खंनो मोजां मोनग्रा, गामिनि समायना मिथिंगायारि थासारिजों गेलेना देरबोनाय-लाडबोनाय जंकि-पानेइनि जिठ आरो आखुआ जोबोद गोथार। बिसोरनि गोसो थोनायाव अगेन सानसि आरो आखु नुनो मोना। सल'मा लिरगिरिया जंकि-पानेइनि आखल दानायाव बे बिथिंनि फारसे गोखों नोजोर होदोंमोन। अदेबानि सल'मायाव आखल दानायनिखुइ सल'माखौ खहाबगोनाडै फोरमायनायनि सायावसो बांसिन नोजोर होनाय जादों।

बेफोरनि अनगायैबो बे सल'मायाव फोरमायनाय जादों- मिरि समाजनि हारिमुवारि सावगारि। धोरोम फालिनाय, समाजारि आसार-खान्थि, रंजानाय-बाजानाय,

आबाद फोथार, हाजोनि गाछि मिरिफोरनि जिउ खुंनाय सावगारि, जानाय-लौनाय, गाननाय-जोमनाय, गामिनि मेल खुंनाय बाइदि बाइदि।

बे सल'मानि मोनसेबाव मुख'जाथाव बिथिछ जाबाय सवणशिरि दैमाखौ जिउगोनां महराव फोरमायनाय। सवणशिरि दैमा आरो बेनि सेरफांखौ मिरु खालामनानैने सल'मानि गासै जाथाइखौ दिन्थिनाय जादों। सवणशिरि दैमायानो मिरि समाजनि जिउनि थुलुंगा, धाना थानायनि फुंखा आरो जिउनि गोजोन-सुदेम जायगा। सल'मानि दाबसेयाव लिरगिरिया औरै फोरमायदों- "असमीया मानसिनिखुइ हाजोनिफ्राय फेनाय गोथों-गोरलै गोसोनि मिरिफोरखौ आया (सवणशिरि दैमा) बांसिन मोजां मोनो। आजोला-आजोलि आखुनि मिरि सेंग्रा-सिख्लाया आइखौ गारनानै जेब्लावो थानो हाया। हाजोनि सुदेम जायगानिफ्राय ओंखारख्लायबोनाय मिरिफोरा आइनि सेराव थायाबा गोजोनथारा।"

सल'मानि जोबधारनायावबो सवणशिरि दैमाखौ जिउ गोनां आखल महरै बिफाव लाहोदों। गाछि मिरिफोरजों बुथारजानानै निजोरायाव फोजाव हरजानाय उनाव जंकि-पानेइखौ गामिनि गाथोनसिम आलो आलो लाबोदों सवणशिरि दैमायानो लिरगिरिया सवणशिरि दैमाखौ जाथाइनि जायगा महरैल' अनसायाखै सासे जिउ गोनां आखल महरैबो अनसायदों।

1.8 सोदोबधि (Glossary) :

नराछिगा बिहु	:	गोबां आसार-खान्थिजों फालिनाय मिरि हारिनि बैसागो रंजानाय।
कार्चि-कार्टान	:	मिरि हारिया सिबिनाय देरसिन मोदाइ-मोदाइजो।
गाछि मिरि	:	हाजोयाव धानाय मिरि। बिसोर जोबोद अखा आरो थिउरिया आखुनि होनना फोथायनाय जायो।
गा-धन	:	हाबानि सिगां हौवा गोदाना हिन्जाव गोदाननि न'खरनो होनो गोनां रां-रुफा।
गाम	:	मिरिफोरनि माहारिनि (Class or Group) गाहाइ मानसि। बिसोरनि गेजेराव मोननै गाहाइ माहारि दं : दहगाम आरो बारेगाम।
देवघटि	:	मिरि हारिया फुजानि समाव बाहायनाय रोखोमसे आयजें, बेयो घन्टा बादि।
मुग्लीं-मिरेमा	:	बे सानैबो अखा मोफ्लामनाय आरो जोमैनि मोदाइ।

- सरग फुजा : मिथिंगानि गेदेर गेदेर मोदाइ जैरै- जोमै, अखा मोफ्लामनाय, आखाफोर, सान, हाथरखि, हा, दै थे बादि मोदाइफोरखौ गोजोन होनो जौ, अमा, दाउ वाइदिसिन बोलि होनानै खुनाय फुजा।
- मरड : मिरि हारिनि धोरामसालि।

1.9 हेफाजाब बिजाब (Reference) :

1. शर्मा, सत्येन्द्र नाथ : 1981, असमीया साहित्यर समीक्षात्मक इतिवृत्त, सौमार प्रिन्टि एण्ड पाब्लिछि लिमिटेड, रिहाबारी, गुवाहाटी-8
2. शर्मा, सत्येन्द्र नाथ : 1989, असमीया उपन्यासर भुमिका, सौमार प्रिन्टि एण्ड पाब्लिछि लिमिटेड, रिहाबारी, गुवाहाटी-8

★ ★ ★

Unit-II जीवनर बाटत

बीणा बरुवा

2.1 बरेखेवनाय (Introduction) :

ड॰ बिरिञ्चि कुमार बरुवाया 1908, अक्ट॰बर दाननि 16 खालाराव मुंदांखा खरंगी बरुवानि फोलेराव नगाँवआव जोनोम मोनो। बिनि बिफानि मुछ बिजयराम बरुवा आरो बिमानि मुछ लीलावती बरुवामोन। उन्दै बैसोयावनो बिफा थैजानायाव गिदिर न॰खरा रांखान्थिनि जेनायाव गोम्लैदोंमोन। देरसिन बिटा ललितकुमार बरुवानि मददजों फरायना 1928 मायथाइयाव नगाँव हाइस्कुलनिफ्राय सेथि बाहागोआव उध्रियो। 1930 ई मायथाइयाव कलिकता प्रेसिडेन्सि कलेजनिफ्राय सेथि थाखोयाव आइ. ए. आनजादाव उध्रिनानै 1932 ई मायथाइयाव बै कलेजनिफ्रायनो पालि रावाव अनासं लानानै सेथिबाहागोनि सेथि मासि लानानै बि.ए. अन्जादाव उध्रिनानै ईशान वृत्ति मोनो। 1934 मायथाइयाव कलिकता सुलुग सोल्लोंसालिनिफ्राय पालि राववाव सेथि थाखोनि सेथि मासि मोननानै एम.ए. आनजादखौ फास खालामो। ई 1936 मायथाइयाव कलिकता भुम सोल्लोंसालिनिफ्राय बि. एल. डिग्री मोनो। 1938 मायथाइयाव कलिकता मुलुग सोल्लोंसालिनिफ्राय MIL (असमीया) बिफाननि बिबुंगोर मासि नागारनानै कटन कलेजाव हाबफैयो। 1944 ई मायथाइयाव बीणा बरुवा लाखुमानाय मुं लनानै 'जीवनर बाटत' मुनि सल॰मा लिरनानै मुंदांखा जायो। 1945 मायथाइयाव बिजिरसंनायनि थाखाय लण्डनाव थाडो। 1947 मायथाइयाव लण्डन मुलुग सोल्लोंसालिनिफ्राय "A Cultural History of Assam" आयदाखौ लाना बिजिरसंनानै डक्टेरेट डिग्री मोनो। बेनि उनाव कटन कलेजाव हाबफै फिनो। ड॰ बिरिञ्चि कुमार बरुवाया मजुरा लायाब्लानो जारिमिन आरो पुरातत बिफानाव सिगां लोगो साम्लायगिरि आरो उनाव लेडइ-साम्लायगिरि महरै हाबा मावो। 1948 ई मायथाइयाव गुवाहाटी मुलुग सोल्लोंसालिनि असमीया बिफाननि रीडार महरै थिसन जायो आरो उनाव बिफाननि गाहाइ आरो कलागुरु महरै हाबा मावो।

बिरिञ्चि कुमार बरुवाया गोबां लाइसिनि हाबा मावदोंमोन। गथ॰ फोरनि लाइसि 'रंधर'नि फोसावनाय आरो सुजुगिरिनि हाबा मावो। उनाव बेनो गुस्तायनानै मुंदांखा 'रामधेनु' लाइसिनि महर मोनो। बेनि उनावनो बिथाड 'नतुन असमीया' लाइसिनि

सुजुगिरि जायो। 1950 मायथाइयाव बिरिञ्चि कुमार बरुवाया गुवाहाटी मुलुग सोल्लोसालिनि थाखोफोरनि सचिब महरै बिबान मोनो। 1953 ई मायथाइयाव असमीया बिफानजो लोगोसे दान्दिजोर महरै बांला बिफाननि गाहाइनि मासियाव जिरायो। वे मायथाइयावनो गुवाहाटी मुलुग सोल्लोसालिनि कलागुरु (Dean of the Faculty of Arts) मासियाव थिसनजायो। वे मायाथाइयावनो 'अकण' मुनि गथ'फोरनि लाइसि सुजुयो। 1955 मायथाइयाव असम साहित्य सभानि गुवाहाटीनि जधुमायाव जास्मिन जधुमनि आफादगिरिनि मासि लायो। 1957 मायथाइयाव भारतारि सानजानि सानथौगिरिफोरनि थान्दै महरै कलम्ब दावबाय हैयो। 1959 ई मायथाइयाव रास्ता बरुवा लाखुमा जानाय मुडै "सेउजी पातर काहिनी" मुनि नैथि सल' माखौ फोरयो। 1960 मायथाइयाव आसाम एकाडेमी फर कालसारेल रिलेसन्स दानायाव सिगांणी बिफाव लायो। 1961 मायथाइयाव भारतारि हरिमुवारि बिथांखिनि थान्दै महरै रासिया दावबाय हैयो। 1963 मायथाइयाव आमेरिकानि इण्डियान मुलुग सोल्लोसालिनि सुजु हरिमु बिफाननि आलासि बिबुंगोरा महरै थिसन जायो। 1964 ई मायथाइनि मार्से दाननि 30 खालाराव 56 बोसोर बैसोआव रुंसारि जायो।

'असमर लोक-संस्कृति' मुनि संबिजिरारि बिजाबनि थाखाय थैनायनि उनाव बिथाइ साहित्य अकाडेमिनि बान्था मोनो।

बिथांनि फोसावजानाय बिजाबफोर :

सल'मा : 'जीवनर बाट' (1944) आरो 'सेउजी पातर काहिनी' (1959)

सुंद' सल' : 'पट-परिवर्तन' 1948 आरो 'अघोणी बाइ' 1950।

खौरांगासे थुनफावधाइ : 'एबेलार नाट' 1955।

दावबायनाय : 'चुइजारलेण्ड भ्रमण' 1948 आरो 'प्रफेचार बरुवार चिठि' 1968।

गथ'नि थुनलाइ : 'जातकमाला' 1938 आरो 'देश-विदेशर साभु' 1948।

बिजिरसडारि बिजाब : 'काव्य आरु अभिव्यञ्जना' 1941 'असमीया भाषा' 1948, 'असमीया कथा साहित्य' (पुराण भाग) 1950, 'बौध्य धर्म आरु साहित्य' 1956, 'असमीया भाषा आरु साहित्य' 1957, 'असमर लोक संस्कृति' 1961।

इंराजी रावाव : 'Assamese Literature' 1941, 'A Cultural History of Assam', 1951, 'Early Geography of Assam' 1952, 'Studies in Early Assamese Literature' 1953, 'Modern Assamese Literature' 1957, 'Sankardeva : A Vaishnava Saint of Assam' 1960, 'History of Assamese Literature' 1964.

सुजुनाय : 'अंकीया नाट' 1940, 'मनसा काव्य' 1948, 'श्रीराम आता आरु

श्री रामानन्द देवर गीत' 1954, 'बहुबाहुर युद्ध आरु ताम्रध्वजर युद्ध' 1959, 'मधुमालती' 1959, 'अद्भुत रामायण' 1965, 'शत्रुञ्जय' 1965 'अरुन'इर डलफाट' 1965, 'महाभारत आदिपर्व' 1963, 'महाभारत सभापर्व' 1963, 'History of Assam' 1963.

सोथि : ड' बिरिञ्चि कुमार बरुवानि सुंद' सिनायथि होनानै बिनि थुनलाइ मुलुगाव होलांनाय बिहोमानि सोमोन्दै लिर।

2.2 थॉखि (Objectives) :

- 2.2.1 आसामनि मुंदांखा सासे लिरगिरिनि सोमोन्दै मिथिनो मोनगोन।
- 2.2.2 असमीया शंखान्थि-समाज खान्थिनि सोमोन्दै मिथिगोन।
- 2.2.3 जामख' लांनाय बेसेन मोन्दांथिनि बागै मिथिनो मोनगोन।
- 2.2.4 असमीया माहारिनि आसार-आखु दुखु-दाहानि थार सावगारि मोनगोन।
- 2.2.5 भारत हादरा उदांभिनि मोननायनि सिगां समनि सावगारि बेरखांदों।
- 2.2.6 मोजां मोनलायनायनि गुबुन गुबुन महर, गामिनि सुबुनि गोसोनि बागै जैरे मोनसा-मोनसि खुन्दिनाय सुखु-दुखुनि सोमोन्दै मिथिगोन।
- 2.2.7 जौगाबोनाय समाजनि सावगारि बेरखांनाय तुजादों।

2.3 'जीवनर बाटत' मोनसे समाजरि सल' मा महरै :

'जीवन बाटत' सल'माया गांसे समाजरि सल'मा। बिरिञ्चि कुमार बरुवाया गामियारि समाजनिफ्रायनो सल' आरो आबहावाखी सायख' ना लादों आरो बे समानो जादों उदांभिनि सिगांनि बृटिस खुंथाइनि सम। गिखंथाव मुलुग दावहानि बाश्रा सल'मायाव गैयाब्लाबो बेवहाय दं असमजों लोगोसे भारतनि सुबुनि थाखाय दावहानिखुइबो गोनांसिन थैनाय थानायजों सोमोन्दो गोनां उदांभिनि सिमांनि बाश्रा आरो लिरगिरिया बे उदांभिनि दावहायाव नांनाय सरासनसा सुबुनि सावगारिसो बेरखांहोदों। सल'मानि मिरु थावनि महरै सायख'दों गेजेर आसामनि रहानिफ्राय ग'लाघाटनि मरडिजों गोजौ आसामनि डिबरु सहरसिमखी।

'जीवन बाटत' सल'मानि सल'खी जुरिदों ग'लाघाट सहरनि साखाथिनि जारिमिननि मुंदांखा मरडि ओनसोलनि गामियारि दोहोनि न'खरखी मिरु खालामनानै।

गोदोनि गनायजानाय न'खरनि सिनायधिजों बै समसिम मोननैसो न'खरा गोहो गोराभोन । मरडिनि शइकीया मौजादार आह'म राजानि समाव बिबान थानाय आमु सुबुनि फोलेर । बे मौजादार भ'गदत्तनि फिसाजोनि हाबायाव गुवाहाटोनि कलेजाव फरायनाय फिसाज्जाया फैदोमोन ज' फरायनाय लोगो कमलाकान्तखी लानानै । गाजागोमजायै जालानाय हाबानि गेजेरावनो कमलाकान्तआ सिनायलायो बापुराम बरानि सासेल' फिसाजो तगरखी । तगरनि महर मुखियाव मोजां मोननानै कमलाकान्तआ तगरनि आसियाव गानहोयो गावनि मुं दाननाय आस्थामखी । लोगोसे कमलाकान्तआ खोधा होयो "ग'पने आजि जि भुल करिल' प्रकाश्ये तार प्रायश्चित्य अचिरेइ करिम ।"

कमलाकान्तआ डिब्रुगड सहरनि कासारीयाव केराणीनि हाबा मानग्रा महीकान्तनि देरसिन फिसालामोन । समाव कमलाकान्तआ सानथी शास्त्रआव सेधि थाखोनि अनार्च मोननानै बि.ए. आनजादखी उश्रियो । बयबो सिभिल सार्भिस्नि आनजाद होनो बिथोन होयो । अब्लानो गोनां जानायसै दिबरुनि मानिजाग्रा सुबुं रायबाहादुर गानिक हाजरिकांनि हेफाजाबनि । रायबाहादुर हाजरिकांनि सेराव फैनाय लोगो लोगोनो कमलाकान्तनि सायाव हाजरिकांनि नोजोर गोग्लैनायसै आरो गावनि फिसाजो सुप्रभाखी कमलाकान्तजों सोमोन्दो खालामनायनि सिमां नुनायसै । कमलाकान्तआ सिभिल सार्भिस् आनजाद उश्रिनानै सरकारि साखि मोननायसै । बिफा महीकान्तआ रायबाहादुरनि फिसाजोखी कमलाकान्तनि धाखाय लाबोनो धि खालामबाय । मरडिनि बापुराम बरानि फिसाजो तगरनि बाध्याखी कमलाकान्तनि बिमा-बिफाया मिथिदोमोनबलावो सानसेखालि बे हाबाखी सिफाय हरनायनि लाइजाम तगरनि बिफानो हरनायसै । ओजों तगरनि बिमा धेनायजों लोगोसे फिसाजोनि हाबा बायनायाव बापुराम बराया लामा गोथेनायसै ।

बै समावनो नगावनि रहा ओनसोलनि सेग्रा धरणी कलिताया ग'लाघाट ल'केल बर्डान उइभिं मास्टारनि साखि मोननानै मरडि बायदि गामियारि ओनसोलाव दानाय लुनायनि फोरोंनाय हाबायाव गिदिबायदोमोन । तगराबो जादोमोन दानाय लुनायाव गोसो गुदुं हिन्जाव । बेनि थाखायनो बापुराम बरानि न'सिम घरणीनि थांलाय-फैलाय जादोमोन । बापुराम बराया बेवहायनो सानैनि गेजेराव मोजां मोनलायनाय जादो साननानै नारसिनना हाबा जाहोयो । गुरै, गेबें आखुनि तगरा बिफानि बाध्यायाव बेरेखा खालामनो हायाखैसै । धरणीया मरडियावनो हाबा खुडे । फासैथिं रहानि गामियाव थानाय धरणीनि गोरलैसोना थानाय न'खर आरो गामिनि राइजोया धरणीखी गोजों आसामनि बंशानि नालानुला मिथियै न'खरनिफ्राय हाबा खालामना लाबोनायनि थाखाव गाजि गोसोयै लानायसै । धरणीनि सोमोन्दै फेबाय सासेया गामियाव फैनानै धरणीनि बिहाव न'खरनि गुमुर होनायावसो मानसिफोरा सिरि जानायसै । नाथाय मोनसे गोनां गोजोन न'खराव देरनाय तगरा गामिनि गोग्लैसोनानै थानाय न'खराव बिहामजो जाफैनानै बिखुनजो आहिनीनि गादबनायाव गोसोनि गामिबो गोजोननायखी खोमानायसै । बिखुनजोनि अनगायैबो

गामिनि हिन्जावफोरनि आखल-आखु बाथा रावाव तगरनि जिउआ सिलिंखार जानायसै । थेवब्लाबो तगरा गावनि आखुबादियै गासैबौ सहिलांनयसै । सानसे समाव बिखुनजोनि नोजोरा तगरनि फारसे गुरै जाबोबायमोन । नाथाय हरखाव बिखुनजोआ थैलाडे । धरणीया आदर्श गोनां सेंग्रामोन । समाज आरो हादरनि खोथा आरो हाबायानो बिनि मोनसेल' सिमां, साननाय-हनाय । गामिनि हिन्जावफोरनि रांखान्थि जौगानानि थाखाय दानाय लुनायाव धुलुंगा होनायसै । बेजों लोगोसे उदांसि दावहायावबो नांथाबनायसै । जेल जानाडे । तगराबो पुलिसजों लाजि फोनांजायो । रांखान्थियाव बांसिन लोर्बा जानाडे । फोर्सिंधि कमलनि स्कुल हगारनायनि सम । बे समावनो तीर्थ भ्रमण खालामबाय धानाय तगरनि बिफाया भ्रमणावनो थैलाडे ।

सानसे धरणीया जेलनिफ्राय बेराम लाना ओंखारबोबाय । रहा देहा फाहामसालियाव फैनाय ग'लाप डाक्टरनि मददजों तगरनि न'खरा एसे मिजिनि रेगा नुनायसै । ग'लाप डाक्टरानो धरणीनि बेरामखौ नायनायसै । नाथाय धरणीया अवधिरा थैलाडे । तगरनि जिउआव गेदेर खैफोद स'फैबाय । तगरा अब्लाबो बायगिल्लाडाखिसै तगरा दानाय लुनाय आफादनि हाबायाव मुखुब जाबाय । बिन्दिनो ओंखाम मुथा दिहुननांगोन । ग'लाप डाक्टरा बेफोर हाबायाव मदद होबाय ।

बे समावनो रहा सार्कल अफिसाव बदलि जानानै फैदोंमोन सासे गोदान हाकिम । बै हाकिमनि बिसिया दानाय-लुनायाव गोसो गुदुंमोन । बेनिखायनो दानाय-लुनाय आफादनि गाहाइ फोरोंगिरिखौ हाकिमजोआ लेंहरबाय । हाकिमनि न'आव धांनानै तगरा गोमोबाय कमलाकान्तखौ सिनायखुमानानै ।

हाकिमनि न'आव आस्थाम आरो एसे रां सिखाव जानायाव पुलिस गोराया नागिरना दानाय लुनाय आफादनि फोरोंगिरि तगर आरो ग'लाप डाक्टरखौ दाय खालामबाय । डाक्टरनि मुं थानाय सिरिञ्जनि बागसु आरो हाकिमनि मुं थानाय आस्थाम दिन्थिनाय लोगो लोगोनो हाकिम कमलाकान्तनि मेगनाव नुजाफैबाय गोदोनि गोमालांनय मोनसे दुखुनांथाव आयदा..... । आरो बेवनो सल'मायाबो जोबदों ।

बिन्दिनो असमीया समाजजिउआव नुजानाय जेंना दुखु दाहानि धार सावगारिया सल'मायाव बेरखांदों । "जीवनर बाटत" सल'माया बे बिधिडव जाकुंसारदों ।

सोथि : 'जीवन बाटत' सल'मायाव असमीया समाजनि माबादि सावगारि बेरखांदों फोरमायना लि ।

.....

2.4 "जीवनर बाटत" सल'मायाव सुबुं जिउनि खोधा :

'जीवन बाटत' सल'मायाव असमीया सुबुंमाहारि जिउनि गोबां बाध्रा हाबनानै दं। धार ओंधियाव असमीया गामियारि सुबुं जिउनि सायाव सोनारनानै सल'माखी लिरनाय जादों। असमीया जिउजों गोथौवै सोमोन्दो धानाय लिरगिरिया गामियारि सुबुं जिउनि सावगारि बेरखां होनयाव फेलें जायाखै। असमीया माहारिनि हारिमु-फोथायनाय आसार-आखु, गामियारि जिउआव मोगामोगि जानाय बाइदिसिना जेंना-मोन्दांथि 'जीवनर बाटत' सल'मानि बिलाइ बिलाइ गोसारनानै दं।

सल'माखी जुरिनाय जादों दोंसे सुबुं मेथाइजोंनो। "काम चराइर दीघल त'र, ताते दिलेहि दीघल फ'ट, पितादेव, पितादेव दुरैके निदिबि म'क।" बे मेथाइ गज'याव गोबां बाध्रा हाबनानै दं। सिगाडव मेथाइनि गेजेरजों असमीया आइजोंनि मिजिं-सिगाड बेरखांदों। आरोबाव बे मेथाइ गज'आ सल'मानि सिंनि बाध्राखौबो इसारा होदों। सल'मानि गिबियावनो नुनो मोनो मोनसे असमीया हाबानि सावगारि। भौजादारनि फिसाजोंनि हाबानि सावगारि। बे हाबायावनो नुजादों सल'मानि हिरयिन तगर। गोजाम आमार खान्थि, सोदोमसि-हारिमु सोलिनय, गामिनि माहारियाव जोनोम जानाय आरो देरबोनाय तगर हारिमु गोनां आरो गोगो गोसोनि आइजो। सल'मायाव साधारण सुबुंनि गोबां फोथायनायफोरा गोसारनानै दं।" युरीयाकै पाणत शला मारिब नेपाय (पु:6) मृतकर बछरेकीया है न'य'वा पर्यन्त सेइ घरत बिया-बारु पातिब नेपाय (पु: 45) बेनि अनगायैबो जाधि-कुल बासिनाय, मोन्थोर, फोथायनाय बाइदि गामियारि फोरजा जिउनि सावगारि नुनो मोनो।

गामिनि आइजो तगर, गामिनि बारजों देरबोनाय बिनि सानानाय-मो-दांनाय। फारसेधिं धरणीनि आखुनि गेजेरजों गामिनि सुबुंनि मोजों बाहागोखीं दिन्थिनाय जादों। धरणीया आदर्श गोनां सुबुं। बिनि सोलिनो हानाय गेबें गोसो लोगोसे सुबुं-सिबिनो हानाय जिउखीं बेरखां होनाय जादों। हादरनि उदांसि सोमावसारनायाव मदद होनाय धरणीया धरि गोरलै-गेबें गोसोजों आसामनि गामियारि सुबुंनि आरो गामियारि हारिमुनि थान्दै।

साल'मानि नैथि बाहागोआव धरणीनि बिमा आहिनीया नुजादों। गामियारि बिखुनजोंनि गोगगानाय दबथायनाय आखुआ आहिनीनि आखुआव नुजादों। शुनद, मन'हर, जेतुकी, पाभै बाइदि गुबुन गुबुन आखुथाइया बे ब्राहागोनि सल'खौ जौगानायाव मदद होदों। गुबैयै गामियारि हारिमुनि गुबुनथि फोरमायजानाय नैथि बाहागोआव तगर आरो धरणी सानैनिबो आखुथाइया जोंखांदों।

सोनाबनि सोदोमसिनि गुबुंले बारनि गोहोमाव गामियारि जिउआ माबादि सोलायबोदों बेनि सावगारिखीं लिरगिरिया बेरखां होदों। गामिनि फोरजाफोरखी थगायना माहाजोननि सोबख'नाय, खाबुफलाननि होंगो दोंगो सल'मायाव दिन्थिदों। माबोरै समाजाव नेम-खान्थिया 'जामख' लांदों बेनि बिदिन्थिखीं होनो हायो। स'णाराम मण्डला गामिनिनो

रान्दि आइजोखौ निखावरिनि खाबु लानानै फुस्तायना जिनाहारि खालाम्दों। ग'साइ जानानैबो नारायण ग'स्वामीया कानिनि महल सालायदों। गामियारि जिउआव थानाय मोनसा-मोनसि, थगायनाय फोथायखेबस' खालामनाय, सोबख'नाय, देहानि गांनाय, गावखौल' साननाय बाइदि आखुनि सावगारि सल'मायाव बेरखांदों।

ब्रैथि बाहागोनि धरणीनि गोथै सह लाना गोथैसालियाव थानायनि गेजेरजों असमीया समाजाव गोथै लाना फोथायनाय आसार खान्थिफोरा बेरखांदों। लोगोसे धरणी थैखांनायनि उनाव सासे असमीया रान्दि हिन्जावनि जिउआव स'फैनो हाथाव बाइदिसिना बारहुंखा तगरनि आखुनि गेजेरजों बेरखांदों।

सोंथि : 'जीवनर बाटत' सल'मायाव माबादि सुबुं जिउनि हाबनानै दं सुंद'थै सावराय।

2.5 "जीवनर बाटत" सल'मायाव गामियारि आइजोफोरनि :

'जीवनर बाटत' सल'मायाव असमीया आइजोनि जिउनि जारिभिना बेरखांदों होनक्ला गोरोंथि जानाय नइ। समाजाव गामियारि आइजोनि मासि लोगोसे आइजोनि गुबुन गुबुन महरखौ 'जीवनर बाटत' सल'मायाव दिन्थिनाय जादों। बबेबा समाव रंजासुलि आखल' गोनां सिख्ला, बबेबा समाव बिहामजो, बबेबा समाव बिखुनजो, बबेबा समाव बिमा महरै आइजोनि महरखौ दिन्थिनाय जादों।

सल'मानि गिबियावो नुजादों गामिनि सासे रैरुब आखुजों समायना सिख्ला तगर। तगरनि गोबोंआव दं जुग जुग मोनबोनाय सास्त्रनि सायाव गोथौ फोथायनाय।

"इंराजी कितापत जान' सरस्वती नेथाके?"

"अह'।"

"इस, इंराजी किताप जान' शास्त्र नहय?"

"जावक, आपुनि धेमालि करिछे।"

००००

"शास्त्र जान' तुमि माना?"

औ आइ, शास्त्र नेमानिम किय?"- बेनिखायनो जेबो गोनोगोथो गैयाजासे तगर कमलाकान्तनो बिब्दि बाध्ना बुंनो हादों। कमलाकान्तजों तगरनि हाबा थि जाबायमोन। नाथाय तगरनि बिमा थैनायजों लोगोसे हाबायाबो बायलांदों। तगरा बेफोर गासैबो

इशोरनि गेलोनाय बुंनानै गासै दाहाखौ सैना लानानै उनाव गावनि फिसाइ महरै भरणीखौ नाजावना लादों। बिहामजो महरै तगरा गासै बिबानखौनो बानना लादोंमोन। नाथाय बिखुनजो आहिनीया तगरनि सायाव जेब्लाबो दफ्थायनाय गादबनाय आखु दिन्धिना बिमा गैजायि तगरनि गोसोआव दाहा होसिनो। बेफोर गासै दाहाखौनो मोजां बिहामजो महरै तगरा आखल दिन्धिना सैलाडो। जेब्ला तगरा बिमा जानायनि लामायाव अब्ला बिखुनजोनि नोजोरा तगरनि सायाव सोलायो। बिखुनजोनि सैयि नोजोरा सोलायना अननायनि महर मोनो। जानो हागौ इयुन जोलैनि चाध्रा लानानै आहिनीनि नोजोरा सोलाय लाडो। नाथाय हरखाव आहिनीया थैलाडो। बेफोर दाहानि गेजेराव तगरा बायगिललाडखै। येनि गेजेरजों तगरनि गोमजोर आखुआ बेरखांदों।

आहिनीनि बिखुनजोनि महरा गामियाव सोलिबोनाय महरै लिरगिरिया बेरखां होदों। बिब्दिनो 'माकक मुख तुलि एबार उच् बाइच नकरे' महरै तगरजों गामिनि बिहामजोनि थार सावगारि बेरखां होदों। बिब्दिनो जेतुकी, पाभै बादि गामिनि साधारण आइजोनि गेजेरजों गामियारि जिउनि नंगुबै महर होदों।

'जीवनर बाटत' सल'मानि सुप्रभाया गामियारि आइजोनि थान्दै नड। 'आइलिर आगत भर दि हेलनीयाकै ख'ज कड़ा' सुप्रभाया गामिनि आइजोनि थान्दै नड। बिनि आखुथाइयाव गोनां न'खरनि गोगानाय, जौब्लावनाय नुजादों।

सोथि : 'जीवनर बाटत' सल'मायाव गामियारि आइजोनि माबादि आखु बेरखांदों लिर।

2.6 Theme, Background and Characterization of the Novel :

'जीवनर बाटत' सल'भाया गांसे मोखधाडरि जिउनि सायाव सोनारना लिरनाय सल'मा। गामियारि जिउनि सुखु-दुखु, गावनाय-मिनिनायनि थार सावगारि सल'मानि बिलाइ बिलाइ गोसारना दं।

सल'मानि गेजेरजों लिरगिरिया सुबुं जिउंआव बराद एवा खाफालनि लिरनायखौ नेवसियाखै। तगर बादि इशोर फोथावगा सासे आजोलि आइजोआ जिउ दावहायाव गोबां दै मोनलौनांदों। ये तगरानो सानसे दुखुजों फिसाजो कमलिखौ बुसै-बुसे सानैखौबो बुथारलानो इशोरखौ खावलायदों। लोगोसे गोरान्धि खालामाब्लादि उनाव साजा मोननाडो बेखौबो लिरगिरिया सल' मानि गेजेरजों दिन्धिदों। तगरखौ मोजां मोननायनि नेरसोन

महरै सानसे कमलाकान्तआ गावनि आस्थामखौ तगरनि आसियाव सोना बाध्रा होलांदोमोन। नाथाय कमलाकान्तआ तगरखौ नेवसिना गावनि स्वार्थ सुफुनो थाखाय दोहोनिनि फिसाजो सुप्रभाखौ जुलि खालामो। बेनिनो फिनसाजा महरै सानसे बे आस्थामा कमलाकान्तखौ होसोदोमोन।

असमीया समाजाव गान्धीबादि आदर्शनि गोहोम, महात्मा गान्धीनि दैदेननायाव साधारण सुबुड गान्धीनि उदांसि दावहायाव बारसोमनाय, गामि जौगानायनि हाबा बाइदि सावगारि बेरखांदो। लोगोसे सोलायबोनाय समाजाव मानसिनि बेसेन मोन्दांथिया माबादि खहा जाबोदो-बेनि सावगारि दिन्थिदो।

'जीवनर बाटत' सल' माया आबुधि गोनां सल', खन्थाइयारि फोरमायधि, आखुथाइ आरो आबहावनि नेसोन्थियारि फोरमायधि, लिरगिरिनि गोथौ जिउ सानथौ, साधारण सुबुं जिउखौ लाना फोरमायना लिरनाय गांसे जाफुंसार सल'मा।

बेयो मोनसे सरासनसा मोजां मोननायनि सल' नडा। बेयो गोथौ ओंथिगोनां सल'मा। हाबानि सिगां मोजांमोनलायनाया बे सल'- मायाव जाफुंडाखै। हाबानि उननि मोजां मोनलायनायाव नाथाय मोनसेखौनो बुंथावा। तगर-कमलाकान्तनि गेजेराव मोजां मोनलायनाय सोमजिदोमोनब्लाबो तगरनि गोमजोर, उन नुहरनाय नोजोरनि थाखाय बेयो सरासनसा मोजां मोननायनि सिरियाव गोग्लैलाडाखै। तगर आरो धरणीनि गेजेराव बिबि जानायनि खाबु दंमोनब्लाबो नाथाय मोखथाडाव जायाखै, नाथाय हाबानि उनाव सानैनि गेजेराव गोथौ मोजां मोनज्जायनाय जादो। फारसेधिं सुप्रभा-कमलाकान्तनि गेजेराव जुलनि सिगां सिनायधि दंमोनब्लाबो मोजां मोनज्जायनाय गैयामोन। हाबानि उननि जिउआवबो बिसोर गोजोन नडामोन।

सल' मानि मिरु आखुथाइया जादो तगर। सल' नि गुदियाव दंडं फिसाजो तगरनि बाध्रा। मौजादारनि फिसाजोनि हाबायाव गामिनि आइजो तगरा हरखाव कलेजनि फरायसा कमलाकान्तजो सिनायधि जायो। कमलाकान्तआ तगरनि आसियाव आस्थाम सोनानै जुलि लानायनि खोथा होयो। नाथाय कमलाकान्तआ रादाय सिफायना रायबाहादुरनि फिसाजो सुप्रभाखौ जुलि लायो। तगरा गामिनि उइभिं मास्टर धरणीजो हाबा जायो। सल' मानि गेजेर बाहागोआव बिहामजो तगरनि जाथाइ दिन्थिनाय जादो। बिखुनजो थैनायनि उनाव तगरा न'खरनि बिबान लादो। धरणीया हादर सिबिनो ओंखारबोना जेल जानांदो। उनाव टि. बि. बेरमाव गोग्लैदो। जेलनिफ्राय गबोनाने न'आव फैनायनि उनाव बेरमाव धरणीया थैयो। तगरा गोदान हाकिमनि न'आव थानायाव कमलाकान्तखौ नुनानै सिनायना सिरियै फैफिनो। उनाव कमलाकान्तआ तगरनो होनाय आस्थामा जाथाइफारियै कमलाकान्तनि आखाइयाव गोग्लैयो। बेवनो सल'माया जोबदो।

"जीवनर बाटत" सल'मायाव गोबां जेना दिन्थिनाय जादो। समाजारि मोखथाडरि सल'मा महरै बेवहाय मोजांमोननाय, जुलि आरो संसारनि जेनाया गोनां जायगा मोनदो।

रंखान्थियारि, राजखान्थियारि एवा धोरोमारि जेनाया नेहाद जाबोदों लंगोसे फोथायनाय, फोसाबनाय, थैनाय बादिनि जेनाया फिसा महराव बेरखांदों।

जीवनर बाटत- सल' मानि हिरयिना जादों तगर। मौजादार भंगदत्तनि फिसाजोनि हाबायाव तगर नुजाथिदों। वै समनि तगरा गामिनि साधा-सिदा आइजोफोरनि स्यासेमोन। हाबायाव कमलाकान्तआ मोजां मोननाय दिन्थिना आस्थाम सोना दोनलांदोंमोन। नाथाय तगरनि जुलिनि सिमाड जाफुड। कमलाकान्तआ दोहोनिनि फिसाजो सुप्रभाखीसो जुलि लायो।

तगरा हौवा गाहाइ समाजनि आइजो। हौवा गाहाइ समाजाव सरामनसाये बिमा-बिफायानो हाबाखौ थि खालामो। बे बिथिडव आइजोनि लुवेनाय लुवेयिनि फासे बिमा-बिफाया गोसो होवा। तगरनि बिफा बापुराम बरायावो तगरनि जेबो खोथा खोनासडब्लानो उइभिं मास्टर धरणीनो हाबा हरो। खाफालाव सिन्दुरनि फोथा गानाने तगरा बिहामजो जिउ जुरिजेनो। नाथाय तगरनि जिउआ गोखाजों बुंफबजोबो बिखुनजो आहिनीनि रायनाय-गात्रि बाहायनायाव। सानसे समाव आहिनीनि नोजोरा सोलायबायमोन। धरणीया हादर सिबिनायाव गोसो होना जेल जानाडे। तगरा न'खरनि बिबानाव गोसो होयो। जेलनिफ्राय ओंखारनायनि उनाव तगरनि गौबोखौ लांदां खालामना धरणीया बेरामाव वैलाडे।

तगरा लाजिगुसु, मावथि, सहिसुलि आरो गुरै गोसोनि आइजो। विखुनजोनि रायनायनि गेजेरावबो फिसाइ सिबिना गामिबो दुखु-दाहा सैलानाने सासे गामिनि आदर्श गोनां बिहामजोनि सिनायथि होदों। गावनि गासै दुखु-दाहानि थाखाव खाफालखीसो दाय खालामदों आरो इशोरनि सायाव फोथायनायखौ दिन्थिदों।

तगरनि उल्थायै सुप्रभानि आखुथाइखी दिन्थिनाय जादों। सुप्रभानि गेजेरजों सल'मागिरिया गोदान रंखान्थि मिरुवारि सोदोमघनि सोरा मोननाय दोहोनिनि गोसांनि माखासे बिथिं फोरमायदों। न'आव थानायावबो बिलाथि पारफिउम बाहायगा सुप्रभाया बिफानि सायख'- नायनि सायाव फोथायनाय लाखिनाने कमलाकान्तजों हावा जायो। सुप्रभाया मोजाडैनो मिथिदोंमोन दि बिफानि राज कमलाकान्तखौ गादबना लाखिनो हागोन। सुप्रभाया गोरिबखी नेवसियोमोन आरो बांद्राय बाहायनायखौ रुजानायनि गोनां हावा होनना सानोमोन। बेनिखायनो कमलाकान्तखौ लाजिफोनानो, गात्रि राते रायनो फासयामोन।

सुप्रभानि आखुआव सासे, दोहोनिनि फिसाजोनि दुनाय आखुआ बेरखांदों।

सल'भायाव गाहाइ हौवा आखु मोननैया जादों कमलाकान्त आरो धरणीनि।

कमलाकान्तआ बेसेनमोन्दांथि गैयि आखुथाइनि गेजेरजों गेजेर थाखोनि धान्दे महरै सल'भायाव नुजादों। गामिनि आइजो तगरखी मोजां मोननायनि रादाय होनानैबो हावा लायाखै। हावा लादों दोहोनीनि फिसाजो सुप्रभाखी। मानोना मौजादार-बिफानि गोहोम आरो रंनि खैसाराव कमलाकान्तआ गावनि मोजां मोननायखी बोलिहोदों।

थौले मोजां मोननाय आरो मुवावारि जौगानायनि आगजु महरैसो कमलाकान्तआ आइजोखौ नाजावदों। गुबुन फारसेथिं धरणीनि आखुथाइयाव गोधी मोजां मोननाय, गुरै, आदर्श गोनां, फोथायजाथाव बाइदि गुणा नुजादों। तगरा बादिनो जायगानि हरिमु सोदोमसिनि सायाव दाजादों धरणीनि आखुथाइयाव। सल'भागिरिया बेनिखायनो तगर कमलाकान्तानि सोलाय तगर धरणीखौ गोरोब होदों। गोजाम बेसेन मोन्दांधियाव फोथायग्रा धरणीया मोनसे समाव हादर सिबिनायनि गेजेरजों नागिरनाय लामा संदों।

सोथि : (i) 'जीवनर बाटत' सल'मानि गेजेरजों लिरगिरिया मा बाथ्रा बुंनो नागिरदों ?

.....

.....

.....

.....

(ii) 'जीवनर बाटत' सल'मायाव तगरनि आखुखौ माबादियै दिन्थिदों ?

.....

.....

.....

.....

2.7 सार बाहागो (Summary) :

'जीवनर बाटत' गांसे समाजारि सल'मा। लिरगिरिया सल' मानि गेजेरजों असमीया माहारि जिउनि गोबां बाथ्रा दिन्थिनायाव जाफुं सारदों। सल'मानि गुदियावनो हिर' आरो हिरयिनखौ नुजा होदों। मौजादारनि फिसाजोनि हाबायाव तगर आरो कमलाकान्तआ नुजादों। कमलाकान्तआ तगरखौ जुलि लानायनि बाथ्रा होनाने आस्थाम सोलांदों। नाथाय समजों गोजाव लांग्रा कमलाकान्तआ साबसिन जिउनि सिमां नुना तगरखौ नेवसिदों। दोहोनिनि फिसाजो सुप्रभाखौ हाबा लादों। तगरा गामिनि उडभिं मास्टार धरणीखौ हाबा लाना गोसो मोदोम होना संसार खुंदों। नाथाय तगरनि जिउआव सुखुवा माब्लाबाबै सफैयाखै। बिखुनजो आहिनीनि गादबनाय रायनायजों सम बारहोनांदों। तगरा गासैबो दुखुखौ बानना लाना दावगालांनांदों।

मोनसे समाव बिखुनजो थैजानाय तगरा धरणीनिफ्रायबो जानगाराव थानांदों। धरणीया हादर सिबिनायनि मुछव जेल जानाडे। जेलनिफ्राय गबोनायनि उनाव बेरामआव धरणीया थैलाडे। फिसाजो कमलिखौ गोबाना जिउ दावहायाव तगरा बारसोमो। बेवहायनो तगरा हेफाजाबगिरि डाक्टर ग'लापजों राइजोनि बानसावनाय सैनाडे। बेल' नड्ड जायगानि

हाकिमनि बिसि सुप्रभानि आस्थाम खावनायनि बद्नामाव गोग्लैयो । लाइमोन वैसो आन सोलांनाय बे आस्थामा कमलाकान्तनि मोखाडव सुबादि नुजायो बेवनो सलमाया जोबो ।

बे गोलाड सलमानि गेजेरजो असमीया समाजनि साननाय-हनाय, जौगानाय-धादेनाय गासै गावगारिखौ लिरगिरिया बेरखांहोनो हादो ।

2.8 सोदोबदि (Glossary) :

जीवनर बाटत	=	जिउनि लामायाव ।
बिबुंगोरा	=	फोरोग्रा, Lecturer ।
फास खालामनाय	=	उध्रिनाय ।
थान्दै	=	दैधाय हरजानाय सुबु ।
समाजारि	=	समाजनि सायाव सोनारनाय ।
खुंथाइ	=	शासन, बेनाय ।
आगु	=	सिगां ।
गुमुर	=	मिधि ।
सिलिंखार जानाय	=	सेव हांगार जानाय ।
आदर्श	=	खान्थि ।
तीर्थ भ्रमण	=	गोधार थावनि दावबायनाय ।
मेथाइ गज	=	मेथाइ सिरि ।
साधारण	=	सरासनस्रा ।
खाबु फलान	=	खाबु नायगिरबाय थाग्रा ।
रान्दि	=	फिसाइ थैजानाय ।

2.9 Reference & Suggested Reading :

- | | | |
|--|---|---------------------------------------|
| (i) जीवनर बाटत | - | बीणा बरुवा । |
| (ii) असमीया उपन्यासर भूमिका | - | ड ^० सत्येन्द्र नाथ शर्मा । |
| (iii) असमीया उपन्यासर गतिधारा | - | ड ^० सत्येन्द्र नाथ शर्मा । |
| (iv) साहित्यर सत्य | - | ड ^० हीरेण ग'हाइ । |
| (v) बिरिञ्चि कुमार बरुवा आरु
प्रफुल्लदत्त ग'स्वामीर उपन्यास | - | ड ^० कृष्ण कुमार मिश्र |
| (vi) कथा बरेण्य | - | श'णित बिजय दास,
मुनीन बायन । |

★ ★ ★

Unit-III रंमिलिर हाँहि

रंभं तेराड

3.1 बेखेवनाय (Introduction) :

आसामनि सासे गिबि सारिनि लिरगिरि रंभं तेराड 1937 मायथाइयाव गंसे कारबि नखराव जोनोम लादोमोन। असमीया आयदायाव गुवाहाटी मुलुग सोलोसालिनिफ्राय एम. ए. (M.A.) उध्रिनाय तेराड दिफु सोरखारि फरायसालिमायाव असमीया आयदायाव फोरोंगिरि आरो बिफाननि गाहाइ महरै खामानि मावदोमोन आरो उनाव प्रिन्सिपाल महरै बै फरायसालिमानिफ्रायनो 2002 मायथाइनि 30 नवेम्बरखालि आजिरा लायो। फरायसालिमाया प्रभिन्सियेलाइजड जानायनि सिगांनो तेराड बैयाव पार्ट-टाइम फोरोंगिरि महरै खामानि मावखादोमोन आरो बै समावनो प्रिन्सिपाल प्रफुल्ल कुमार भुजानि धुलुंगायाव बियो- “खोमसिजो सगलोबजानाय बे कारबि आंलडव सोरां सारफावना होनि” होननाय फरायसालिमानि मेधाइखौ सुजुदोमोन।

रंभं तेराड सासे कारबि सुबुंलाबो बांसिनै बियो असमीया रावजोंसे लियो। गाहाइयै बियो सुंद सल' आरो सल'मा लिरगिरि। बिनि सल'माफ्रा जादों- रंमिलिर हाँहि, रंमिलि की मुस्कान (हिन्दीसिम रंमिलिर हाँहिखौ राव सोलायनाय), क्रान्तिकालर अश्रु आरो बन फरिडर गीत। बियो असमीया रावजों “नीला अररिड” मुनि गांसे सुंद' सल' बिजाबबो लिरदोमोन। सुंद' सल' आरो सल'मानि अनगायैबौ बियो रायथाइ लिरनाय खामानियावबो आखाइ होदोमोन। कारबिफोरनि धुनलाइ हारिमुनि सायाव असमीया रावजों लिरनाय बिनि गांसे रायथाइ बिजाबनि मुड जादों- कारबि साहित्य संस्कृतित एभुमुकि। कारबिफोरनि सल' बाथाखौ “कारबि साधु” मुजों असमीया रावाव लिरना दिहुननायनि अनगायैबो असमीया रावै सोलोनों गोसो जाग्राफोरनि थाखाय बियो “कारबि असमीया पाठ” मुनि गांसे बिजाबबो लिरदोमोन। गावनि आंगो सोरजिनि अनगायैबो बियो सुजुनाय खामानियावबो आखाइ होदोमोन। बिनि सुजुनायाव महर मोननाय बिजाबफोरा जादों- “दला आलुन” (कारबि खुगा मेथाइ) आरो “ने लुन नै लामथे” (कानम हानसेपि लिरनाय खन्थाइ सुजुनाय)। राव सोलायनाय धुनलाइयावबो बियो आखाइ होदोमोन। श्रीमत भागवत गीताखौ बियो कारबि रावसिम राव सोलायदोमोन। “कारबि लामतासाम” मुनि गांसे फिसा सोदोब बिहुंबो सुजुदोमोन। असमीया आरो कारबि रावाव थोजासे रोंगौथि गोनां रंभं तेराड भारत सोरखारिफ्राय

“रंमिलिर हौंहि” सलमनि थाखाय 1989 मायथाइयाव पद्यश्री बान्थाबो मोनखांबाय। बेनि सिगाडवबो बे विजाबनि थाखाय बियो 1982 मायथाइयाव आसाम पाब्लिकेशन बर्डनि बान्था मोनदोंमोन। बे विजाबनि थाखायनो बियो असम साहित्य सभानिबो बान्था मोनखांबाय।

3.2 थांखि (Objective) :

- (क) बेयाव सलमनि आयदाफारनि सोमोन्दै सावरायनाय जागोन,
- (ख) बेयाव कारबिफोरनि बाइदिसिना सुबुं फोथायनायनि सोमोन्दैबो फोरमायनाय जागोन।

3.3 सलमनि आयदाफारि (Theme of the Novel) :

रंमिलिर हौंहिया कारबिफोरनि जिउनि सायाव बिथा खालामनानै लिरनाय गांसे समाजारि सलमा। बेयाव कारबि सुबुंफोरनि जिउनि समाजारि, रांखांथियारि, सोलेंथाइयारि, हारिमुवारि बिधिं आरो लोगोसेनो बाइदिसिना सुबुं फोथायनाय, मेथाइ आरिफोरखौं जखालामनानै दोननो सलमागिरिया हाजासे नाजादों। 1981 मायथाइनि आगष्ट दानाव गिबियै फोसावजानाय बे सलमाखौं लिरनाय समाव सलमागिरिया गावबो सासे कारबि सुबुं हिसाबै जेसेबां हायो एसेबां बिसोरनि जिउनि बाइदिसिना बिधिंखौं रोखायै बेरखांहोनो नाजादों।

बे सलमाखौं लिरनायनि समा भारत उदांसिनि सिगांनि सम। बेनि गुबै आयदाया बैठालांछ ओनसोलनि रंमिलि मुंनि गंसे फिसा गामि, बेनि खाथिजों बोहैलांनाय कारबिफोरनि जिउ बरपानी- कारबि लंपि आरो बेनि खाथि खालायाव धानाय कारबि गामिफोरखौं लानानै लिरनाय। बै समाव रंमिलि आरो बेनि खाथि खाला गामिफोरनि समाजारि-हारिमुवारि-रांखांथियारि-सोलेंथाइयारि थासारि, बिसोरनि साननाय-हनायफ्रा मा बादिमोन बेखौंनो सलमागिरिया सलमनि गेजेरजों फोरमायनो नाजादों। बे सलमाया कारबिफोरनि Transition नि समनि गांसे सलमा, जेराव गोजाम सानसि आरो गोदान सानसिनि मानसिफोरनि गेजेराव गोसो गोरोबलायि जादों, गोजाम सानसिनि मानसिया गोदान सानसिनि मानसिफोरनि आवगायनाय लामायाव हेंथा जाना गसंथेदों, बिसोरखौं लाजिहोनो, गोहोखौं सिफायना होनो नाजादों। कारबि हारिखौं फोथांन लाखिनोब्ला बेनि दोरोखौं जेब्लाबो फालिनांगोन, गोदानखौं जेब्लाबो गादबनानै दोननांगोन, बेनो जादों गोजाम सानसिनि मानसिफोरनि गोसोनि राव। नाथाय बेफोर बादि गोसोनि मानसिफ्रा हारिनि थाथिनिखुइ गावबा गावनि थाथिखौं लानानैसो गिखांसिननाय दं। मानोना गोदान सानसिनि मानसिफोरनो लामा हगारना होयोब्ला गावसोरनि मान-सन्मान, बिबान गासैबो गोमालांनो हागौं। बेनिखायनो बिसोर जेब्लाबो

थाधिर। लोरोद सोरोद खालामनो नागिर। गावनि थाधिनि बाध्राखी सानना बिसोरनि बिखाया मावखाळे। बिसोर समजों आगान सुरफानो हाथि गावनिखील' सानग्रा अन्थाइ बिखा।

बे सल'मायाव गोजाम सानसिनि मानसि महरै लंरिनि हाबेछिक चिकारी तेरण आरो गोदान सानसिनि मानसि महरै रंमिलि गामिनि छारबाछा छारइक तेरांखी दिन्थिनाय जादों। हाबेछिकवा छारइकखी लाजिहोनो थाखाय जोब्लाबो नाजादों। आबाद मावै मावै निखावरिनिफ्राय निखावरिसिनि जालांनाय कारबिफोरनि थाखाय हाल एवना हायेनाव आबाद खालामनायनि बाध्रा बुंनाय छारइकखी बियो नायनो हाथि जादों। समजों लोगोसे आगान सुरफानो सोलोंथाइया गोनांधार होनना बुंना जेब्ला बयनिबो फिसा-फिसौफ्रा जायगायावनो सोलोंथाइ लानो हानाय बादियै गंसे फरायसालि फसंनायनि बाध्राखी बुंदोंमोन अब्लाबो हाबेछिकवा बेरेखा खालामदोंमोन। हाबेछिकवा टीका हाजोआव खुष्टियानफोरा गीजी न'लुफैनायनिफ्राय कारबिफोरनि हारिमुवा लासै लासै गोमालांनो हमबाय होननानै गले गले बुंदोंमोन। कारबिफोरखी रंखांन्थियारि आरो हारिमुवारि बिथिडव गोखों खालामना लाखिनोब्ला जिरछंनि जोबोद गोनांधार होननानैबो बियो बुंदोंमोन। नाथाय जेसेबां नाजाया माने समजों लोगोसेनो जिरछंखी फोथांना लाखिनो हानाया गोब्राव जागोन बेखी छारइका मिथिखादोंमोन। बेनिखायनो मिसनारीफोरनि मदद नड लासिनो धनेश्वर माष्टारखी बुंनानै ओनसोलावनो गंसे फरायसालि फसंनायनि बियो सिमां नुदोंमोन। मानोना गथ'-गथायफोरखी नगावआव फरायहोनाया गोजाननि बाध्रा बबेखानि कामपुर एबा जमुनामुखाव फरायनो थोनहरनो गोब्रावसो जाबावो। नाथाय गावनि गोहोखी सिगांग्रो खावु होनो सानग्रा, गावखीनो बयनिखुडबो गोहो गोरसिन सानग्रा हाबेछिकवा छारइकनि बे बादि बुंनायाव जोबोद रागा जोंखांदोंमोन। छारइका आर थिलियाव मैदेर दाउमा-दाउसा सोफै सोफै जाफैना बिखानि थैखी दै खालामना मावनाय आबादखी गाफ्ले गुफ्ले सिलिंखार खालाम लांनायनिफ्राय रैखा खालामनो जेब्ला नगावनिफ्राय सिलाइ गंसे बायनानै लाबोदोंमोन अब्लाबो हाबेछिकवा मेगन साखांदोंमोन। माजों हागोन माजों हाया छारइकखी लाजिहोनो बियो जेब्लाबो सोलो नागिरगासिनो थादोंमोन। लरेज्व हान्सेमोननि खावलायनायाव दरबारनि जधुमायाव छारइका नुजाहैब्ला हाबेछिकवा खावु मोनदोंमोन आरो बिखी छारथे छारबाछानि बिबाननिफ्राय बोख्तायनो किद दैथाय हरदोंमोन आरो बिनि जायगायाव रंमिलिनिनो छिनत तेरांखी गामिनि छारथे-छारबाछा सायखेना होदोंमोन। नाथाय गामिनि रावबो छिनतखी छारबाछा मानिनो गोसो जायाखैमोन आरो हाबेछिकनि फावजों सानसेखालि हराव छिनता छारइकनि सौरा न'खी सावना होफैनाय समाव किदवाबो खामनानै हांगार जालांदोंमोन।

छारइका खुष्टियान जानायनि मिजिंजों एबा खुष्टियान जायोब्ला मावाफोर मुलामफा मोनगोन साननानै दरबाराव थाडखैमोन। बबेखानि गासै कारबि हारिनि

মোজাঁনি বাধা সানখানানৈসো থাদোঁমোন। মেঘালয়াব খাশি আরো গার'ফোরা আরো নাগালেণ্ডাব নাগাফোরা গাববা গাব জিলা থানায় বাদি কারবিফোরাবো গাবসোরনি জিলা থায়োব্লা থাব দাবগানো হাগোন হোননায় বাধাথৌ বিয়ো সানখানো হাদোঁমোন। জৌসে মোসৌ জায়োব্লা মোসায়াবো থৈয়ো হোননাই বুঁনায় বাদি ছারইকনি অরায় সম গাৰি সানগ্ৰা হাবৈছিকবা উনাব গাবসো রাজা লিন্দকজোঁ হাবৈছিকনি বিবাননিফ্ৰায় কিচ হরনাই বোখ্লায় জাদোঁমোন। গোহো থানায় সমাব বিয়ো হায়েন আনসোলাব আসামনি গুবুন গুবুন জায়গানিফ্ৰায় ফৈনায় নেপালীফোরনো থানো, আবাদ মাখনা জানো জায়গা হোদোঁমোন। নাথায় গাবনি গামিয়া হাগ্ৰা দুফবলানায়খৌ লোঁনায়-জানায়জোঁ গৌদোহাখনা থানায় হাবৈছিকবা নোজোর হোনো সমানো মোনাখৌমোন। জেব্লা বিয়ো নোজোর হোদোঁমোন অব্লা সমা বারলাংখাৰায়মোন আরো গাসৌখৌবো গনায়না লানায়নি অনগায়ৈ বিহা জেবো রাহাবো গৈলামোন।

বৈঠালাংচ আনসোলনি মানসিফোরা মা জাহোননি থাখায় খুচ্টিয়ান ধোরোম লাদোঁমোন, কানিয়া বৈ জায়গানি কারবিফোরনি মা খহা খালামদোঁমোন বেফোরখৌবো সল'মাগিরিয়া সল'মায়াব ফোরমায়ফাদোঁ। সল'মাখৌ নাযোব্লা নুয়ো, বৈঠালাংচ আনসোলনি কারবিফোরনি সমাজ-হারিমু-রাংখান্থি-সোলোঁথাই বাইদি বিথিংখৌ গুবুনফোরনো ফোরমায়নায়ানো সল'মানি গাহাই থাংখি। বেনিখায়নো বৈঠালাংচ আনসোলনি রাঁমিলি গামিনি ছারইকনি জিউখৌ মিরু খালামনানৈ বৈ আনসোলনি জারিমিন আরো সুবুঁ জিউখৌ রোখায়ৈ ফোরমায়থিনো সল'মাগিরিয়া হাজাসে নাজাদোঁ। বেনিখায়নো সল'মাগিরিয়া গাবনি খুগা ফোরনায়াব বুঁখাদোঁ- "সময়ে মানুহৰ মনক আঁছোৰ মানি থৈ যোৱাটো স্বাভাৱিক। এনে আঁছোৰবোৰে পূৰণি সমাজ গাঁথনিকো ক'ব নোৱাৰাকৈয়ে জৌকাৰি থৈ যায়। কাৰবি সমাজৰ ওপৰতো সময়ৰ অজুৰ আঁছোৰ নিশ্চয় পৰিছিল। ফলত বহুতো ছবি ইতিমধ্যে হেৰাই যাবলৈ ধৰিছে। ক্ৰমে ক্ৰমে হেৰাই যাবলৈ ধৰা কাৰবি সমাজৰ বুৰঞ্জীৰ ছবিবোৰ বুটলি থবৰ মন গৈছিল - কাহিনিবাই। কিন্তু এই সঁচা ছবিবোৰ বুটলিবলৈ যোৱাটো যে কিমান দুৰূহ। এনে ছবিবোৰৰ সংমিশ্ৰিত ৰূপেই "ৰংমিলিৰ হাঁহি"।

3.4 সল'মায়াব বেরখানায় কারবি জিউ আরো হারিমু :

বৈঠালাংচ আনসোলনি কারবি সুবুঁফোরনি, জিউ আরো হারিমুখৌ বিথা খালামনানৈনো রাঁমিলি হৌছি সল'মানি জোনোম। কারবিফোরনি থানায়-জানায়, গাননায়-জোমনায়, মাখনায়-দানায়, ফুজা-ফোরবো বাইদিখৌ লানানৈ বে সল'মায়া লিরজানায়। বেনিখায়নো বে সল'মায়াব উদামিনি সিগানি কারবিফোরনি জিউনি বাইদিসিনা বিথিংনি গুমুর মোননো হায়ো।

কারবিফোরা গাহাইথৈ হাজো আনসোলাব থানা মোজাঁ মোনো। বেনিখায়নো হাগ্ৰানি জিব-জুনাডফোরনিফ্ৰায় গাবসোরখৌ রেখা খালামনো থাখায় বিসোর সাঁ ন' লুনা থায়ো।

हाजो दानसां दानसां माइ, थास', था बाइदि आबादफोरखी बिसोर खेबसेनो जयै मावखायो, आंखालनि समाव था सावना जानानैनो धाडे। जेब्ला दाबसे हाजोआव बोसोरनै-बोसोरथामसो आबाद मावखाडे बेनि उनाव हासार गैथि जाबोला बिसोर गुबुन दाबसे हाजोखी दानसांहैयो। माब्लाबा आबादधिलिया गामिनिक्राय गोजानद्राय जायोब्ला नबथिखीबो सोलायफानांगौबो जायो। नाथाय जाय समाव रंमिलिर हौहखी लिरदोंमोन बै समनि मानसफोरा गले गले नबथि सोलायनो लुबैग्रा नंलामोन। बेनि सोलाय दाबसे जायगायावनो धानानै हायेनाव गिसि आबाद मावनायनिसो बिसोर सिमां सुजुदोंमोन।

कारबिफोरा थों गोथों, जाब-जुब जिउ खांनो लुबैग्रा मोनसे हारि। बेनिखायनो बिसोरनि गोसोफ्राबो जोबोद गुरै गोरलै आरो गेबें। सासेनि दुखुखी बिसोर गुबुन सासेया नायनानै थानो हाया। नांगी समाव बिजों बि बयबो निदान सुंलायो, हेफाजाव होलायो। बेनिखायनो गावहा जानो-लॉनो थोजासे थानाय छारइक तेराड गामिनिनो गैजारोडि लिन्दक तेरणनो नांगी होनोब्लानो माइ-माइरं दाहार हरदों आरो कानि जायै जायै जक्ष्मा बेरमाव गोलैनाय लिन्दकनि खीरां लादों।

बर'फोरनि बादि कारबिफोरनि गेजेरावबो सोरनिफ्रायबा गावनो गोनां जानाय माबाफोर मुवा बिनो धांब्ला लोगोआव जौ लांफाना बिहैनायनि हुदा दं। बेनिखायनो लिन्दक तेरणनि बिसि रंफारपीयाबो न'आव जानो माइ गैथारिनि छारइकमोननिक्राय बिहैनाय समाव जौ थाइसे लोगोयाव लांफादों। सोरबा न'खरा बेफोर बादि हैनाय जौखी हैग्रा मानसि एबा बिसोरनि न'खरनि सोरजोंबा रानना लोडब्लानो हैजाग्रा न'खरा गोजोननाय मोना। जायनि थाखाय रंफारपीनि फिसाय लिन्दका बिसोरहा होफैनाय जौखी लोंहानाय समाव सफैनायाव छारइका गोजोननाय मोनदों आरो सानैजों गोसो गोजोनै रानलायनानै लोंदों। जायखि जाया मुवाखी जानाय-लॉनायनि सिमां ग'साइनि मुडव बाउग्रोनायाबो कारबि समाज जिउनि मोनसे एंगार हायि बाहागो। सरासनम्रायै ग'साइनो बाउनाय समाव बिसोर आगदानि आसिमा जिनि आसि बिजौखी जौ खुरैयाव सोमन्नग्रोनानै आगसिनि आसिमानि गान्थियाव आसिखी दोननानै आर'ज गाबो।

दैमा-दैसायाबो कारबि जिउनि गाहाइ फुं खा। बेनिखायनो रंमिलिर हौह सल'मायावबो कारबिफोरा बरपानीनि दैजोंनो दुगैदों, जि-जोम सुदों, लोंग्रा दैखीबो बैनिक्रायनो बिसोर लांथेजों बिखुडव बानानै लाबोदों।

जौजों लोगोसे कारबिफोरनि आलासि एबा मानसि सोंनायनि मोनसे गोनांधार मुवा जादों गाइखेर-सिनि होयि चाह। सरासनम्रायै जौ लोडि मानसिफोरखी बिसोर बेफोर बादि चाहजों रायदावो, बेनि उनाव गय-फाथै होयो।

आर एबा जुम आबादानो कारबिफोरनि धांन थानायनि गाहाइ जिउ राहा। बे आरधिलिखी नेनो थाखाय बिसोर गंफा टं लुनानै लायो। बेयावनो बिसोर एम्फो फिसियो,बायदिसिना हेबनाय-लुनाय खामानि मावो। आरधिलिनि आबादखी

दैखांना बेयावनो ज' खालामथना दोनो आरो उनाव गामिनि मानसि लिंला मोजां दिन बाराय लाना गामिनि न'सिम लाबोयो। आबाद थिलिसिम थानाय समाव बिसोर खां लांफायो आरो फैनाय समाव बन-लाय, मैगं-मैला बेयावनो सोनानै लाबोफायो।

जिरछड कारबि समाज जिउनि मोनसे गाहाइ सिमां। बेनिफ्रायनो बिसोर जिउनि गिलिर बिबानखौ नाजावनो सोलोडो। सोरनिबा दुखुआव गावफायो, सुखुआव मिनिफायो। जिरछंनि सानै गाहाइ क्लेदुन-क्लेछारपखौ गामिनि सेंग्रा-सिख्ला बयबो मानियो, बिसोरखौ सिबियो।

गामियाव सोरनिबा न'आव मावाफोर फुजा जायोज्ला वै फुजाया बिसोरनि न'खरनि नड, बवेखानि गासै गामिनियो फुजा बादि जायो। बेनिखायनो गामिनि गाहाइ छारइका न'खरनि आरो गामिनि मोजां नागिरनानै होनाय चजुन फुजायाव गामिनि बयबो मावै दाडै हेफाजाव होदों। नाथाय बेखौ फालिनायनि सिगां गामिनि मानसिफोरनिफ्राय गनायथि लाग्रोनायनि खान्थिबो कारबिफोरनि गेजेराव दं। बेफोरबादि समावनो गामिनि ओनसोलनि गोबां मोजां गाज्जिनि खोधाफोरबो रायलायनाय जायो आरो बे रायलायनाया मेहेर गोनांसिन जायो जौनि गेजेरजों। जौवा कारबि हारिमुनि मोनसे एंगारहायि बाहागो। जोनोम, हाबा, धैनाय, गासैयावबो वे जौखौ नांथारगौ जायो। सोर फुजायाव मा खामानि मावनांगोन बेखौबो मानसि लायै मानसि राननानै होयो।

जिरछंनि थाखाय सेंग्रा-सिख्लाफोरा ज' लोगो नांना जेरै आर आबाद माथो बे बादिनो चजुन फुजानि समाव नांगौ जानाय मैगं-थाइगं जेरै मेहेक-हानथु, थामस'-दिंखिया बायदिखौ नागिरना खानानै लाबोनायाबो बिसोरनिनो खामानि। बे समावनो सेंग्रा-सिख्ला जंखायलायो, सोरनिबा जंखायलायनायखौ नूनानै सोरहाबा मेगन सायो।

चजुन फुजानि मोदाइ बिथाखौ न'निफ्राय एसे जानखाराव खालामनाय जायो। बे फुजानि गाहाइ मोदाइ बारिथेनो अमा गेदेर मासे बोलि होनाय जायो। बोलि होनाय अमानि बिखा-बिख्लोखौ नायनानै न'खरनि, गामिनि, ओनसोलनि मोजां-गाज्जिखौ नायाखांनाय जायो।

चजुन फुजायाव मानगोनां हौवा मानसिफोरखौ जहोनो थाखाय हामरेन आरो हिन्जावफोरखौ जहोनो थाखाय कुन्तिरी मुनि गंसे न'बो लुनाय जायो। बयनोबो फारि फारि जौ लुना होयो। जौनि निसायाव सोरबा बाध्रा दानथेलायो, सोरहाबा मोजां सिख्लाफोर नुब्ला सोरनि फिसाजो बिहामजोनो नांगौमोन जायो। लोंखांनायनि उनाव सेंग्राफोरा थालिर बिलाइ, औवा हासुं ओंखाम जानो, दै लोंनो राननानै होयो। सिख्लाफोरा ओंखाम बिलायो।

सोरहाबा हाबा-फुजा जानो लिंहरोब्ला लोगोयाव जौनि बथल लाफाना थानाया कारबि हारिमुनि मोनसे एंगारहायि बाहागो। बेफोर बादि जौ लांनाय समाव गावबा

गावनि बथलखीं सिनायनो हानाय बादि बयबो मोनफा मोनफा सिनायधि होना लाहे । मानोना कारबि समाजाव बैफोर बादि बथला जोबोद बेसेन गोनां ।

गथेखीं गावनि मेगन सिगांनिफ्राय गोजानाव थाजानो बानाया बयबो समाजावनो दं । गोजानाव थाना लेखा फरा सोलोंनायनिखुइ न'आव थाना फिसा फिसीं खामानियाव मदद होफानायखींसो बिमा-बिफाया बांसिन लुबैयो । बेनिखायनो हेमाइ बिमायावो फिसालाखीं कामपुराव फरायनो दोनहैनायनिखुइ मैसो-मोसै गुमनो होब्लासो बांसिन मोजां जागोन होनानै सानदोंमोन ।

गामियाव समान बैसोनि समान गोसोनि सिखला थायोब्ला सासेया सासेनि साबसिन लोगो जायो, हाथाइ बाजाराव ज' ज' थाडो । सासेया गुबुन सासेनि गोसोखीं हमनो हायो, खामानि-दामानियाव हेफाजाव होलायो । बेनिखायनो अमफुजों जेब्लावो खाधि खाधि थानाय कादमावो बिलोगोआ छें तेरननि फारसे लोरबाधि थानाय बाध्राखीं हमनो हादोंमोन ।

कारबिफोरनि गेजेराव गासे गं जिने लंरि दं । गंफ्रोम लंरियाव साफा साफा हाबे दं । कारबि समाजाव फारियै छारथे एबा छारबाछा, हाबेछिक आरो राजा थायो । छारबाछाया गोरोन्यि मावोब्ला हाबेछिकवा आरो हाबेछिकवा गोरोन्यि मावोब्ला राजाया किद दैथाय हरनानै बिबाननिफ्राय बोख्लायनो हानायनि मोनथाइ दं । बे सलभायावबो हाबेछिक चिकारी तेरण रंमिलि गामिनि छारबाछा छारइकखीं आरो राजा रंहालिन्दकपवा चिकारी तेरणखीं किद दैथाय हरना बिबाननिफ्राय बोख्लायदों ।

चमांकानावो कारबिफोरनि मोनसे गेदेर फोरबो । थैनाय मानसिनि जिउमानि गोजोननि थाखाय बेखीं फालिनाय जायोब्लावो बेयाव गोबां रंजा-बाजावो सोलियो । बे फोरबोआव उच्छेपीया सुबुं जिउनि बाइदिसिना बिधिफोरखीं गोसोखां गोसोखां मेथाइ रोजावो । बे मेथाइफोरा जोबोद दुखु गोनां जायो । छमांकानाव उच्छेपीनि रोजाबनायजों लोगोसे गुबुन गुबुन आयदाफोरबो दं । बेफोर जादों- (1) कानपि एबा ज' मोसानाय, (2) रं केतं एबा गुबुन गुबुन गामिनिफ्राय नुजाफैनाय हान्जाखीं खुंग्रा गामिया बरायनाय आयदा, (3) मिमछ केंरु एबा सिखलाफोरखीं बरायनाय मोसानाय । बेयाव सेंग्रा सिखला ज' ज' बयबो गाव मोजां मोननाय मानसिजों मोसायो । सोरानाय लोगो लोगोने बे आयदाखीं फोजोबनाय जायो । बेनि उनाव उच्छेपीनि दुखु गोनां गाबनाय-रोजाबनाया जायो । जोबनायाव नुजाफैनाय गामिफोरनि दल दामनाय बादायलायनाय जायो । गासैबो गामिनि दल दामग्राफोरा जयै दामो आरो बेनि गेजेरनिफ्राय खुंग्रा गामिनि दुहुइदिया साबसिन हान्जाखीं सायख'यो । उमरुनि चमांकानाव रंमिलिनि दलखींनो साबसिन दल होनानै दुहुइदिया सायख'दोंमोनब्लावो साबसिन दलनि बान्था लानोब्ला रंमिलिनि छारइका मोननैसो सर्त मानिनांगोन होनना चिकारी तेरणा बुंनायलाय बिसोर छमांकाननि जायागाखीं गारना थादोंमोन ।

बलकेतेर एबा रंकेर फुजायावो कारबि समाज जिउनि मोनसे एंगार हायि

बाहागो। बेखी सरासनघायै कारबि राजाया लंरिनि मोजां हास्थायनानै खुडो। बे फुजानि गेजेरजो लंरियाव मोजां जागोन ना गात्रि जागोन बेखी नायखांनाय जायो। कारबिफोरनि गेजेराव अखाफोरनि मददजो दान, सानखी साननायनिबो खान्थि दं।

कारबि समाजनि गोजौवाव मुंख'बोनाय सावगारिनि अनगायैबो माखासे सुबुं फोथायनायफोरखौबो सल'भायाव सरजाबफानाय जादो। जेरे- अन्थाइयाव जयोब्ला मोदोम गिलिर जायो होनना फोथायनाय कारबिफोरनि गेजेरावबो दं। सजुन फुजानि थाखाय मैगं नागिरनो थांनायाव सिख्लाफोरखौ अन्थाइयाव जनायखौ नुनानै सेंगा लंकिया जंखायनानै मिनिना बुंदोमोन- "शिलब उपबत बशिलि येठिया उईतब गा गधुब इ'न। वन-शाक कि विठाबिदि ? (पृष्ठा-२, १९९७)

सजुन-फुजानि समाव बोलि होनाय अमानि बिखा-बिखलोनि सायाव सोनारना न'खरनि, गामिनि, ओनसोलनि मोजां गात्रि, माइ-दै मोजां जानाय गात्रि जानायखी नायखांनाय आरो बोलि होनाय दाउआ मा बादि जाना थैदो बोखी नायना आबाद मोजां- गात्रि जानायखी नायखांनायनि दोरोबो कारबिफोरनि गेजेराव दं। सोरबाया बाश्चा बुंनाय समाव न'नि माइनावा गाबफाब्ला बुंग्रानि बाश्चाखी थार होनना फोथायनाय खान्थियाबो बिसोरनि सुबुं जिउनि मोनसे मुंख'जाथाव बिधिं आरो बेफोर बादि माइनाव गाबनाय समाव बुंग्राया माइनावजो सत सत होननानै बुंफायो।

3.5. आखु दानाय :

रंमिलिर हाँहि सल'भायाव नायनो गोनां गाहाइ आखुफोरा जादो- रंमिलिनि छारइक, बिसि काछां रंहांपी, फिसाजो अमफु, अमफुनि बिलोगो कादम, लिन्दक तेरणनि फिसाला छें तेरण क्लेंछारफ वंफं आरो हाथेछिक चिकारी तेरण। बे मोनफ्रोम आखुआनो सल'भायाव मोनफा मोनफा गोनां बिफाव लादो।

रंमिलि गामिनि छारथे -छारबाछा छारइक तेरोनि आखुआनो बे सल'मानि बयनिखुइबो गोनांसिन आखु। बिनि आखुखी मिरु खालामनानैनो सल'मानि सल'आ दावगादो बियो सासे उदां गोसोनि मानसि। गावनिखुइ बियो गामिनि, जायगानि मानसिफोरनि सोमा-दै बांसिन सानो। बियो सासे गोखो आखुनि मानसि। मावाफोर थांखि लानांगीब्लाबो बियो जोबोद सानै-हयैसो लायो। गावनि न'खराव जानाय सजुन फुजानि समाव जेब्ला बियो ओनसोलाव गंसे फरायसालि फरांनायनि बाश्चा बयनिबो सिगाइव बुंदोमोन अब्ला हाथेछिकवा थोंजो हेंथा हांनायखी नुनानै बियो बाश्चाखी फोलाउआ लासे फुजारिनो मावाफोर नांवावगौ नामा खौरं लानो होनना जायखारलांदोमोन। बे जादो सोलो गोनां छारइकनि आखु। मानोना जायखार लाइ लासे आखा हाथेछिकजो नांफाबाय थाब्ला गावनिजो लोगोसे रंमिलि गामिनि सन्मानाबो थांफागोन होनना बियो गिदोमोन। जिरछंनि क्लेंदुन-क्लेंछारपनि गेजेराव जानाय गोसो गोरोबलाथिनि उनाव क्लेंछारपखी बिबाननिफ्राय बोख्तायनो, गामियाव जेब्ला मेल जादोमोन बे समावबो

বিবাননিফ্রায় বিখ্যো বোখলাযোব্লা জিরছঁনি দাডাঝাজিয়া বাঁসিনগোন সাননা বিযো বফ ইতিখ্যোনো ফজ'ফিনদোঁমোন। বেল' নড় কল্লোঁদুন-কল্লোঁছারপনি গেজেৰাড জানায় গোঁসো গোৰোবলায়িনি গুদিয়া ফিসাজো অমকুআনো হোননানৈবো বিযো মিথিখাদোঁমোন। বেনিখায়নো বিযো জিবোঁবো থৈথোঁ লাবথিবো বায়থোঁ সননা ফিসাজোখ্যোঁ গামিনিফ্রায় গোজানাব রমান্দুআব হাবা হরদোঁমোন। ছারইকনি গুরৈ গোরলৈ গেবোঁ গোঁসোআ গামিয়াব, আনসোলাব বিখ্যোঁ বয়জোঁবো অনজানায় সিবিজানায় খালামদোঁমোন। বেনিখায়নো হাবেছিককা বিখ্যোঁ বোখলায়না গামিনিনো ছিনত তেৰাংখ্যোঁ ছাৰবাছানি বিবানাব ফজ'নায়নি উনাববো গামিনি মানসিফ্রা বিখ্যোঁনো ছাৰবাছা মানিনানৈ লাডোঁমোন। ছিনত তেৰাছ'চিকারী তেৰণনি বিথোনজোঁ ছারইকনি সোৱা ন'খ্যোঁ সাবনায়নি গামিনি মানসিফোৱা বুনো-সোঁনো নাগিৱনায় সমাববো বিযো বিখ্যোঁ বুহোবাখ্যোঁমোন আৱে গুরৈযোঁনো লাজি হোদোঁমোন- ইয়াক মাৰ-ধৰ কবি লাভ নাই। তোমালোক অর্ধেক নহ'বা। ছিনত আমাব গাঁৱবেই। সি মোব ল'ৰাব সদ্শ। (পৃষ্ঠা-১৮৭)

উমৰু গামিয়াব জানায় ছমাংকান ফোৱবোআব হাবেছিকনি বিথোন বাদিযৈ জেব্লা রমিলি গামিনি হান্জাখ্যোঁ জোবথায়াবসো বরায়দোঁমোন অব্লাবো গামিনি ৰিছবাছায়া মান ঝাটনায়খ্যোঁ নাজাবনো ৰাজি জায়খ্যোঁমোন। নাথায় জোবথায়াব গাবসোৱনো মান ঝাটনায়নি থাখায় উমৰু গামিনি মানসিফোৱা দায়নিগিৱি নড় নাথায় বেনি থাখায় হাবেসিকআসো দায়নিগিৱি হোননানৈ জেব্লা বুজায়দোঁমোন অব্লাসো ৰিছবাছায়া মানখ্যোঁ নাজাতনো ৰাজি জাদোঁমোন। বে ছমাংকানাবনো দল দামনায় বাদায়লায়নায়াব রমিলি গামিয়া দেৱহাসেয়াববো জেব্লা ছারইকা গাব হোনায় মোননৈসো সৰ্তখ্যোঁ মানিব্লাসো বান্ধাখ্যোঁ রমিলিয়া মোনলাংগোন হোননানৈ বুঁদোঁমোন অব্লাবো গোখোঁ হেঁথা খালামালাসে ছারইকা গুরৈ ৰাবজোঁনো হাবেছিকখ্যোঁ গাজিয়ৈ লাজিহোদোঁমোন বেনিখায়নো ছারইকনি আখুআ বে সল'মায়াব জোবোদ মাহি, বাধাখ্যোঁ উন সিগাং সাননো গোৱোঁ মোনসে গোখোঁ আখু মহৰৈ বেৰখাংদোঁ।

গামিনি সাসে আইজো মহৰৈ সল'মায়াব ছারইকনি বিসি কাছাং ৰেংহাংপীনি আখুআবো বাছায়াজাথাব। বিযো সাসে গুরৈ-গোরলৈ গোঁসোনি ন'খৰ হমথানানৈ জাগ্ৰা হিন্জাব। ন'খৰনি সুখু-দুখু, মাঁনায়- উখৈনায়নি ফাৰসে বিযো জেব্লাবো সাংগাং। সুখুনি সমাব বিযো জেঁৱে ফিসায়নি সেৱাব থাফায়ো, খ্যোঁফোঁদনি সমাববো বে বাদিনো থাফায়ো। উদাং গোঁসোনি, আলাসিখ্যোঁ গ'সাই হোননা সিবিগ্ৰা কাছাং ৰেংহাংপীয়া মালায়নি দুখুআব গাবফাগ্ৰা আখুনি মানসি। গামিনি সাসে আইজো মহৰৈ গামিনি মানসিফোৱনি সাননায়- হনায়নি বিথাখোঁজোঁ বিনি সাননায় হনায়ফোৱাবো গোৰোবফলৈনায়। বেনিখায়নো ফিসালা হেমাইখ্যোঁ কামপুৱাব ফায়নো দোনহৈজানো বিযো জোবোদ বাদোঁমোন।

ঃ কলে'ও জগৰ লাগে। হেমাইক ইন্ধুলত নিদিলোনো কি লোকচান? খেতিৰ সময়ত মানুহ পাবলৈকো নাই, ম'হ হাল চৰাবলৈ গুৱালো নাই। ঘৰতো অমকুজানী অকলে। তাইক অকলশৰে এৰি আহিবলৈকো ভাল নালগে। গাভৰু

ছেৰাজী। এইবাৰ কামপূৰলৈ গ'লে হেমাটিক লৈ আহিব। (পৃষ্ঠা-১২১)

ফাৰসেখি বিমা-বিফা জেঁ ফিসাজোআবো আঁৰে হোনাৰ্য বাদিনো চাৰডকনি দুইসিন ফিসাজো অমফুনি আখলাবো জোবোদ বাখলায়থাবনা। সিখলা হোনানৈ বিয়ো জানলা-মানলা গাৱনি গোসৌনি খোথাফোৰখৌ বুথিঁৰায়া, হাৰা-খেৰায়ফোৰাব জানলা মানলা খালামথিছ। বিয়ো নোৰোম, গোসো হমথা হমথা সোলিয়া সিখলা। বেনিখায়নো বিলোগো কাদমা ছেঁ তেৰণজোঁ জংখায়নায় সমাববো বিয়ো খুসিজোঁ খাংলবাখৈ, বৰেখানি লাজিস্তুসো জাদোঁ। ছেঁ তেৰণখৌ বিয়ো মোজাঁ মোনোমোন। নাথায় মোজাঁ মোনো হোনানৈনো বিয়ো বিখৌ লামা-লামা, দৈসা গাথোনফোৰাব লোগো হমনো নাজায়াখৌমোন। থাখোমা থাখোমা গাৱসোৱনি মোজাঁ মোননায়খৌ ফোৰমায়াখৌমোন।

অমফুবা ছেঁ তেৰণজোঁ হাৰা জানো জোবোদ গোসোমোন। ৰেমিলি গামিয়াবনো দেঁ লাউযৈ বেয়াবনো জোবথা হাঁ বোনোবো বিয়ো গোসো জাদোঁমোন। নাথায় জেব্বা বিফায়া বিখৌ ৰেমিলিয়াব হাৰা হোবালসিনো ৰমান্দুআব হরনো ৰাজি জাদোঁমোন অৰুনা বিয়ো গাৱনি গাসৈ মিঁজিঁ হাবিলাখৌ খ'না ফাৰসেয়াব দোনথ'নানৈ ৰমান্দুসিম থানো ৰাজি জাদোঁমোন। ৰমান্দুআব থানো নাগিৰনায় বিনি থাংখিয়া ছেঁ তেৰণখৌ 'ফোথাবখেবস' খালামনায় নছমোন। বৰেখানি গাৱনি সিমাংখৌ বিয়ো গামিনি মোজাঁনি থাখায় ছেঁ-বফ'মোননি মোজাঁনি থাখায় সেবহাংগাৰ খালামনাংগৌ জাদোঁমোন। বেনিখায়নো হাৰানি সিগাঁ সিগাঁ দৈসা গাথোনাব ছেঁ তেৰণখৌ লোগো মোননায় সমাব গাৱনি সৈথো মোজাঁ মোননায়নি বাপ্পাখৌ বিনি সিগাডাব বুঁনানৈ বিয়ো ছেঁনিফায় অননায় বিখ'নো হাদোঁমোন।

: ছেঁ তুমি ভুল নুবুজিবা। মোৰ প্ৰতিশ্ৰুতিতকৈ দেউতাৰ দৃষ্টি অধিক সত্য, অধিক মূল্যবান বুলি মই ভাবো। মই হতভাগ্য, দুৰ্ভাগীয়া। মই বংমিলিৰ পৃথিৱীৰ পৰা চিৰ দিনৰ বাবে আঁতৰি যাম। কিন্তু তোমালোক ভ্ৰোছৰপৰ লগত বংমিলিৰ পৃথিৱীত চিৰদিন আনন্দেৰে থাকিব পাৰিবা। বংমিলিৰ বং দুগুণে বঢ়াব। কিন্তু মই অভিশপ্ত হৈ বংমান্দুত পৰি বম। এই বিচ্ছেদ যে মৃত্যুতকৈয়ো কৰুণ। মই কেনেকৈ বুজাম ছেঁ...। (পৃষ্ঠা-১৭৫)

উমৰুবাৰ জানায় চমাংকান ফোৰবোআব মিমল কঁৰু ৰংজানায়াব বাহাগো লানো অমফুবা গোসো মোদোমৈ আঁখাৰদোঁমোন। মানোনা বেয়াব বিয়ো ছেঁজোঁ জই জোবথা খেঁৰ মোসানায়নি খাৰু মোনগোন। নাথায় জেব্বা বিসোৱজোঁ ফেফানায কাজিৰ বেপীয়া বিখৌ মোসানো হায়া হোননা হেঁথা হোদোঁমোন অৰুনা বিয়ো বিনি বুঁনায়খৌ থাবনো মানিনা লাডোঁমোন। মানোনা বে হেঁথায়া কাজিৰ বেপীনি নছ বিমায়া হরনায় হেঁথাসোমোন।

অমফুনি বিলোগো কাদমনি আখুআবো সল'মানি গোনা আখুফোৱনি গেজেৱাৰ মোনসৈ। বে আখুআ সল'মায়াব মালয়নি গাৱনায়জোঁ গাৱফানায, মিনিনায়জোঁ মিনিফানায উদাঁ গোসৌনি আখু মহৰৈ বেৰখাঁদোঁ। বথনিবো সুখু-গোজোনখৌ বিয়ো হাস্থায়ো। বেনিখায়নো উমৰুবাৰ জানায় চমাংকানায় বিয়ো ৰেমিলিনি কলোঁদু-কলোঁচাৰপ সানৈজোঁবো

रावबो मोनसा मोनलायि बादि मोसादोंमोन ।

छें तेरणनि आखुआबो सल'मायाव गोसो हमथानो हानाय मोनसे गोजों आखु महेर बेरखादों । गैजारोडिनि फिसाब्लाबो बिनि आखुआ जेबो जिनिर गैयि गोजोंमोन । सहायनो हानाय गुनाबो बिहा जोबोरैनो दोंमोन । नाथाय गाव गोसो गोथारै मोजां मोननाय अमफुवा जेब्ला गावखौ गारनानै रंमान्दुनि गुबुन सेंग्राजों हाबा जानो ओंखारदोंमोन अब्ला अमफुखौ बियो दान्दिसेनि थाखाय गोरोन्थि बुजिदोंमोन । अमफुवा गावखौ फोथायखेबस' खालामदों होननानै सानदोंमोन । नाथाय अमफुवा दैमा गाथोनाव लोगो मोननाय समाव गासैखौबो खेंफोरना होनायाव बियो अमफुखौ उदां गोसोजों हगारना हरदोंमेन । गाव बिखौ नंखः १ बाखायैनो गोरोन्थि बुजिनायखौ सानखांना बोरैबा मोनदोंमोन । बियो बुंदोंमोन- : अमरू तूमि उवा कथा सता । मोर भनीतकैर्यो तूमि आपेनि इना अमरू । (पृष्ठा-१९५)

अमफु-छेंजों नागारलायबावमोनब्लाबो गोसोजों गोसो मोजां मोननाया बिसोरनि जोबलाइखैमोन । उमरुनि चमांकानाव अमफुवा जैरे जोबथा खेब छेंजों मोसाफानो लुबैदोंमोन बे बादिनो छेडाबो अमफुजों मोसाफानो लुबैदोंमोन । बेनिखायनो बिलोगो कादमा मोसाफैसेयावबो अमफुवा गसंबाय धानायखौ नुनानै छेंड अमफुनाव सोंदोंमोन- अमरूरे नाचत योग निदिले किय ? (पृष्ठा-१९५)

रंमिलि गामिनि क्लेंछारप वफंनि आखुआ बे सल'मायाव जागायनायनिफ्राय जोबनायसिम गाज्रियैनो बेरखादों । क्लेंछारपनि बिबानजों बियो जेब्लाबो दुगा, गावखौनो आंसो आं सानग्रा, मालायनि मोजांखौ मेगन साग्रा । अमफु-छेंनि मोजां मोनलायनायखौ बियो उदां गोसोयै नाजावनो हायाखैमोन । बे बाध्याखौ लानानैनो बियो जिरछडाव, जिरछंनि खामानियाव छेंखौ सैया सैया खालामदोंमोन । जिरछंनि आबुधिखौ गुबुंले खालामना होदोंमोन । अमफुवा जेब्ला गाथोनाव दै लायनो थानाय समावनो दै साबोथावथाव हारसिं गोसो होना दुगैगासिनो दंमोन बै समावबो लागिया फांजिया बियो अमफुखौ नायखोमाहैदोंमोन आरो सोंदोंमोन- : तूमि मोक डाल पोवा ने नोपोवा सेइ कथा मोक लागे । (पृष्ठा-५१)

: तोमाव उपदेश सुनिवले मई इयलै अहा नई । छेह छेवणक सावधान कवि दिवा- जिबछुव चावि-काठि मोर हातत । तूमि छेह तेवणक एबि दिया । नहंले तक जिबछुव.... (पृष्ठा-५२)

हाबेछिक चिकारी तेरणनि आखुआबो सल'मायाव थानाय मोनां आखुफोरनि गेजेराव मोनसे । बिबो रंमिलिनि क्लेंछारप वफं बादि गावनि गोहोखौ लाना दुगा । ननायनि निडिनि जेरावबो गावनियाल' गेबें गुबुननिया गोरोन्थि होननानै सानग्रा । लंरिनि बिगोमानि गोहोखौ जानला मानला बाहायलायो । गुबुना सान दासान, गुबुना मान हो एबा दाहो बेफोर बाध्रानि फारसे बिहा खर' सानाय गैया । बेनिखायनो रंमिलियाव छारइकनि न'आव खुनाय चजुन फुजानि अमा-बिखा-बिखलोखौ नायखांना रंमिलिनि

बोराइ लंकिरिया होननाय बिबुंधिखौ बियो मिनि मिनि नंखाय होनना फोरमान खालामदोमोन आरो लंकिरिखौ लाजिगार होदोमोन ।

चिकारी तेरणा छारइकनि सुथुरमोन । छरइका समजो गोरोबफानानै आगान सुरनो बुंनाय बाध्राखौ बियो एसेबो नाजावनानै लानो हायाखैमोन । छरइकखौ हेव दिन्थिनो थाखाय गसै रोखोम फाव-फान्दायनानैबो बियो जेननादोमोन । जेब्ला गावनि गात्रि आखुनि थाखाय बियो कारबि राजाजो गावनि बिबाननिफ्राय बोख्नाय जादोमोन अब्लासो बियो गावनि गामियाव, ओनसोला मा बादि महर लाखो हमखांनो हादोमोन । नाथाय बियो गावनि गोरोन्थिखौ सानखांगौ मानियावनो बैटालांछआव आसामनि दाब दाब जायगानिफ्राय फैनाय नेपालीफोरा बुंफबफैबायमोन ।

3.6 सार बाहागो (Summary) :

- (क) गोजौआव रंमिलिर हाँहि सलभानि आयदाफारिनि सोमोन्दै सावरायनाय जाबाय ।
- (ख) कारबिफोरनि समाजारि जिउनि सोमोन्दै मोनसे सावगारि होबोनाय जाबाय ।
- (ग) कारबिफोरनि हारिमुनि सोमोन्दै एसेयैब्लाबो गुमुर होबोनाय जाबाय ।
- (घ) कारबिफोरनि बाइदिसिना फुजा फोरबो जैरे- चजुन फुजा, चमांकान, बाइदिनि सोमोन्दै सावरायबोनाय जाबाय ।
- (ङ) भारत उदांमिनि सिगां सिगां बैटालांछ ओनसोलनि कारबिफोरा मा बादि राइजो जादोमोन, मा बादि जेनाजो मोगा मोगि जानादोमोन बेनि सोमोन्दै एसेयैब्लाबो गुमुर होबोनाय जाबाय ।
- (च) बेयाव कारबिफोरनि समाजाव थानाय मोननैसो सुबुं फोधावनायनि सायावबो एसेयैब्लाबो गुमुर होबोनाय जाबाय ।

3.7 सोदोबधि (Golssary) :

(क) जिरछं : जिरछं एबा डेका-साछ जादो कारबि समाज जिउनि मोनसे एंगार हाथि बाहागो । बेयो दोरोझरि खान्थिजो कारबिफोरनि मेजेराव सोलिबोगासिनो दं । सरासनसायै बेयो गामिनि हावा जायि सेंग्राफोरनि खामानिनि थिलि । बेयाव थानानैनो गामिनि सेंग्राफोरा खामानि सोलोडो नंखरनि, गामिनि बाधा सानो । बेनो बिमोरनि जिउनि गाहाइ सिमांथिलि । बिसोरखौ उनाव गामिनि छारबाछा, रिछबाछा, फेरंके जानो जिरछडानो थुलुंगा होयो ।

(ख) आर : आरा जादो आबाद मावनायनि मोनसे जायगा आरो आरव ।

हायेनाव थानाय मानसिफोरा बोसोरनि उनाव बोसोर दाबसे हायावनो आबाद मावनाय बादि हाजोनि मानसिफोरा मावा। बोसोरनै-बोसोरथामनि उन उनावनो बिसोर दाबसे हाजोनिफ्राय गुबुन दाबसे हाजोखौ सावसां-दानसां सिखोन, साखोन खालामना आबाद मावहैयो। हाजोआव मावनाय ने आबादखौनो आर एबा जुम आबाद होनानै बुझे।

(ग) हाबेछिक : हाबेछिकवा जादों कारबिफोरनि मोनफा मोनफा लंरि (ओनसोल)नि गाहाइ। बिनि आखाइयाव ओनसोलखौ सालायनायनि गोवां गोहो आरो बिबान थायो।

(घ) छारथे-छारबाछा : बेबो कारबिफोरनि मोनसे मासिनि मुं। छारथे एबा छारबाछानि ओंधिया जादों गामिनि चोराइ। गामि गंसेनि नायफिननाय, सालायनायनि बिबाना बिनि आखाइयावनो थायो।

(ङ) दरबार : दरबार जादों बैठालांछ आरो बेनि खाथि खालायाव थानाय कारबिफोरखौ जयै बोननानै लाखिनो थाखाय नागिरनाय मोनसे ओनसोल, मोनथाइ। मेघालयाव खाछि, जयन्तीया आरो गार' हाजो जिलाफोर थानाय बादि कारबिफोराबो गावसोरनि गामिफोर थानाय ओनसोलखौ ज' खालामनानै मोनसे जिला एबा दरबार नागिरदोंमोन।

(च) किद : किदवाबो कारबि समाज जिउनि मोनसे एंगार हायि बाहागो। बेजों कारबिफोरा सिगां रादाब दैथायनाय खामानि मावोमोन। सरासनस्राथै जेब्ला सोरखौबा माबा बिबाननिफ्राय बोख्लायनांगौ जायोमोन अब्ला बोख्लायग्राया बेखौ बोख्लाय जाग्रानि न'सिम दैथायहरोमोन।

(छ) लांथे : कारबिफोरनि दै रोगाग्रा रोखोमसे हासुं। हाजो ओनसोलाव थाग्रा कारबिफोरा गावसोरनो न'खराव नांगौ जानाय दैखौ दैमा-निजोरनिफ्राय लाबोयो। बेनिखायनो दै लाबोनाय समाव बिसोर लांथेयाव सोना दिरुंजों खाना रुजुननानै लाबोयो।

(ज) टं : कारबिफोरनि आरथिलिया सरासनस्राथै हाजोआव, हाग्रा-बंग्रानि गेजेराव जायो। बेनिखायनो सोफै सोफै जानाय जिब-जुनादिफ्राय गावसोरखौ आरो आबादखौ रेखा खालामनो थाखाय बिसोर टं एबा बैसां न'खौ आरथिलिनि गेजेराव तुनानै लायो।

(झ) खां : रोखोमसे खासा। सरासनस्राथै आरथिलियाव थानाय समाव मैगं-थाइगं, बन-लाय लाबोफानो कारबिफोरा बेखौ बाहायो।

(ञ) मेहेक-हानथु : कारबिफोरनि चजुन फुजायाव नांगौ जानाय रोखोमसे मैगं। बेखौ सरासनस्राथै हाजोआव मोनो।

(ट) चजुन फुजा : नखर आरो गामिनि मानसि-दुमसि, माइ-देनि मोजां हास्थायनानै होनाय रोखोमसे फुजा। फुजायाव दाड-अमा बोलि होनाय जायो आरो लंरिनि मान गोनां मानसिफोरखौ लिनं खुंया नखरा जाहोयो।

(ठ) बारिथे : चजुन फुजानि मासे गाहाइ मोदाइ।

(ड) छमांकान : कारबिफोरनि रोखोमसे मुंदांखा फोरबो। बेखौ थैना थानाय मानसिनि जिउमानि गोजोन हास्थायनानै बाउनाय जायो।

(ढ) उच्छेपी : कारबिफोरनि छमांकान फोरबोजों लोब्या गोनां सासे आइजो। बे फोरबोआव थैनानै थानाय मानसिनि बाथा बुई बुई, गोसोखां गोसोखां बियो गाबनांगौ। बे गाबनायजों बियो थैनानै थानाय मानसिनि जिउमानि गोजोनखौ हास्थायो।

(ण) कानपि, रं केतं, मिमछ केरु : छमांकानखौ खुंनाय समाव फालिनाय गुवुन गुवुन आयदा।

(त) दुहुइदि : छमांकाननि समाव जानाय दल दामनाय बादायलायनायनि बिजिरगिरि। बि सायखनाय बादिनो साबसिन दल दामग्रा गामिनो बान्या होनाय जायो।

(थ) बलकेतेर एबा रंकेर फुजा : गासै लंरिनि मोजां हास्थायनानै कारबि राजाया होनाय मोनसे फुजा। बेखौ गामिनिफ्राय एसे गोजानाव बिफां सिइव होनाय जायो। बेजों लंरियाव मोजां जागोन ना गात्रि जागोन बेखौ नायखानाय जायो।

3.8 हेफाजाव लानाय बिजाबफोर :

1. Forster, EM. : Aspects of the Novel, Penguin Books Ltd. 1990
2. Hudson, WH : An Introduction to the study of Literature, Kalyani Publishers, Ludhiana, New Delhi, 1988
3. Abrams. MH : A Glossary of Literary Terms, Macmillan India Limited, 1996
4. डबाली, ड° शैलन : उपन्यास : विचार आरु विश्लेषण, वाणी प्रकाश प्राइवेट लिमिटेड, १९८९
5. ठाकुरीया, बाममल : साहित्य विचार, वीणा लाइब्रेरी, १९९१
6. मिश्र ड° कृष्ण कुमार : विविध कुमार बबरा आरु प्रफुल्ल दंड गोस्वामीर उपन्यास, ट्यूडेन्ट स्टोर, १९९९

★ ★ ★

Unit-IV

असमीया सुंद' सल'नि जारिमिन

4.1 बेखेवनाय (Introduction) :

धुनलाइनि आयदाफोरनि मादाव सुंद' सल'नि जोनोमानो उनसिन। थानाय जिगुजौ जौथायाव जागायनाय रमान्टिसिजिमनि दोहौनि गेजेरावनो सुंद' सल'निबो जोनोम जायो। जिगुजौ जौथायनि गेजेर बाहागोआव राछियायाव चेकभ, दुर्गेनिभ, फ्रान्सआव मफाछौ आरो आमेरिकायाव वासिंटन आरभिं मोननि आखाइयाव समरा-समरि समनि गेजेराव सुंद' सल'आ जोनोम मोनो। खम समनि गेजेरावनो जेरावबो गोसारला बायनो लायो आरो धुनलाइनि बे गोदान आयदाया बयजौबो बरायजायो। इराजफोरा भारताव हाबफैनायजौ लोगोसे सोनाबारि धुनलाइनि सानसि आयदाफोराबो हाबफैफायो। बिब्दिनो संद' सल'आबो हाबफैयो। भारतीय रावफोरनि मादाव उरिया रावाव 1868 मायथाइयाव ओंखारनाय फकिर म'हन सेनापति लिरनाय 'लछमनीया' मुनि सुंद' सल'खौ सिगां सुद' सल' होनना गनायनाय जायो। बिब्दिनो हिन्दी रावाव प्रेमचान्द आरो बाडली रावाव रबीन्द्र नाथ ठाकुरनि आखाइयाव सुंद' सल'आ सिगां महर मोनजेनो। असमीया रावाव संद' सल'खौ सिगां लिरजेनो साहित्यरथो लक्ष्मीनाथ बेजबरुवाया ज'नाकी लाइसिनि बिखायाव लक्ष्मीनाथ बेजबरुवानि आखाइयाव जोनोम मोनजेननायनिफ्राय असमीया सुंद' सल'आ आवाहन, रामधेनु, प्रान्तिक, गरियसी बाइदि लाइसिफोरनि गेजेरजौ राफोद आरो गोजौनिफ्राय गोजौ थाखौनि जाबोयो। अथिखालाव असमीय सुंद' सल'नि मान थाखोआ बहुमनि गुबुन जौगा रावफोरनि सुंद' सल'फोरजौ फेर फाथिनो हानाय जाबाय।

4.2 थांखि (Objective) :

1. जोनोमनिफ्राय आथिखालसिम असमीया सुंद' सल'नि जारिमिनखौ मा मा मुगायाव राननाय जादौं बिनि बागै मिथिहोनाय।
2. बबे मुगायाव सोर सोर लिरगिरि ओंखारदौं बे लिरगिफोरनि सल'फोरनि गथ',आखु आयदा आरो असमीया सुंद' सल'नि बाखियाव बिसोरनि बिहोमानि सोमोन्दै सावरायनो नाजानाय जादौं।
3. मोनफ्रोमबो मुगानि सुंद' सल'फोरनि आखु, आयदाफोरखौ बिजिरना दिन्थिनो नाजानाय जादौं।

4. सोनाबारि सानथौ-सानस्रिफोरा बबो मुगायाव माबादि बेबादि बेरखांदो, सोर लिरगिरिखौ माबादि गोहोम खोख्लैदो विनि सोमोन्दैबो रायखांनय जादो।
5. गुसुडैब्लाबो असमीया सुंद' सल'नि जारिमिननि सोमोन्दै आबु रोग'थि होनो नाजानाय जादो।

4.3 असमीया सुंद' सल'नि सुंद' जारिमिन (A Brief History of Assamese Short Story) :

जोनोम जानायनिफ्राय आधिखालसिम असमीया सुंद' सल'नि जारिमिनखौ सल'फोरनि आखु, गथ', आयदा आरो लिरगिरिफोरखौ बिजिरना सिङ्गव होनाय बादि मुगायाव राननाय जायो :

1. ज'नाकी मुगा
2. आवाहन मुगा
3. रामधेनु मुगा
4. आधिखालनि मुगा

ज'नाकी मुगा : ज'नाकी लाइसिया नुजाजेनदोमोन 1889 मायथाइयाव कलकालानिफ्राय चन्द्र कुमार आगरवालानि सुजुनायाव। बे ज'नाकी लाइसिनि गाहाइ गायसंगिरिफोरनि सासे लक्ष्मीनाथ बेजबरुवानि आखाइयाव असमीया सुंद' सल'आ सिगां सोरजि जेनजादो। ज'नाकी लाइसिनि 4थि बोसोरनि 4थि बिसानाव बिथानि लिरनाय 'पण्डित महाशय' सल'आनो सिगां असमीया सुंद' सल'। बिब्दिनो 1909 मायथाइयाव ओंखारनाय बिथानि 'सुरभि' मुनि सल' बिजाबानो सिगां असमीया सुंद' सल' बिजाब। विनि उनाव बिथानि साधु कथार कुकि (1910), ज'नबिरि (1913), केह'कलि (1968) आ ओंखारो।

लक्ष्मीनाथ बेजबरुवानि गोवां सल'फोरावनो फेस्ता बिदै गोसारना थानाय नुनो मोनो। कृपाबर बरुवानि 'काकतर ट'प'लाजो जागायना गोवां फेस्ता बिदैनि बिजाब लिरनाय जाफुसारनायलाय बिथाड 'रसरज' बिमुंबो मोनदो। मल्लक गुइन गुइन, नाड्लु चन्द्र, भकेन्द्र बरुवा, भ'म केरेला, घन्टाकर्ण शना, भेमपुरीया मैजादार, घर्मध्वज फयचाला नबिच, जातिरामर जात बाइदि सुंद' सल'फोराव फेस्ता बिदेशी धेरखांनय नुनो मोनो। विनि अनगायबो बे सल'फोरनि गेजेरजो समाजनि माखसे गाधि आखुफोरखौबो जावनायजो लोगोसे सोंखारिनाय जादो। आमेरिकानि लिरगिरि पाण्डिंटन आरभिं बादिनो लक्ष्मीनाथ बेजबरुवायाबो फोथाय थावथि जाथाइखौ लाना माखासे सुंद' सल' सोरजिना गालांदो। मैदाम, लावख'ला, बाइदि सुंद' सल'फोरखौ फोथायथावथि

जाथाइखौ लाना सोरजिनायजों लोगोसे असमीया सुंद' सल'नि बिखायाव मोनसे गोदान लामाबो सं दानना गालांदों। मानसि आरो मिथिंगानि एंगारनो हायि गोथी सोमोन्दोखौ लानानैबो बिथाइ गेबां सुंद' सल' लिरलांदों। कन्या, नकड, एराबारी, जालुकबारी, बिहु, मुक्ति सुंद' सल'फोराव मानसि आरो मिथिंगानि सोमोन्दोआ बेरखांदों। मानसिनि जिठनि मोखथां जाथाइ, बाइदि समाजारि, सोलेरारि, जेनाफोरखौ लानानैबो बिथाइ माखासे सुंद' सल' सोरजिलांदों। भदरी, जयन्ती, पातमुगी, बापिराम, रतन मुण्डा बाइदि सुंद' सल'फोराव मानसिनि मोखथां जिठआव जाफ्लायबाय थानाय जेना खैफोदफोरखौ मेहेर गोनाडैबेरखांहोनो नाजानाय जादों।। भदरी, जयन्ती, पातमुगी सुंद' सल'आव हिन्जाव आखुनि सैथो आरो समायनायाबो बेरखांफादों। मोजां मोननायनि गोथी आरो गोथारथिया कन्या, भदरी, नकड, जलकुबारी बाइदि सुंद' सल'नि गेजेरजों बेरखांदों।

लक्ष्मीनाथ बेजबरुवानि सुंद' सल'नि सोमोन्दै ह'मेन बरगहाजिया ओरैवादि बुंदों- 'चुटि गल्प एटा कटिन आर्ट। इ सम्पूर्ण रुपे आधुनिक जुगर सृष्टि। असमीया भाषार सर्वप्रथम चुटि गल्प लेखक लक्ष्मीनाथ बेजबरुवाइ साधुकथा आरु चुटि गल्पर माजर पार्थक्यट', निश्चय भालकै बुजिब परा नाछिल। सैइकारणे तेउर सकल' तथाकथित चुटि गल्पते एटा दिशहारा उभचरतार लक्षन बिद्यमान।' बिथां बरग'हाजि बुंनाय बादिनो बेजबरुवानि गोबां सुंद' सल'आ सल'बाथा आरो फेस्ता सल' थुनलाइनि गुवुन महर बादिल'। बिबि बुंक्लाबो नाथाय गनायनांगोनदि बिथाइ सुंद' सल'आव गोनां जानाय आखु-गथ'जों आबुं माखासे गोजी थाखोनि सुंद' सल'बो सोरजिलांदों। कन्या, भदरी, मुक्ति, पातमुगी सुंद' सल'फोरा बिथांनि राफोद सोरजि।

लक्ष्मीनाथ बेजबरुवाया गोदान असमीया थुनलाइनि बिखायाव सुंद' सल'नि बिथा गायसंनयायजों लोगोसे असमीया थुनलाइयाव गोदान मुगानिबो लामा एवझांजेनो।

जे'नाकी मुगानि सुंद' सल' लिरगिरिफोरनि मादाव लक्ष्मीनाथ बेजबरुवानि उनावनो मुं लानोगी जायो शरत चन्द्र ग'स्वामीनि। ग'स्वामीनि सुंद' सल' बिजाबफोरा जाबाय-मयना (1920), गल्पान्बलि (1914), बाजिकर (1930) आरो परिदर्शन (1952)। समरा-समरिक्लाबो शरत चन्द्र ग'स्वामीनि सुंद' सल'नि आयदाया लक्ष्मीनाथ बेजबरुवानिजों गोरोबा। बेजबरुवा बादि फेस्ता आरो जाउनाय-सोंखारिनाय आयदाखौ नागारता ग'स्वामीया सुखु-दुखु, आशा-निरशाजों गेलेनाय गामियारि समाजनि बाइदि सावगारि बेरखांहोनायावसो गोसो होदों। ग'स्वामीनि सुंद' सल'फोराव सोबख'जानाय, लामा गोथे जानाय लोरबां थाखोनिमि अनखांनाय बेरखांदों। घनुचा, मालती, नैर दाति, सामान्य प्राणी बाइदि सुंद' सल'फोरा बिनि रोखा फोरमान। सन्यासिनि, जात्री, ब्रह्मपुत्र बुकत सुंद' सल'फोराव समाजाव गनायजायि भोजां मोनलायनाथ आरो जावनाव सोमजिनाय दन्द्या बेरखांदों। ग'स्वामीनि सुंद' सल'नि सोमोन्दै ह'मेन बरग'हाजिया

बुंदों - 'साधारण भावे कबलै हले, ग'स्वामीर केबाटाव श्रेष्ठ गल्पर प्रधान बिधय-बस्तु ह'ल द्वन्द्व। व्याक्ति आरु अवस्थाभेदे एइ द्वन्द्वर रूप बेलेग। केतियाबा सि हदय वृत्ति बा प्रवृत्तिर द्वन्द्व (ब्रह्मपुत्रर वृकृत, नदराम, तारा, सन्यासिनी) केतियाबा सि व्यक्ति आरु समाजर माजत ह'वा द्वन्द्व (घनुचा, नैर दातित, पशुपतिर बिया)।'

ग'स्वामीनि सुंद' सल'नि आखुफोरा मोखथां जिठजों सोमोन्दो गोनं। सल'फोरव जिठनि दुखुनांथाव जाथाइफोरा जायगा मोननायलाय खन्थाइयारि बोबधाबनाय मोन्दांनो हायो। आयदा बासिनायाव मोखथाडारि नोजोर, सानस्त्रियाव समाज सांग्रांथि, नांगी बादि राव बाहायनाय बाइदिनि थाखाय ग'स्वामीनि सुंद' सल'फोरा सल' महरै जाफुंसार जासिननो हादों।

राफोद सुंद' सल' लिरगिरि महरै सिनायधि होनो हायाखैब्लाबो दन्दिनाथ कलितायाबो ज'नाकी मुगायाव माखासे सुंद' सल' लिरना असमोया सुंद' सल'नि बास्त्रिखीं फेहेरलांदों। कलितानि सुंद' सल' बिजाबा - सातसरो। दन्दिनाथ कलितानि सुंद' सल'नि आयदा आरो बिबुंधिया गोथों आरो सरामनस्त्रा। समाजनि गोजों-धोनि थाखोनि गावखीं लानानै मुखुब आरो बिनि जाहोनाव साधारण मुयुनि गेजेराव सौफैनाय दुखु-दाहाफोरानो बिथानि सल'फोरनि गाहाइ आयदा।

ज'नाकी मुगानि लिरगिरिफोरनि मादाव सुर्ज कुमार भुआयाबो सासे। दोंबा सुंद' सल'नि जथाय महरै नुजानाय 'पन्ठमी'या बिथानि सल' बिजाब। बे दोंबा सल'नि गेजेरजोंनो बिथाइ राफोद आखाइनि सिनायधि होनो हादोंमोन। उनहा लागै बिथाइ लिरनो गारना जारिमिन बुरखांनय खामानियाव नांथाबदोंमोन।

अन्जिमानि फारसे खमब्लाबो सुर्ज कुमार भुआनि सुंद' सल' फोरा मोनसे एखुथा बेसेन दड'। बे समनि दस्त्रा लिरगिरिफोरबादि समाजनि गात्रि आखुफोरखीं सोंखारिनाय, जावनायफोरखीं गारना बिथाइ मानसिनि गोबोंनि इसिडव हाबनो नाजादोंमोन। 'मानिक बड़ा' सल'नि गेजेरजों सहराव देरनाय आरो गामियाव देरनाय मानसिनि गोसोनि महर आरो सौग्रावलायनाया रोखायै बेरखांदों। जायखि जादोवा सुर्ज कुमार भुआयानो आखुनि गोमो इसिडव सिगां हाबनो नाजाग्रोनाय सुंद' सल' लिरगिरि महरै जेब्लाबो रायलां जागोन।

नकुल चन्द्र भुआया ज'नाकी मुगायाव लिरनो लाजेनना उननि आवाहन मुगायाबबो लिरबाय धादोंमोन। बिथानि सल' बिजाबा गानें - च'रांच'वार चरा आरो गल्पर शराइ। लक्ष्मीनाथ बेजबरुवा आरो शरत चन्द्र ग'स्वामीया दिन्थिनाय लामानिफ्राव बिथाइ दोरोदबोनो हायाखै। भुआनि सल'नि आयदाया गोथों आरो फोरमायथिनाबो गोलै। बिथानि सल'फोरनि आयदाया गाहाइथै गोरिव गुन्डानि दुखु-दाहा आरो मोजां मोनलायनाय। सुंद' सल'नि थाखाय जावादि टेकनिकनि गोनान्थि विब्दि टेकनिक बिथानि सल'फोरव मोनो थाइ। जाठनाव बिथानि सल'फोरा सुंद' सल' महरै जाफुंसारनो हायाखै बुंजायो।

ज'नाकी मुगानि सुंद' सल'फोरनि आखु :

1. ज'नाकी मुगानि सुंद' सल'फोरनि गोबाङनो सल'बाथानि बेंखननिफ्राय ओंखारबोनो हायैलाय सल' महरै जाफुङखै।
2. ईराजनि आमोलाव गोदानै जाखांबोनो लानाय रां-रुफा गोनां माहाजोन आरो लेखा-फरा गोरोंफोरनि थिफुद्ला आखुखौ जावनाय आरो सोंखारिया बे मुगानि सल'फोरनि गाहाइ आयदा।
3. फेस्ता आरो मिनिहोनाय बिदैनि सुंद' लिरनाया बे मुगानि सल' लिरगिरिफोरनि मोनमे गाहाइ आखु।
4. हिन्जाव-हौवानि मोजां मोनलायनायखौ बे मुगानि सल' लिरगिरिफोरा समाजनि धोरोंमारि गोरा नोजोरजों नायाबाला गोदान मुगानि गोदान नोजोरजों नायनो लादों आरो बेफोरनि सावगारि आवुङ्गे फोरमायदों।
5. मानसिनि गोसोनि इसिं राइजोयाव हाबना बे राइजोनि खोरां बे मुगानि लक्ष्मीनाथ बेजबरुवा, सूर्ज कुमार भूआ बाइदि लिरगिरिफोरा होनो नाजादों।
6. उननि थाखाय ? असमीया सुंद' सल'नि बिथाखौ ज'नाकी मुगायानो गायसनदों

आवाहन मुगा :

1929 मायथाइयाव कलकातानिफ्राय दीननाथ शर्मानि सुजुनायाव आरो मेछ पारानि जमिदार नगेन्द्र नारायन चौधुरिनि सुंथानायाव गांसे गोजौ थाखोनि असमीया लाइसि 'आवाहन'आ जोनोम मोनो। गोदान असमीया धुनलाईनि बिथा दानाय आरो फेहेरनायाव बे लाइसिया मैखोम बाहागो लादोंमोन सुंद' सल'नि बेलायावयो आवाहन लाइसिया माखासे गोदान लिरगिरिनि जोनोम होनायजों लोगोसे मानदान्दा जौगानायावयो गोबां भान्दारी होलादों।

नगेन्द्र नारायन चौधुरीया आवाहन लाइसिनि 'जोनोमगिरिल' नङ बे मुगानि सासे मुंदांखा सुंद' सल' लिरगिरियो। चौधुरीनि सुंद' सल'फोरनि आयदाफोरखौ बिजिरब्ला नुनो मोनोदि बे समनि ग'वालपारा जिलानि गुनजेर अरनो हमनाय जमिदारि समाज, ट्राइबेल हारिफोरनि जेथो गैयि समाज, समाजारि खान्थि आरो खोमसि फोथायनायनि बोलि जनानाय हिन्जावफोरनि जिउ, हौवा-हिन्जावनि मोजां मोनलायनायफोरानो गाहाइ। चौधुरीनि सुंद' सल'फोरनि आयदानि बेंखना गुवार जानायलाय बांसिन सल'आनो गोलाउ। बिथानि सुंद' सल' बिजाया जाबय- नगेन्द्र नारायन चौधुरीर गल्प, आरो बीणार झंकार।

लक्ष्मीनाथ फुकना जेनाकी मुगायावनो लिरनो लाहांदोंमोनव्ताको सुंद' सल' लिरगिरि महरै गावखौं गायसंगे हादोंमोन आवाहन लाईसिनि बिखायावसो । लक्ष्मीनाथ बेजबरुवानि बांसिन सल' आवनो हिउमार थानाय बादि लक्ष्मीनाथ फुकननि सुंद' सल' आवबो हिउमार दं । फुकना बे हिउमारखौं सोरजिदों आखुफोरनि बाध्रा आरो जाथाइनि गेजेराव गोरोबलायिनि गेजेरजों । महिमामयि सुंद' सल' आ बिनि मोनने मोजं दिन्थि । अफाइदां, बिहु सन्मिलन, टाइपिष्टर जीवन बाइदि सुंद' सल' फोराव बिधाड गोदान सोलौंथाइजों गोरों समाजनि बाइजोयाव समायना सिडव मोनबो गीथ फमफला गोसोनि बाध्रा बेरखांहोदों । लक्ष्मीनाथ फुकननि सुंद' सल' बिजावफोरा जावाय माला, अफाइदां आरो मरमर माधुरी ।

लक्ष्मीनाथ बेजबरुवाया गायसंलानाय समाजनि गाञ्जि-गुबुंले आखुफोरनिस्मि जावनाय-सोंखारिनाय दाहारखौं आवाहन मुगायाव राफोद आरो जाफुंसारै बाहायनाथ सुंद' सल' लिरगिरियानो जावाय महीन्द्र बरा । बरानि सुंद' सल' फोराव गाहाइयै जावनाय दाहारा बेरखांदों । महीचन्द्र बरानि सल' फोराव बाइदि बाइदि रोखोमनि गोयां आखुफोरा जायगा मोनदों । बे आखुफोरखौं गाहाइयै मोननै बाहागोआव राननो हायो - मोनसेया गाञ्जि, भन्द, थगायसुला थाखो आरो गुबुन मोनसेया समाजनि सोबख'जाताय गोरिव गुन्द्रा । सिगां थाखोनि फारसे गोफार जावनाय आरो गुबुन मोनसे थाखोनिस्मि गेवें गोसोनि सुबुंधिया बेरखांदों । केरानिर कपाल, अब्यय, चाकनैया बाइदि सल' फोरा बिनि रोखा दिन्थि ।

आवाहन मुगानि सासे राफोद सुंद' सल' लिरगिरिया जावाय लक्ष्मीनाथ शर्मा । गोगो सानस्रि, रोखा बिबुंधि आरो सोलो गोनां सल' फोरमायनायनि थाखाय बिधाड असमीया सुंद' सल' नि जारिनिनाव मोनसे आलादा मासि आवग्रिना लानो हादों । लक्ष्मीनाथ शर्मानि सुंद' सल' आवनो सिगां कमिउनिष्ट सानस्रिया बेरखांदों । गेर- 'पराजय' सुंद' सल' । शर्मानि सुंद' सल' फोरा हिन्जाव आखु गाहाइ । बिथानि हिन्जाव आखुफोरा समाजनि दोरोडारि बेखननिक्राय ओंखारबोना गोदान मुगायाव आगान होनो हादों । छिराज, ब्यर्थतार दान, बिद्र'हिनी सल' फोरा बिनि रोखा दिन्थि । 'छिराज'आ बिथानि मोनसे मुंदांखा सल' । बे सल' नि गेजेरजों हरिनि गेजेराव थानाय गोरोबलायिनि सावगारि बेरखांजदों । 'ब्यर्थतार दान'आ बिथानि सल' बिजाव ।

हलीराम डेकाया आवाहन मुगानि सासे राफोद आरो जाफुंसार सुंद' सल' लिरगिरि । डेकानि सुंद' सल' फोराव आयदा सानस्रिफोरखौं दस्त्रा लिरगिरिनिक्राय आलादायै बेरखांनय नुनो मोनो । बिया बिभ्राट, जेदार, थर्वतर टिडर बडला घर बाइदि सल' फोराव सिगांनिक्राय सोलिबोनाय फेरला आरो जावनाय दाहारा बेरखांदोब्लाबो बांसिन सल' आनो सिगांनि दाहारनिक्राय दोरोदबोदों । बिथानि सल' फोराव मानसिनि जिठनि इसिं बहुमनि सोमोन्दै गोथौं बिजिरनाय नुनो मोनो । Sex Psychology आरो stream of conciousness नि बाहायनायाबो बिथानि सल' फोराव नुनो

मोनो। बिनिखायनो जानांगौ ह'मेन बरग'हाजिया बिथानि सल'नि सोमोन्दै सावरायना बुंदों - 'तेउर (हलीराम डेकार) रचनातेइ असमीया गल्पर बय' : प्राप्तिर लक्षण देख्वा गैले।' रे बड़े भाइ, भ्रष्ट लिपि, द्वितीय पक्ष बाइदि सल'फोरा बिथानि गोजौ थाखोनि सोरजि।

रमा दासनि सुंद' सल'फोरा आवाहन मुगानि दोरोडरि दाहारजों लिरनाय। आवाहन मुगाया रुमान्तिक दोहौनि सम। रुमान्तिक सानस्त्रियाव हौवा-हिन्जावनि मोजांमोनलायनाया गाहाइ जायगा आवग्रिना लानाय बादियै रमा दासनि सुंद' सल'फोरनि गाहाइ आयदायानो मोजां मोनलायनाय। बर्षा जेतिया नामे, प्रायसित्त, अबुज माया, क'न एउ नतुन मिरान्डाया बि शानि मुख'जाथाव सुंद' सल'।

आवाहन मुगायाव जागायना रामधेनु सुगासिम सुंद' सल' लिरना मुदांखा जानाय बीणा बरुवानि सुंद' सल'नि अन्जिमाया बारा नछ। पट परिवर्तन, आरो आघनी बाइ-बीणा बरुवानि गानै सुंद' सल' बिजाब। पट परिवर्तन बिजाबनि सल'फोरनि गेजेरजों गोदानै सोमजिनो लाहांनाय गेजेर थाखो समाजनि सावगारि आरो आघणी बाइ बिजाबनि सल'फोरनि गेजेराव असमनि बयनिबो असे गामियारि समाज जिउनि सावगारिया बेरखांदों। बिथानि सल'फोरा असमीया सुंद' सल'नि दाहारखौ राफोद खालामनायाव गोबां मदद होदों।

त्रैलक्य नाथ गस्वामीनि सुंद' सल'फोरा दोरोडरि आरो सल' गाहाइ। अरुणा, मरीचिका आरो शिल्पीर जन्मआ बिथानि सुंद' सल' बिजाब। ग'स्वामीनि सल'फोराव गाहाइयै समाजजों नेवसिजानाय गोरिब गुन्द्राफोरनि दुखुनांथाव जाथाइफोरा बेरखांदों। दाखिर बिनिनि, जार'ज, बिधवा, पतित आरु पतिता बाइदि सल'फोरा बिनि दिन्धि। कन्दुलर चेनि, दुटकीया न'ट बाइदि सल'आव समाजाव गोसारनो लानाय दुर्नीतिनि सावगारि बेरखांदो।

राधिका म'हन गस्वामीयाबो आवाहन मुगानि सासे मुख'जाथाव लिरगिरि। बिथाड दोरोडरि लामाखौ गारना गुवुन दाहारजों सल' लिरनो नाजादोंमोन। बिथानि सल'आव जैरै समाजनि गाहाइ थाखोनि सुखु-दुखु आशा-निराशाफोरा बेरखांदों बिबिदो धोनि, गोजौ थाखोनि समाजनि फारसे जावनायबो बेरखांदो। नियति, पेट ट्रेन्सपट, देवतार समाधि-बिथानि मुख'जाथाव सल'।

आवाहन मुगायाव जागायजेन्ना रामधेनु मुगायावबो लिरवाय थानाय सुंद' सल' लिरगिरि कृष्ण भुआनि सल'फोरा आवाहन मुगानि सल'नि आखुफोरजों गोरौबनायलाय बिथाड आवाहन मुगानि लिरगिरि। कृष्ण भुआनि सल'फोरनि गेजेराव सामजनि फिसा मानसिफोरनि गोजौ सुवुंथि (नेरुदेश, - जादुधर) हौवा-हिन्जावनि मोजां मोनलायनाय (रुपर पुजा) बाइदि आयदाफोरा बेरखांदों। सल'फोरनि गेजेरजों कृष्ण भुआया इसिं नोजोरजों जिउनि सैथोखौ संनो नाजादों। बिथानि सल'फोराव

आयदा सानस्त्रि आरो आयुफोरा रोखायै बेरखांदों। आवाहन मुगानि सामे जाफुंसार लिरगिरि महरै बिधाछ जेब्लाबो रायखांजागोन।

दीननाथ शर्मायाबो गोबां सुंद' सल' लिरदोंमोन। बिधानि बिजाबफोरा कल्पना आरु बास्तब, दुलाल, कवा थातुरीया उदर तलत, पहर। नाथाय सल'फोरा सुंद' सल' महरै जाफुंसार जायाखै। उमाकान्त शर्मानि सुंद' सल' बिजाबा धुरणीया पृथिवीर बेका पथ। बिजाबनि बांसिन सल'फोरखौ दार्शनिक सानस्त्रिनि चुनो हायो। प्रेम नारायण दत्तनि सल'फोराव गाहाइयै फेस्ता आरो जावनाय दाहारा बेरखांदों। बिधानि सुंद' सल' बिजाबफोरा जाबाय आदिरसर उत्तपत्ति, हे हरि सार शून्य। चिन्तार लिरगिरिफोरनि अनगावैबो आवाहन मुगायाव हरिप्रसाद गखाराय, जमिरुद्दिन आहमेद, प्रबध गरवामी, सुप्रभा गरवामी महनलाल चौधुरी, इन्दिबर गगै मोनहाबो सुंद' सल' लिरदोंमोन।

आवाहन मुगानि सुंद सलनि आखु :

1. आवाहन मुगाया रमान्टिक दोहीनि सम। इराजी रमान्टिक धुनलाइन गुवार सुबुंधियारि सानस्त्रिया (उदारनैतिक मानवतावाद) आवाहन मुगानि असमीया सुंद' सल'फोरनि गेजेरावबो बेरखांदों। बिन गेजेरावनो वै समाव जानाय उदांस्त्री सोमावसारनाय आरो बाइदि माहारियारि जैनाफोरनि थाखाय माखासे सल' लिरग्राफोरनि सुबुंधिनि नोजोरा रमान्टिक सानस्त्रिनिफ्राय एरायखेबोना मोखथाछरि नोजोरनि खाथियाव सौफैदों।
2. आवाहन मुगानि सुंद' सल' फोराव समाजनि फारसे सांग्रांथि आरो बिबानधिया जोबोर रोखा।
3. आवाहन मुगानि सुंद' सल' लिरगिरिफोरनि नोजोरा हिन्जाव माहारिनि फारसे थानाय दोरोडरि सानस्त्रिनिफ्राय सोलायदोंमोन। डेन्दै बैसोआव हाया जानायखौ होबथानाय रान्दिनि हाबा जानांगौ बाइदि आयदाफोरखौ लाना सल' लिरदों।
4. मुगानिफ्राय मुगा सोलिबोनाय समाजनि गाञ्जि आसार आखु, खोभसि फोथायनायफोरखौ होखारना समाजखौ, सुस्त्रानो थाखाय बे समनि लिरगिरिफोरा नाजादोंमोन।
5. आवाहन मुगानि लिरगिरिफोरनि सल'भाव प्रगतिशील (Progressive) सानस्त्रिया बेरखांदों। लक्ष्मीधर शर्मा, इलिराम डेका, त्रैलकनाथ ग'म्बामानि सल'फोराव बि सानस्त्रिया रोखा।
6. आवाहन मुगानि लिरगिरिफोरनि सायाव सोनाबरि गोबां सानस्त्रिनि गोहोम

गोलैनाय नुनो मोनो। जेमछ जयछनि stream of consciousness नि साया हलिराम डेका आरो मुनिन बरकटकीनि सल'आव नुनो मोनो। म'पाछानि सल' लिरनायनि आदबनि गोहोम बीणा बरुवा, हलिराम डेका, राधिका म'हन ग'स्वामीनि सल'फोराव मोननो हायो।

रामधेनु मुगा :

नैजि जौथाइनि ब्रै जिथाइयाव जानाय मोननै गिदिर जाथाइया आसामनि समाजारि, राजखान्थियारि, रांखान्थियारि जिठआव गोथौ गोहोम खोख्लैदोमोन। विनिनो मोनसेथा जाबाय नैथि मुत्तुग दावहा आरो गुबुना जाबाय भारतनि उदांस्त्रि सोमावसारनाय। बे जाथाइफोरा लिरगिरिफोरनि साननाय-हनाय, लिरनायफोरावबो सोलायनाय लाबोदोमोन। असमीया सुंद' सल'आबो बे सोलायनायनिफ्राय चारग'वाखैमोन। बे समावनो बरिन्द्र कुमार भट्टाचार्यनि सुजुनायाव 'रामधेनु' लाइसिया नुजादोमोन। ज'नाकी लाइसिनि गेजेरजों जोनोम मोननाय सुंद' सल'आ आवाहन लाइसियाव राफोद महर लानानै रामधेनु लाइसिनि गेजेरजों गेरेमसा आरो जौगा महर मोनदों। सोनाबारि गोदान गोदान सानस्त्रिजों सिनायथि गोनां रामधेनु मुगानि लिरगिरिफोरा गोबां गोदान गोदान आयदा लाना गोदान ग'थजों सुंद' सल' लिरनो लादोंमोन।

चैयद आबुदुल मालिक : आवाहन मुगायावनो लिरनो लाजेनना रामधेनु मुगायावबो लिरबाय थानाय असमीया सुंद' सल'नि गागि लिरगिरि चैयद आबुदुल मालिकनि सल'नि अन्जिमाया गोबां। आवाहन मुगा आरो रामधेनु मुगानि गेजेरनि सायखं महर मालिकनि सोमोन्दै हेम बरुवाया ओरै बादि बुदों - 'Abdul Malik a link between the two generations reflects in a nutshell the passions and characteristics of both the Awahan and the post-war period' (Assamese Literature)। मालिकनि सल' बिजाबफोरा जाबाय अस्थायि आरु अन्तरा, छेय नम्बर प्रश्नर उत्तर, परशमणि, रज गड़ा, मरहा पापरि, शिल आरु शिखा, मरम मरम लागे, शिखरे शिखरे, बहुत बेदना एट'पाल चकुल', हाहि आरु चकुलरे।

मालिकनि सिगां समनि सुंद' सल'फोराव आवाहन मुगानि आखु बादिनो गोनांथि गैयि जाथाइ, आबां-जाबां बाध्रा, गोलाठ बरनायनायफोरखी नुनो मोनोमोना। जैरे- प्राण प'वार पिछत। बे समनि बिथानि सल'फोराव Romantic Realism आखुबो बेरखानाय नुनो मोनो। जैरे- कठफुला सल'। नाथाय रामधेनु मुगायाव समजों गोरोबफाना बिथाइ गावनि सल' लिरनायनि आयदा, गथ' सानस्त्रिखौबो सोलायफायो। बिथानि सल'फोरा मोखथाइरि जानो लायो। हरि माष्टरर द'कान, तिनचकोया गाड़ी, जपना, बिभत्स बेदना, आज'खा सल'फोरानो विनि रोखा दिन्थि।

बीरेन्द्र कुमार भट्टाचार्य : रामधेनु मुगानि सुंद' सल' लिरगिरिफोरनि मुं रायखांबला चैयद आबुदुल मालिकनि उनावनो बीरेन्द्र कुमार भट्टाचार्यनि मुं लानांगी जायो। रामधेनु लाइसिनि सुजुगिरिजों लोगोसे बिथाड बे मुगानि सासे गाहाइ सल' लिरगिरिबो। बिथानि ओंखारनाय सल' बिजाबा कलं आजिअ' बय आरो सातसरी।

भट्टाचार्यनि सल'फोरनि गेजेरजों समाजारि मोखथाडारि दाहारा रोखायै बेरखांसिनदों। बिथानि सल'फोराव फ्रयदनि आधोन गोसो सानस्रिनिबो (Sex Psychology) बाहायनाय नुनो मोनो। छिराला आरो चिन्दुइन, शलिता मामि, अनु आरो बातसाथान सल'फोराव बे सानस्रिया रोखायै बेरखांदों। बिथानि माखासे सल'फोरनि गेजेराव आध्यात्मिक चेतनाबो मोन्दांनो हायो। माकनर गंहाइ, ईदर जेन बाइदि सल' आव बिथाड जिठखौ मोन्दांनो नाजादों आध्यात्मिक सानस्रि आरो मेलेमनि गेजेरजों।

ज'गेश दास : रामधेनु मुगानि गागि लिरगिरिफोरनि मादाव ज'गेश दासाबो सासे। दासनि लिरनाय सुंद' सल' बिजाबफोरा जाबाय पपीया तरा, आन्धारर और और गदार बेदना, हाजार लंकर भिर, पृथिवीर असुख।

ज'गेश दासनि सल'फोरा सिदा आरो गोरलै। नैथि ब्रुहम दावहानि उनाव समाजाव सौफेनाय जेथो आरो जेथोजों समाजाव सोमजिनाय द्वन्द्वनि सावगारि बिथानि सल'फोराव मोननाय जाया। त्रैलंक्य नाथ गंस्वामौनि बादिबला- 'किछुमान गल्प बिषय बस्तु तेनेइ साधारन साधारन काहिनीर माजत क'न' एक बिचित्र भावना आबिस्कारर चेष्टाव तेवर नाइ। दुटा एटा गल्प वर्णना आरु कथ'पकथनर माजेदि आगबाइ साधारन भाबेइ समाप्त हैछे।' बिन्दि लोरबांथि थाब्लाबो बिथानि सल'फोरा फारयग्राफोरखौ बोबथानो हादों सावगारियारि फोरमायथि आरो भावथाइयारि आखुनि थाखाय। कलपटुयार मुक्ति, गदाधर तिष्टल, गराखहनीया सल'फोरा बिथानि मुंख'जाथाव सोरजि।

महिम बरा : काठनि बारि घाट, बहुमुखि त्रिभुज, रातिफुला फुल, मइ पिपल आरु पुजा बाइदि सल' बिजाबनि लिरगिरि महिम बराया असमीया सुंद' सल'नि सासे मुंदांखा लिरगिरि। बरानि सल'फोराव गाहाइयै गामियारि जिठनि सावगारि बेरखांनाय नुनो मोनो। सल'फोराव बाहायनाय रावआबो गामियारि रावनि जोबोर खाथिलाय बुंनो हायोदि असमीया रावनि गुबै महरा बिथानि सल'फोराव बेरखांदो। फेरला आरो जावनाय आयदाखी लानानैबो बिथाड सल'लिरदों जैर- चक्रबत, अपराजिता, फादार एन्ड चनच एन्ड कम्पानी सल'फोर।

महिम बरानि सल' फोरमायनायनि सोलोआ बाख्नाय जाथाव। सल'नि जाथाइनि सायाव नोजोर लाखिना जागाय जेननायनिफ्राय जोबजासिम सल'खी गेबै खालामना लाखिनो हायो। काठनि बारि घाट, ट'प, माछ, तिनिर तिनि गल सल'फोरा बिथानि गोजी थाखोनि सोरजि।

ह'मेन बरग'हाजि : लिरनाय सल'नि अन्जिमाया गोबां नड्बलाबो ह'मेन बरग'हाजिया रामधेनु मुगानि सासे गाहाइ लिरगिरि। बरग'हाजिनि सिगां समाव लिरनाय सल'फोरा सल' फोरमायनायनि सायाव सोनारनाय नाथाय उननि फारसे लिरनाय सल'फोराव मानसिनि गोसोनि बाइदि साननाय-हनायफोरखौ फोरमायनो नाजानाय नुनो मोनो।

ह'मेन बरग'हाजिनि सल'नि फोरमायधिया जैरबादि राफोद बिब्दिनो आयदाफोरा गोदान आरो गोबां। सल'नि आखुफोरा गोहो गोनां, सिगांगोया आरो खेयालि गोसोनि। बिधांनि माखासे सल'आव छात्रेनि अस्तित्ववाद आरो फ्रायर्दनि गोसो बिगियाननि गोहोम गोग्लैनाय नुनो मोनो। माकसीया सानखिखौ बिथा खालामनानैबो बिथाड माखासे सल' लिरदों। बिथां लिरनाय सल' बिजावफोरा जाबाय- बिभिन्न क'राछ, प्रेम आरु मृत्युर कारने, स्वप्न स्मृति बिषाद।

ड. भवेन्द्र नाथ शइकीया : जिउनि माइक्रस्कपिक डिटेइलछनि सावगारिजों ड. भवेन्द्र नाथ शइकीयाया आधुनिक असमीया सुंद' सल'आव मोनसे गोदान लामा सोरजिदों। गोथी नाय-बिजिरनाय आरो गोरुबनाय राव बाहायनो हानाया बिधांनि सल' लिरनायनि मोनसे गाहाइ आखु। बे आखुआनो गुदुन लिरगिरिफोरनिफ्राय बिथांखौ जुदायै रायखानो गोनां खालामदों। बुहुमनि सल' लिरगिरिफोरनि मादाव जैरे चेकफया बुब्दिनि सावगारि बोनायाव आखा-फाखासिन, असमीया सुंद' सल'नि गेजेरावबो शइकीयानो राफोदसिन।

भवेन्द्र नाथ शइकीयानि सुंद' सल'फोरा सल' गाहाइ। ह'मेन बरग'हाजिनि बादिब्ला- "भवेन्द्र नाथ शइकीयार गल्पत असमीया चुटि गल्पर परस्परवादी धाराइ एक बिरल पुर्णता लाभ करिछे।" बिधांनि सल' बिजावफोरा जाबाय-सेन्दुर, शृंखल, गहबर, प्रहरी, एक बन्दरर आवेलि।

चन्द्र प्रसाद शइकीया : समायना खन्थाइयारि रावजों गोदान मुगानि गेजेर थाखो सुयुनि मोजां मोनलायनाय-गारलायनाय, दुखु-दाहा, मोननाय-मोनैनि जाथाइफोरखौ लाना आवाहन मुगानिफ्रायनो सोलिबोनाय लामाजों रामधेनु मुगायाव चन्द्र प्रसाद शइकीयाया गोबां सल' लिरदों। शइकीयानि सल'नि बिबुधिया रोखा आरो बिबुधि फोरमायनाय जेथो गोनां नड्ब। बिनि थाखायनो सल'नि आखुफोरा थों गोथों। बिधांनि सल' बिजावा जाबाय- माया मृग अंगिकार। अथि एहु संसार, एदिन बिथांनि मुंदांखा सल'।

सौरभ कुमार चलिहा : रामधेनु मुगानि सासे एखुथा लिरगिरिया जाबाय सौरभ कुमार चलिहा। सिगांनि लिरगिरिफोरा दाना गालानाय लामाजों थाडबालानो बिथाडा मोनसे गोदान लामाजों आगान सुरदों। फरायसा समनिफ्रायनो सल' लिरनो लानाय चलिहानि

मेगनाव गोग्लैनाय सिगां सल'आ जावाय अशान्त इलेक्ट्रन।

सौरभ कुमार चलिहानि सल'फोरनि गाहाइ आयदाया नोगोरारि। बिथानि सल'आव गोदान मुगानि सुंद' सल'नि आखुफोरा बेरखांदों। दोरोडारि सुंद' सल'आव थानाय बादि मोनफा सल' बिथानि सल'फोराव मोननो थाड। सल'नि जायगायाव गोबां जाथाइ एबा थासारिनि जुथुमसो मोननाय जायो आरो बिफोरखी मोनसे दौलेडव बोनना दोन्दों सानस्त्रिया। बिथानि सल'फोरा stream of consciousness नि गथाजों लिरनाय। गोदान मुगानि सोनाबारि गोबां सानस्त्रिनि गौहोम बिथानि सल'आव गोग्लैनाय नुनो मोनो। जेरै फ्रवदनि सानथी, बीना कुटिर सल'आव एक्सप्रेनिजम, एहात दबा सल'आव सुररियेलिजम, अशान्त इलेक्ट्रन सल'आव अस्तित्व बादसानथीफोरखी बेरखांनय नुनो मोनो। दूपरीय, अशान्त इलेक्ट्रन, एहात दबा, बीणा कबटिर, गेलाम - बिथानि नुजानाय सल' बिजाब।

लक्ष्मीनाथ बरा : रामधेनु मुगानि सासे रफोद आरो मुंदांखा सुंद' सल' लिरगारि। बरानि सल'फोराव गाहाइयै गामियारि जिउनि समायना फोरमायथि नुनो मोनो। सल'फोराव बाहायनाय रावा गेबें आरो फोरमायथिनाय सावगारिया गोसो बोबथावनो हानाय। सखा दामंदर, भावना, एराबरीर लेचेरा, मन बिरिखर ज'ख बाइदि सल'फोराव गामियारि जिउनि सावगारिया बेरखांदों। देवतार ब्याधि, गुरु पबं बाइदि सल'आव असमीया अध्यात्मिक ऐतिहय या लासै लासै मुबुंले जावोनो लानायनि सावगारि फोरमायदों। सैइ सुरे उतला, दृष्टिरुपा, अचित कन्या, गौरीरुपक, मन मांटे मेध, कठिन माया, गेपन गधुलि, आवेश इन्द्रजाल, देवतार ब्याधि बिथानि सल' बिजाब।

रंहिणी कुमार काकति : रामधेनु मुगानिफ्राय आथिखालसिम लिरवाय थानाय रंहिणी कुमार काकतिनि सल'आ गोबां। समाजनि गेजेर थाखो सुबुंनि आखुफोरा आरो हीवा-हिन्जावनि गेजेराव मोजां मोनलायनायनि बोबथावनायानो बिथानि सल'फोरनि गाहाइ आयदा। सैइ सुरे, बालिचन्दा, पश्चिमर आकाश बाइदि सल'फोराव मोजां मोनलायनायनि सावगारि गोसो नांथावयै बेरखांदों। ट्राइबेल समाजखी लानानैबो बिथाड बराहु बाइदि सल' लिरदों। काकतिनि नुजानाय सल' बिजाबा जावाय-एजाक ए-श्वर।

स्नेह देबी : गोबां सल' लिरना असमीया सुंद' सल'नि बाखिखी फेहेरनायाव स्नेह देबीया गोबां भान्दारी होदों। रामधेनु मुगानि लिरगिरिल्लाबो सल'नि आखुफोरा आवाहन मुगानि सल'फोरजोंसो बांसिन गोरोबो। बिथानि सुंद' सल'फोरा सल' गाहाइ आरो फोरमायथिया गोथों। बांसिन सल'आवनो समाज फोसाबयारि नोजोर आरो गाहाय थाखोनि सुबुंनि गुवार-गोजी बिथानि फोरमायथि नुनो मोनो। सल' बिजाबा जावाय-स्नेह देबीर गल्प।

निरुपमा बरग'हाजि : रामधेनु मुगानि सिगांनो लिरनो लाना रामधेनु मुगायाव मुंदांखा जानाय आरो दिनैसिमबो लिरबाय थानाय निरुपमा बरग'हाजिनि सुंद' सल'आ गोबां समाजनि गेजेर थाखो मानसिफोरनि गोसोनि जुजिलायनाय आरो गाहाय थाखो मानसिफोरनि थांना थानो थाखाय खालामनांनय दावहानि दाहानि फारसे अनखांनाय नोजोर बिथानि बांसिन सल'आवनो नुनो मोनो। बिजिरगिरि त्रैलक्य नाथ ग'स्वमीनि बादिब्ला- 'प्रात्याहिक जीवनर किमुमान सरु सरु कथा आरु साधारन घटनार माजते जीवनर बैचित्र सन्धान करात निरुपमा बरग'हाजि जथेष्ट सार्थक लेखिका।' (आधुनिक गल्प साहित्य) हिन्जाव मानसिनि बाइदि जेंना, सानसि, दन्दफोराबो बिथानि सल'नि गेजेराव बेरखांनाय नुनो मोनो। टेकीर सरग, मध्यबर्तिनी, आकाश च'वा सल'फोरा बिनि रोखा दिन्थि। एनथ्रपजिर पिछत बिथानि मुंदांखा सुंद' सल'। बिथानि सल' बिजाबफोरा जाबाय अनेक आकाश, जलछबि, शुन्यतार काव्य, खिरिकि कापर गछ।

पद्म बरकटकी : सल'मा लिरगिरि महरे मुंदांखाब्लाबो पद्म बरकटकीया सासे सुंद' सल' लिरगिरिबो। बिथानि सल'फोराव लक्ष्मीनाथ बेजबरुवाया जागायनाय जावनाय-सोंखारिनाय आखुआ बेरखांदों। गाहाइयै राजखान्थि दैदेगिरिफोरनि लांसुनिया आखुखीनो बिथाडा सोंखारिदों। समाजनि बाइदि थगायसुला, गात्रि आखुफोरखौ लानानैबो बिथाडा माखासे सल' लिरदों। जैरे- फुलजारि, अबुज, आमार आशा आछे, इतिहास, रीतार प्रेम।

मेदिनी चौधुरी : अन्जिमानि फारसे बारा नडाब्लाबो मेदिनी चौधुरीया बे मुगानि सासे राफोद सल' लिरगिरि। बै समनि राजखान्थियारि हाल-सालनि सायाव बिजिरगिरिनि नोजोरजों बिथाडा गोबां सल' लिरलांदों। जैरे- मणिराम पाटर केनि गल। नोगोरारि सोदोमस्त्रिनि गोहोमाव गोरलैना गामिनि सेंग्रा माहारिनि आखुआ गुबुले जाबोनो लानायनि सावगारिबो चौधुरीनि सल'फोराव नुनो मोनो। चहरमुखी, सभ्यता आरु इद्रिच, मइ आरु बाबुलाल सल'आ बिनि मोजां दिन्थि। चौधुरीनि सल'फोराव समाजनि गादबजानाय-नासयजानाय थाखोनि फारसे गोधौ आनखांनाय बेरखांदों।

अतुलानन्द ग'स्वामी : 'हामदै फुलर ज'न' मुनि मुंदांखा सल'नि लिरगिरि अतुलानन्द ग'स्वामीया रामधेनु मुगानिफ्राय दिनैसिमबो लिरगासिनो। ग'स्वामीनि सल'फोरनि रावा गेबें, गोथों आरो थाम-थिम। हरखाब जागायनाय आरो भावधाइयारि फोजोबनाय आखुआ बिथानि सल'फोरखौ समायनासिन खालामदों। बिथानि सल'नि आयदाफोरा जेथो गोनां नडा, गोधों-गोरलै। उपेन्द्र नाथ शर्माया बिथानि सल'नि सोमोन्दै बुंदों 'आतुलानन्द ग'स्वामीर गल्पत बास्तब जिवनर सरु सरु चित्र आछे। अजथा बागाइन्वर

आरु बर्णनार आधिव्यङ्ग सहज परिवेश एटा सुष्टि करात बाधा निदिये।' बिथानि सल' बिजाबफोरा जाबाय हामदै फुलर जेन, गल्प।

निर'ध चौधुरी : रामधेनु मुगानि सासे राफोद लिरगिरि निर'ध चौधुरीनि सुंद' सल' आ गोबां। मर' गल्प, अंगे अंगे श'भा बायु बहे पुरबैया, निशि गन्धा, कमल गान्धार, चामेलि मेमचाहाब बाइदि गोबां सल' बिजाब ओंखारबाय। निर'ध चौधुरीनि सल'फोरनि आयदा आरो सानस्त्रिया आवाहन मुगानि खाथिब्लाबो बिथानि सल'फोरनि रावा गेबे- धामथिम, आयदा आरो साननायनि खौसेथि आरो जोबनायाव मिथिनो लुवैहोनाय आयुआ बाख्नायजाथाव। बिथानि सल'फोरखौ चैयद आबुल मालिकनि आखाइयाव राफोद महर मोननाय Romantic Realism दाहारनि वुंनो हायो। बिथानि बाहायनाय रावा ख'बांम गोनां खन्थाइयारिलाइ फरायग्राफोरखौ बोवथावनो हायो।

शीलभद्र : रामधेनु मुगायावनो जागायना दिनैसिमबो लिरबाय थानाय शीलभद्रया सासे राफोद सुंद' सल' लिरगिरि। बिथानि सल'नि आयदा, आयु, थासारि गासिबो मोखथाडरि जानायलाय बाहायनाय रावाबो मोनबो खन्थाइयारि गाव गैयि गोथो। ह'मेन बरग' हाजिआ बिथानि सल'नि सोमोन्दै बुंदो- 'साधारण मानुहर चिरन्तन जीवन धारार हर्ष बिषाद मिहलि केतबर समस्याक तेव गल्पबरेत उपस्थापित करिछे।' शीलभद्रनि सल' बिजाबफोरा जाबाय-बास्तब, आकौ मधुपुर, कन' क्ष'भ नाइ, समुद्र तीर, तरुवा कदम, मेजाज, प्रतीक्षा, उत्तरण, मधुपुर बहुदुर, लगरीया, तर्पन बाइदि गोबां।

मामनि रयचम ग'स्वमी : गाहाइयै सल'मा लिरगिरि महरै मुंदांखा मामनि रायचम ग'स्वामीया सल'मा बादिनो सुंद' सल'फोरनि गेजेरजोबो हिन्जाव माहारिनि इसं गोसोआव थाखोमाना थानाय माखासे बाध्नाखौ रोखायै फोरमायना दिन्थिदो। सेइ आन्धार प'हरर अधिक, उदं बाकच, संस्कार, रिणिकि रिणिकि देखिछ' जमुना सल'फोरा बिनि रोखा दिन्थि। रिणिकि रिणिकि देखिछ' जमुना, चिनाकि मरम बिथानि नुजानाय सल' बिजाब।

नगेन शइकीया : कुबेर हाति बरुवा, छबि आरु प्रेम आन्धारत निजर मुख, अस्तित्वर शिकलि, अपार्थिब-पार्थिब बन्ध क'ठार धुमुहा बाइदि गोबां सल' बिजाब लिरगिरि नगेन शइकीयाया दासिमबो सल' लिरगासिनो। बिथानि सल' लिरनायनि दाहारा सौरभ कुमार चलिहानि बादि अगतानुगतिक, चेतनाख'त गदजो लिरनाय। बिथानि सल'फोराव फर्मनि गेलेनाया बारालाय लिरगिरिनि बिबुंधिखौ मोनदांनो गोब्राब।

नगेन शइकीयानि सल'फोरनि सायाव गोबां सोनाबारि सानथौनि गोहोम गोग्लैनाय नुनो मोनो जाहोनाव बिथानि सल'फोरा जेथो गोनांसिन जासिनदो। नदीर

पारत म'र अस्तित्व, एटा बिन्दुर माजत, बन्ध कंठात धुमुहा बाइदि सल'फोराव छात्रेनि अस्तित्वबादि सानस्त्रिनि साया लाना जिठखौ मोनदांनो नाजानाय जादों। बिब्दिनो छेमुयेल बेकटनि एबचाई सानथौनिबो गोहोम गोजानैब्लाबो बिथानि सल'फोराव नुजादों। अन्तिम अपेक्षा, चारिजन डेका आरु एटा मराश, सल'फोराव बे सानस्त्रिनि गोहोमखौ हमदांनो हायो। जेमछ जयेछ, एडगार एलेन प, फ्रान्स काफका बाइदि लिरगिरिफोरनि सल'निबो गोहोम नगेन शइकीयानि सल'फोराव गोर्लैनाय नुनो मनो।

नीलिमा शर्मा : रामधेनु मुगानि सासे आइजो सुंद' सल' लिरगिरि। बिथानि सल'फोराव गाहाइयै हिन्जाव माहारिनि जैना, खैफोद, सानस्त्रि बाइदि आखुफोर बेरखांदों। सल'फोरनि गाहाइ आखुफोरा लेखा-फरा गोरों हिन्जाव-हीवा। बिब्दि आखुफोरखौ बासिना लानायनि जाहोना जानांगौ इसिं गोसोआव हाबना मानसिनि गुबै आखल-आखुखौ संनो नाजानाय।

इमरात श्वाह: रामधेनु मुगायावनो लिरनो लाजेनना इमरान श्वाहआ दासिमबो लिरगासिनो। बिथानि गोबांसिन सल'नि आयदायानो मोजां मोनलायनाय। शेष चिठि, धुवली चेतना, तामादि हात, प्रतिभास बाइदि सल'फोराव मोजां मोनलायनायनि उदां फोरमायथि नुनो मोनो। गोथी समाजारि सांग्रांथिबो बिथानि सल'फोराव मोनदांनो मोनो। रजा, पृथिवीर छौं, अबबाहिका, एतिया, अहल्या, फान्दि बाइदि सल'फोराव समाजानि सांग्रांथि सानस्त्रिया रोखायै बेरखांदों।

महेन्द्र बरठाकुर : अन्जिमानि फारसे बारा नडब्लाबो महेन्द्र बरठाकुरा सासे राफोद सल' लिरगिरि। बिथानि सल'फोरनि फोरमायथिया जावनाय आरो सोंखारिनाय। समाजनि थगायसुला फोरनिफ्राय जागायना आखु गुबुंले राजखान्थिगिरि फोरनिसिम बिथानि बे जावनायनिफ्राय रावबो बारग'वाखै। बिथानि सल'आव गोसो इसिंनि बिजिरनायबो नुनो मोनो।

हरेन्द्र कुमार भुजा : हरेन्द्र कुमार भुजायाबो सासे राफोद लिरगिरि। भुजानि सल'फोरा गोदान आखुनि। आयदानि जागायजेन्नाय, फोरमायनायनि गदआ सिगांनिफोरजों गोरुबा। सन्धा नामे, कूटिल सल'फोरा बिथानि गोजौ सोरजि।

प्रबीणा शईकीया : सल'मानि अनगायैबो सुंद' सल'आवबो प्रबीणा शईकीयाया गोवां भान्दारि होलांदों। बिथानि सुंद' सल'फोराव मोनफा आबुं सल' थायो नाथाय सल'नि फोरमायथिया हगारसारनाय। समाज फोसावनाय नोजोरजोंबो बिथाड माखासे सल' लिरदों। जैरे- सारथि।

ईश्वर महन्त : ईश्वर महन्तनि सल'फोराव सल'नि फोरमायथि थाया, बिनि जायगायाव मोनफा थासारिनिसो सावगारि बेरखां होनाय नुनो मोनो। बिनि गेजेरजोनो बिथाड गोसो सिंनि बाइदि सानस्त्रिखौ फोरमायनो नाजायो। अस्तित्व, भ'ज सल'फोरानो बिनि मोजां दिन्थि।

ग'बिन्द प्रसाद शर्मा : खम सल' लिरना गावखौ गायसंनो हानाय लिरगिरिफोरनि मादाव ग'बिन्द्र प्रसाद शर्मायाबो सासे। बिथानि सल'फोराव महारियारि जेनानि सावगारि आरो बे जेनाखौ सुखानायनि गोदान लामा संनो नाजानाय नुनो मोनो। नाथाय बारदाय फोरमायलु आखुनि थाखाय बिथानि माखासे सल'फोरनि आरिमुयारि गुना थुंगेयों। बिथानि सल' बिजाबा छ'वाली ह'प्टेलत एगराकी लेजबियान।

कुमुद गस्वामी : दोरोडारि गदखौ नागारनो गोदान गदजों सुंद' सल' लिरग्राफोरनि मादाव कुमुद ग'स्वामीनि मुडा सौरभ कुमार चलिहा आरो नगोन शइकीयानि उनावनो। ग'स्वामीनि माखासे सल'फोराव जिउखौ खा-साजाई नायाबाला इसि मेगनजों नायबिजिरनो नाजानाय जादों। जेर- दाग, सरीसूप, दुवार बाइदि सल'। प्टुडियर घड़ीत, दःसमय सल'फोराव जिउनि जोबथा सैथोआ मोनसे गिदिर लाथिख'नि अनगायै मोनबो नडा बिब्दि सानस्त्रि फोरमायनाय गोसो बिगियानि बेखेवधि होनो नाजानाय नुनो मोनो। ग'स्वामीनि सल' बिजाबफोरा जाबाय - दुवार उल्कार प'हर।

अपुर्ब शर्मा : सौरभ कुमार चलिहाया संदाननाय लामाजों सल' लिरग्रा मोजोमसे लिरगिरिफोरनि मादाव अपुर्ब शर्मायाबो सासे। बिथानि दासिम गांधाम सल' बिजाव ओंखारबाय - बन्धुर पथत केइजनमान डेका मानुह, शुभबार्ता आरो बाघे टापुर राति। शर्मानि सुंद' सल'फोराव सल'नि बदलै माखासे थासारिनिसो सावगारि नुनो मोनो। गोदान मुगानि नोजोरारि सोदोमस्त्रिया मानसिनि जिउआव लाबोना होनाय हारसंथि सानस्त्रियानो (नैःसांगबध) बिथानि सिगां समनि सल'फोरनि गाहाइ आयदा। उनथिनि सल'फोराव गामियारि जिउनि गेजेराव लिरगिरिया गावनि उन्दै वैसोखौ संकिननो नाजानाय नुनो मोनो। सिनेमानि सोमोन्दै गोबां रोगधि गोनां आरो राफोद बिजिरगिरि बिथानि सल'फोराव सिनेमानि आदबबो बाहायनाय नुनो मोनो।

हरेकृष्ण डेका : खन्याइ लिरगिरि महरै मुंदांखा हरेकृष्ण डेकाया सासे राफोद सुंद' सल' लिरगिरिबो। डेकानि सल'फोराव जिउनि गोथौ आरो फिसा फिसा मोन्दांथिनि सायाव नोजोर होनाय नुनो मोनो। उत्तरण, मन्दिर सल'फोरनि आयदाया गोरलैबलाबो मिथिनो लुबैहोनाय आरो फावथाइयारि फोजोबनाय आदबजों जिउनि गोथौ मोन्दांथि फोरमायना सल'खौ जाफुसार खालामदों। पुजार काप'र फोरबादि सल'आव समाजनि गोरिब थाखोनि सावगारि बेरखांदों। सल' बिजाव-मृत्युदण्ड।

दीपालि दत्त : दीपालि दत्तआ सल'फोरनि गेजेरजों मानसिनि गोसो सिडाव हाबना गोसो इसिनि सावगारि फोरमायदों। बिथानि सल'फोराव गोसो-बिगियान आदबजों आखुनि बिजिरनाय नुनो मोनो।

डली तालुकदार : डली तालुकदारनि सुंद' सल'नि आयदाया साधारण। सानस्रिया गोरलै आरो फोरमायथिया गेबें। बिथाड फिसा माखासे जाथाइनि गेजेरजों मोनफा मोनफा मोन्दांथि सल'फोरनि गेजेरजों फोरमायदों।

गोजीयाव मख'बोनाय लिरगिरिफोरनि अनगायैबो गोबां लिरगिरिया रामधेनु मुगायाव सुंद' सल' लिरना असमीया सुंद' सल'नि बाख्रिखौ फेहेरनायाव मदद होदोंमोन। बीरेश्वर बरुवा, छाइदुल इछलाम, भुवन म'हन महन्त, रुद्रप्रसाद काकति, प्रणवज्यति डेका, सदा शइकीया, जदु बरपुजारी, प्रणीता देवी, आलि मुनिछा पियार, र'हिनी कुमार बरा, चित्रलता पुकन, मिनति हाजरिका, फुल बरा, भद्रेस्वर राजख'वा, प'लेन बरकटकी, त्रैल'क्य भट्टाचार्य, रिजु हाजरिका, घन हाजरिका, जमिरुद्दिन आहमेद, आरति दास बैरागी, जतीन बरा बाइदि गोबां सुंद' सल' लिरगिरिफोरा रामधेनु गुगायाव लिरनो लाजेनदोंमोन। बिनिनो गोबाड दिनेसिमबो लिरनायाव नांथाबगासिनो, गोबाड समनि फाखनाव गोमालांबाय, माखासेया थुनलाइनि दस्त्रा आयदायाव गोसो होबाय।

रामधेनु मुगानि सुंद' सल'नि आखु :

1. रामधेनु मुगानि लिरगिरिफोरा आवाहन मुगानि र'मानटिक सानस्रिखौ नागारबोना सुबुंधिनि फारसे गोदान नोजोर होनो लायो। जाहोनाव सिगांनि उदारनैतिक सुबुंधिखौ नागारना गोसो बिजिरारि सुबुंधि (psychological humanism) आरो मोखथाडारि सुबुंधिखौ (Realistic humanism) नाजावो। बिनि नेरसोन चैयद आबुदुल मालिक, बीरेन्द्र कुमार भटाचार्य, ज'गेश दास ह'मेन बरग'हाजि, शीलभद्र मोननि सल'फोराव नुनो मोनो।
2. लक्ष्मीनाथ बैजबहुवानि आखाइयाव जोनोम मोननाय जावनाय आरो सोंखारिनाय दाहारा रामधेनु मुगानि लिरगिरिफोरनि बांसिन गोबौंसिन जाना बेरखांसिनदों। रामधेनु मुगानि बांसिन लिरगिरियानो बै समनि राजखान्थि नेहाथारिफोरनि फारसे गोफार जावनाय नुनो मोनो। बिबिद लिरगिरिफोरनि मादाव पद्म बरकटकी, मेदिनी चौधुरी, महेन्द्र बरटाकुर, कुमुद ग'स्वामी मोननि मुंखौ लानो हायो।
3. रामधेनु मुगानि लिरगिरिफोरनि आखाइयाव गोसो बिगियाना गुवारै जायगा मोननो लायो। हमेन बरग'हाजि, सौरभ कुमार चलिहा, दीपालि दत्त, मामणि रयचम ग'स्वामी मोननि सुंद' सल'आव गोसो बिगियाननि सायाव सोनारनाय आयदाफोरा जायगा मोनदों।

4. रामधेनु मुगानि माखासे लिरगिरिफोरनि सुंद'सल'आव छात्रेनि अस्तित्ववाद सानधीनि गोहोम गोप्लेनाय नुनो मोनो। हेमेन बरग'हात्रि, सौरभ कुमार चलिहा, नगेन शइकीया, कुमुद ग'स्वामी अपुर्व शर्मा मोननि सल'फोराव बियो रोखा।
5. Williams James आ सिगां जागाय जेननाय चेतना स्त एबा stream of consciousness खी सोनावारि थुनलाइयाव गोसार होदोमोन James Joyce, Virginia Woolf, Dorthy Richardson, William Falkner मोनबादि लिरगिरिफोरा। रामधेनु मुगानि लिरगिरिफोरनि आखाइयाव बे सानस्त्रिया गुवारि बाहायजायो। सौरभ कुमार चलिहा, नगेन शइकीया, कुमुद ग'स्वामी, अपुर्व शर्मा मोननि सल'फोरा बिनि रोखा दिन्थि।
6. अधिबास्तव बाद एबा surrealism सानस्त्रिनि गोहोमबो रामधेनु मुगानि सल'फोराव मोन्दांनो हायो। बे सानस्त्रिखी हेमेन बरग'हात्रि, सौरभ कुमार चलिहा, नगेन शइकीया, कुमुद ग'स्वामी मोननि सल'फोराव बेरखांनाय नुनो मोनो।
7. रामधेनु मुगानि सल'फोरनि गेजेराव प्रगतिवाद एबा progressive सानस्त्रिनि गोहोमबो नुनो मोनो। उदांस्त्रि मोननायनि उनाव गोदाने खर' दिखांनो लानाय माहाजोन थाखोनि सोबख'नाय-नासयनायफोरा सिगांनि इंराजफोरनि समनिफ्राय बांसिननोसो लायो। बिफोर जाथाइया माखासे लिरगिरिफोरनि गोसोखी बिग्रायखांहोदोमोन। बिसोर लिरगिरिफोरनि सल'आव समाजनि सोबख'गिरिफोरनि फारसे सोंखारिनाय आरो सोबख'जाग्राफोरनिसिम अनखांनाय नुनो मोनो। सौरभ कुमार चलिहा, महेन्द्र बरठाकुर, पलेन बरकटकी मोननि सल'फोराव बे सानस्त्रिया रोखा।

4.4 1970 माइथायनिफ्राय आधिखालसिम

असमीया सुंद'सल'नि जारिमिनाव रामधेनु मुगानि उननि सम्खी एबा 1970 मायथाइनिफ्राय दासिम आधिखाल मुगा (साम्प्रतिग मुगा) होनना बुनाय जादो। आधिखाल मुगानि सुंद'सल' लिरगिरिफोरनि सोमोन्दै सिडव सार्वरायनाय जाबाय।

अरुण ग'स्वामी : अरुण ग'स्वामीया सुंद'सल' लिरगिरि महरै सिगां नुजादोमोन नवजुग लाइसिनि बिखायाव 1964 मायथाइयाव। बिधानि सिगां सल' प्रतिपदर जनआ ओंखारो 1970 मायथाइयाव। बे बिजाब नुजानायनि उननिफ्राय बिथाड सासे राफोद सल' लिरगिरि महरै गनाय जायो।

अरुण गंस्वामीनि सल'फोराव गाहाइयै मोनै आयदाखी बेरखांनाय नुनो मोनो - मोनसेया जाबाय बेकार जेंना, आरो गुबुन मोनसेया जाबाय समाजनि गासैबो धाखोनि गेजेराव थानाय गुबुंले गाजि आखु। मन्थ्र, एम.एल.ए राजखान्थि हान्जानि लिदार-लिदारसा, फोरोंगिरि, मेलेमजिबि, फरायसा आफादिनि दैदेनगिरि बाइदिनि गेजेराव हावना थानाय रावबो धागायसुला, लांसुनिया आखुआ बिधानि जावनायनिफ्राय बारग'नो हायाखै। गंस्वामीया गावनि सल' लिरनायनि सोमोन्दै बुंदों- "एइ कथा अनस्विकार्ज जे घाइकै मइ गल्प लिख' बक्तव्य प्रकाशर बावे।" सल'नि गेजेरजों गावनि बिबुंधिखी फोरमायनो थानायाव बिधानि बांसिन सल'फोरानो बिबुंधि गाहाइ जाना थारों। विनि गेजेरावबो माछ मरीया छ'बालीर लाज, एजन नतुन शिल्पी लागे, शेष संबाद, मातृ बियंग बाइदि सल'फोरा गोजू थाखोनि जादों। मुक्ति स्नान, माछ मरीया छ'बालीर लाज- दासिम नुजानाय बिधानि सल' बिजाव।

अरुणा पटंगीया कलिता :- आधिखालनि सासे रफोद लिरगिरि अरुणा पटंगीया कलितानि सल'फोरा सामाजिक दायबब्द चेतनाजों आबुं। सल'फोराव बिबुंधि थानायजों लोगोसे समाजनि सुसिजानाय फारसेबो नोजोर होनाय जादों। बिबुंधिनि बारादाय फोरमायथिनायनि जाहोनाव बांसिन सल'आनो जाफुंसारजानो हायाखैबलाबो माखासे गोजू थाखोनि सल' बिथाडा सोरजिबाय। बहाग बिहुर शब्द, शनाखत, नीलकण्ठ बाइदि सल'फोरा बिधानि राफोद आखाइनि सोरजि।

देवब्रत दास : रामधेनु मुगायाव सौरभ कुमार चलिहा आरो नगेन शइकीया मोनहा गोदान टेकनिकजों लिरना असमीया सुंद' सल'मायाव जा गोदान लामा दिहुनना गालांदोंमोन, बे लामाजों लिरना देवब्रत दासा असमीया सुंद' सल'खी मेहेर गोनांसिन खालामदों।

देवब्रत दासा समनि फारसे सांग्रा लिरगिरि। बिब्दिखायनो बिधानि सल'आव असमनि अस्तित्व रैक्षानि सोमावसारनाय, बर'नि सोमावसारनाय बादि जारिमिनारि जाधाइफोरनि गोसो बिगियानारि बिजिरनाय गोबां सल'आव बेरखांनाय नुनो मोनो। समनि फारसे सांग्रांखायनो बिधानि सल'फोराव बै समनि बाइदि जेंनाजों नाखेब जानाय जिठनि दुखु नांथाव गाबखांनाय, राजखान्थिनि गुबुंले आखुनि थाखाय सादारन सुबुडा सैनानाय दुखु जालीनि सावगारि मोन्नाय जायो। टेकनिकनि सोलो गोनां बाहायनाय, बुहिदीपता आरो व्यन्जना धर्मीता - बे मोनधाम आखुनि थाखाय बिधानि सल'फोरा जाफुंसारनो हादों। अर्पितार अन्य एराति, हयतबा भेशसन - बिधानि सल' बिजाव।

उदयादित्य भराली :- उदयादित्य भरालीया गाहाइयै सासे प्रगतिवादि (Progressive) दाहारनि लिरगिरि। बिथानि सल'फोरा समाजनि माखासे गात्रि बिथिंफोरनि फारसे नोजोर बोनायजों लोगोसे समाजनि सोबख'ग्रा आरो सोबख'जाग्रा धाखोनि गेजेराव धाखोआरि सौदाबलायनायनि (दन्ड) सावगारि बेरखांनाय नुनो मोनो। गामियारि जिउनि खुथि-नाथि सावगारिनि फोरमायथिबो बिथानि माखासे सल'आव मोननाय जायो। बिथानि सल' बिजाबा जाबाय बेइमानर थिकना सन्धान।

जयकान्त गन्धिया :- फरायग्राफोरनि खाधियाव गाहाइयै सल'मागिरि महरै सिनायजानाय जयकान्त गन्धियाआ सासे सल' लिरगिरिबो। बिथानि सल'फोरा गाहाइयै गामियारि समाजखौ बिथा खालामना रनसायनाय। गामिनि नंगुबै समायना सावगारिया जैरै बेरखांदों बिदिनो समनि फाख'नाव गामिनि समाजाव गुनजेर अरनो लानायाबो बिथानि सल'फोराव जायगा मोन्दों। सल'नि राव बाहायनायाबो गामियारि सजा आरो गेबें।

भुंगेश्वर शर्मा :- खम बैसोनिफ्राय सल' लिरनायाव आखाड होनाय भुंगेश्वर शर्माया आधिखालनि सासे राफोद सुंद' सल' लिरगिरि। बिथानि एजन बुढा मनुह, केडतामान चरित्र आरु एटा आदर्श अपमृत्य सल'फोराव आधिखालनि गुनजेर अरनो लानाय धासारिया बेरखांदों। आधिखालनि भन्ड राजखान्थिगिरिफोरनि फारसे जावनाय स्वाधीनता दिवस, महीकान्त बनाम दुर्गापुजा, सल'फोरनि गेजेरजों रोखायै नुजादों। एटा मुकलि प्रशन बा एटा साधारन काहिनि, कामाख्या फार्माचीत चारिजन बन्धु बाइदि सल'फोरनि गेजेरजों आधिखालनि हां मोनलायि मोखथानि हाल-साल आरो बे धार्यारियाव मानसिनि गोसोनि थट-बिद गैयि साननायनि बिजिरनाय नुनो मोनो। बिथानि सल' लिरनायनि टेकनिकया अगतानुगतिक। कामाख्या फार्माचीत चारिजन बन्ध बिथानि सल' बिजाव।

मदन शर्मा :- मदन शर्मायाबो आधिखालनि सासे मख'जाधाव सल' लिरगिरि। समाजनि गात्रि बिथिंफोरनि फारसे नोजोर लाखिना बिथाड सल' लिरदों। जैरै दुज्जत प्राकतन, समाजबादीर खन्धानत एजन खेतियक, संकटकाल सल'। साधारन सुर्वनि जिउनि सिमां आरो बे सिमाड धेरबेधेर जानायनि दुखु नांथाव मोनदांधिया बेरखांदों बिथानि प्रतीक्षात, चुचना बाइदि सल'फोराव। आधिखालाव बिथाड सुंद'सल'नि गोदान टेकनिकफोरखौ लाना आनजाद नायनाय नुनो मोनो।

येचे दरजे ठंछि : आरुनाचलनि धागिबि येचे दरजे ठंछिया अरुनाचलनि हारि-हारिसाफोरनि समाजनि बाइदि फोथायनाय, आसार आखुफोरखौ लाना गोबां सल'

लिरबाय। ठंछिनि सल'फोरा फोरमायलु आरो सल' गाहाइ। ओंखारनाय सल' बिजावफोरा जाबाय - पापर पुखुरी आरो बाह फुलर गन्ध।

परमानन्द राजवंशी :- परमानन्द राजवंशीनि दासिम गाँने सुंद' सल' बिजाबा नुजाबाय - एक नतुन जेहादर जन्म (1985) आरो बिरिना बनर सुहुरि (1993)। बिथानि सल'फोराव समनि फारसे सांग्रांथिया जोबोद रोखा। बिनिखायनो गाबनि समनि समाजनि गात्रि आखुफोरनि महर-मुस्री आरो साधारन सुबुंफोरनि जिउनि दुखु नांथाव सावगारि बिथानि सल'फोराव बेरखांताय नुनो मोनो। राजवंशीनि सल'फोराव गामियारि जिउनि सावगारियाबो गनायथाव महरै बेरखांदों। बिथानि सल'फोरा जाथाइ आरो आखु गाहाइ।

बिरिन्सि कुमार मेधि :- बिरिन्सि कुमार मेधिनि सल'फोराव सल' खिन्थानायनि मोनसे आंगो आखु नुनो मोनो। मेधिनि बर्नायनाय रावा खन्थाइयारि आरो इसारायारि। बिनिखायनो बिथानि सल'फोरा फरायग्राफोरनि गोसोखी बोबधाबनो हायो।

मेधिनि सल'फोराव समाजनि बे जावनाया बिबुंथियारि जायाखै। सम्फद सल'आ बिनि मोजां दिन्थि। मुगा सोलायनायजों लोगोसे मानसिनि गोसोनि साननाय- हनायफोराबो माबादि सोलायफायो बे सैथोया गलित नखदन्त सल'आव गेबेंयै बेरखांदों। दुखर ठिकनाया बिथानि मोनसे गोजौ धाखोनि मोजां सल'। अभिनन्दित अबसाद बिथानि सल' बिजाव।

फराग कुमार भट्टाचार्य :- गाहाइयै धुनलाइ बिजिरगिरि पराग कुमार भट्टाचार्यनि सल'फोरनि बिथाया गोजाम मुल्यब'ध आरो गोदान सुल्यब'धनि गेजेराव सौग्रावलायबाय। एकलव्य पतन, भग्निसिरि बाइदि गोबां सल'फोरा बिनि रोखा दिन्थि। बिथानि सल'फोराव मोनसे बिग्रायारि चेतनाबो सिं सिं बोहैबाय धानाय मोन्दांनो हायो। पराभुत सेनापति, चेतना सल'फोरा बिनि दिन्थि।

अभिजित शर्मा बरुवा :- आधिखालनि गद, आखुजों सल' लिरग्राफोरनि मादाव अभिजित शर्मायाबो सासे। दोरोडारि गदजों लिरनाय सुंद' सल'नि बादि सल', जाथाइ, थासारि बिथानि सल'फोराव मोननाय जाया। मानसिनि गोसो इसिनि जायफोर अरायथा अनुभुति बेफोरसो बिथानि सल'नि गाहाइ आयदा। एजन दोषी मानुहर आत्मकथा, कक्षचुत, असुख बाइदि सल'फोरा बिनि मोजां नेरसोन। बिथानि सल'फोरा गुसुं नाथाय बिन्दि होनना सल'आव धानांगौ आखुफोरा बेरखाडबाला थायाखै।

चन्द्र बरपात्र गहाइ :- प्रान्तिक लाइसिनि बिखायाव लिरगिरि महरै जोनोम मोननाय

चन्द्र चरपात्र गहाइनि सल'फोरनि बिधाया अरुनाचल राज्योनि टाइबेल समाज । हाजोगारि हारि-हारिसाफोरनि धांना धानायनि जिउ लामा बाइदिसिना सुबुं फोथायनाय, समाजआरि आसार-आखुफोरनि मोखथां सावगारि बिधांनि सल'फोराव मोननाय जायो । सल'फोरा आखु सल' गहाइ । सल' बिजाव - नानि अहिल आरो बनकन्या ।

नयन कुमार मेधि :- समाजनि हिन्जाव माहारिनि फारसे अननाय नोजोर आरो बिदे गोनां राव बाहायनायनि जुनै नयन कुमार मेधनि सल'फोरा बयजोबो बरायजादो । बिधांनि सल'फोरनि हिन्जाव माहारिनि गोसोनि सननाय-हनाय, समाजाव हिन्जावफोरनि मासि, हिन्जावफोरनि फारसे आंगो साननाय रोखायै बेरखांदो ।

ज्य'तिदेव ग'स्वामी :- प्रान्तिक लाइसिनि गेजेरजो ज्य'तिदेव ग'स्वामीया सुंद' सल' लिरगिरि महै सिगां नुजाजेन्दो । ग'स्वामीनि सल'फोरा गहाइयै फोरमायलु आरो सल'आ जेथो नाडै । मानसिनि गोसो सिडाव हाबनो नाजानाय बिधांनि सल'आव तुनो मोनो । मोखथां जाथाइखौ नंगी बादि फोरमायनो हानाया बिधांनि बाखांनायजाथाव आदव ।

ज्य'तिष सिकदार :- सुंद' सल'नि गेजेरजो ज्य'तिष सिकदार समाज एवा राइजोनि बाइदि जौनानि बाधा फोरमायनायनिखुइ मानसिनि गोसोसिनि रादाबसो होनो नाजादो । बिबि गोसो सिडाव हाबना थार सैथोखौ बुरखानो नाजानाय शुन्यत अलसि थका मानुह, ट्रेजेदि, एजन ब्यक्तिर डायेरि परा सल'फोराव तुनो मोनो । दानि ज्य' मुगानि मानसिनि गोसोनि हारसिंथि साननायखौ फोरमायनो लानाय तुनो मोनो बिधांनि अभिरातु, अख्यात ल'कर आत्मजीवनि बाइदि सल'फोराव ।

प्रफुल्ल चन्द्र बरा :- थुनफावथाइ आरो बिजिरनाय थुनलाइगिरि प्रफुल्ल चन्द्र बाराया सुंद' सल'बो लिरो । बरानि सल'नि आयदावा जै गोरलै बिन्दिनो फोरमायधियाबो गोथो । समाजनि-गोरिब गुन्द्रारफोरनि दुखु नांयाव थासारि आरो धांना धानो जुजिनायाव गोसोआव जाखांनाय बाइदि सानन्निफोरनो बिधांनि सल'नि गहाइ आयदा । आधिखालाव बिथांडा असमीया थुनलाइनि गगि लिरगिरिफोरनि जिउनि मोनफा जाथाड एवा थासरिनि सायाव सोनारना सल' लिरनो लादो । बिनि गेजेरजो थुनलाइगिरिनि मोनफा बिधिंखौ रोखा खालामनो नाजानाय जादो । जै तर्पन सल'आव आंगो लोगो गनेश गर्गनि धेनाय सान फालिनायाव आनन्द चन्द्र बरुवानि गोसोनि थासारि फोरमायनो नाजादो ।

बिपुल कुमार शइकीया :- प्रान्तिक लाइसिनि गेजेरजो नुजानाय सुंद' सल' लिरगिरिफोरनि गेजेराव बिपुल कुमार शइकीयाबो सामे । शइकीयानि सल'नि आयदाफोरा

गोसोनि माखासे थासारिल'। गोसो सिनि थासारिखी सल'नि गेजेरजों फोरमायनो थाखाय बिथाड नोगोरारि मुखुब जिउनि हेफाजाब लादों। जैरे खेद सल'आव मुखुब जिउनि माखासे सोमोन्दो गैलायि थासारिनि गेजेराव मानसिनि थिर नडि गोसोनि सावगारि बोनो नाजादों। तर्पन, प्रयास सल'फोरावबो जिउनि मुखुबथि आरो जालानि (जन्त्रना) मोन्दांथिखी फोरमायनो नाजादों। बिथानि सल'फोरा सल' गाहाइ आखुनिफ्राय दोरोदबोना गोदान लामाजों आगान सुरनाय नुनो मोनो।

बिजय शंकर शर्मा :- सिगां समाव असम बाणी लाइसियाव सल'लिरना फरायग्राफोरनि गोसो बोनो हानाय बिजय शंकर शर्माया गोबां सल' लिरबाय। शर्मानि सल'आव समाजनि मोजां आरो सैथो आखु फोरनि फारसे गोथी फोरमायनाय नुनो मोनो। जैरे-वेन्जामिन बरुवा, तेव शुइछे, स्वहीद, तिनिटा भूल बाइदि सल'आव सौथीयारि आखुफोरनि महरखी बिजिरना दिन्थिदों। समाजनि गात्रि आखुफोरखीबो बिथाड सोंखारिनो गाराखी। सात्रिपातिक बिकार, दिगम्बर पर्व बधद, मातुल बार्ता सल'फोरनि गेजेरजों थगायसुला आखुफोरखी जावनाय जादों। गेबें फोरमायनाय, गोसो बोनो हानाय खन्थाइयारि राव, सान्त्रिनि खीसेधिनि बाहायनायजों शर्मानि सल'फोरा सल' महरै गनायथाव जादों।

फुल ग'स्वामी : आबाहननि समनिफ्रायनो सोलिबोनाय गोसो इसिडरि दाहारजों आधिखालावबो सल' लिरग्राफोरनि मादाव फुल ग'स्वामीयाबो सासे। ग'स्वामीनि बांसिन सल'नि गेजेराव मानसिनि गोसो सिनि बुहुमखी संनो नाजानाय नुनो मोनो। चिरन्तन, असमय, संकरन सल'फोरा बिनि रोखा दिन्थि। बिथानि सल'आव आथोनारि गोसो बिगियाननिबो बाहायनाय नुनो मोनो। ताइर मृत्युर पाछत', नतुन पाठ, सल'फोराव मानसिनि गोसोनि सायाव आथोनारि गोहोमनि सैथोथिखी बिजिरना दिन्थिदों। प्रान्तिक लाइसिनि गेजेरजों नुजानाय फुल ग'स्वामीया असमीया सुंदु' सल'नि सासे राफोद लिरगिरि।

भूपेन शर्मा : आधिखालनि माहारि जिउखी गोथी इसिं नोजोरजों बिजिरना सल' लिरग्राफोरनि मादाव भूपेन शर्मायाबो सासे। गोजामनि मुडव सोलिबाय धानाय बेसेन गैथि धोरोमारि आसार-आखु आरो भन्दाभिखी जावनायनि बदलै बिजिरना नायनायाव शर्माया सासे राफोद लिरगिरि। भ'जर खाहि, भ'ग सल'फोराव ऐतिज्य आरो गोदानथिनि सौदावलायनायनि सावगारि मोननाय जायो।

बिकिरण बरदलै : अगतानुगतिक गदजों सल' लिरग्रा बिकिरण बरदलैया सासे समनि फारसे सांग्रां लिरगिरि। समनि फारसे सांग्रांलाय समाजनि गात्रि आखुफोरनि

आखु बिजिरनायाबो अगतानुगतिक। बिथांनि सल'आव सोनाबारि गोसो बिगियान, अस्तित्ववाद बाइदि सान्निनि गोहोम नुनो मोनो।

प्रणति ग'स्वामी : प्रणति ग'स्वामीनि सल'फोरा प्रगति बादि (Progressive) आथालनि। सल' एबा जाथाइनि सायाव सोनारा बाला आखुनि गोसोनि मोनफा थासारि सोरजिना बिनि गेजेरजों आखुखौ बिजिरना नायनो नाजानाया ग'स्वामीनि सल'फोरनि मोनसे आखु। बिथांनि सल'फोराव आखु आरो समाजनि हाल-सालखौ मेलेम आरो बान बुंधाइनि गेजेरजों बिजिरनो नाजानाय नुनो मोनो। समाज सांग्रांथि, समाजनि फारसे बिबानथि, रोखा नोजोर आरो बिबुंधि थाब्लाबो सल'फोरा नान्दतिक समायनाखौ खोमायाखै। सल' बिजाब रजनी गन्था ओंखारबाय।

भूपेन्द्र नारायण भट्टाचार्य : आधिखालनि मुख'जाथाव आरो राफोद सल' लिरगिरि। थासारि दानाय, आखु सोरजिनाय आरो सल'फोरमायनायाव भट्टाचार्यया आखा-फाखा। बिथांनि सल'फोराव थासारियासो आखु सोरजिदोंना आखुआसो थासारि दादो ह मनो गोब्राब। हिपक्रेटर लगन एजन हताशा ग्रस्थ, गान गाबलै अहा गाभरुजनी, घरुवा परिवेशत चाबना आजमी सल'फोरा बिथांनि राफोद आखाइनि मख'जाथाव सोरजि। काउरि, काउरि..., दालाल, कराच बिथांनि सल' बिजाब।

मन'ज कुमार ग'स्वामी : आधिखालनि सिगां सिरिनि सुंद' सल' लिरगिरिफोरनि मादाव मन'ज कुमार ग'स्वामीया मुख'जाथावसिन। ग'स्वामीनि लिरनायनि दाहारा गोदान आरो गावनि आंगो। सल'नि आवदा, सानस्त्रि, महन जेरावबो गोदान गाब होनो हादों।

ग'स्वामीनि सल'फोराव गोदान मुगाजों सोरजिनाय जिउनि जालांनि (जन्वना) मोन्दांथिया औरैबादि गोथौदि फरायग्राफोरनि गोसोखौबो दुखुजों सिदोब खालामफायो। अथच इस्वरहीनता आरु परमा, एजाक निगनि सल'फोराव बे मोन्दांथिया गोथौयै बेरखांसिनदों। जिउखौ इसि नोजोरजों दांग्रोमना गोसो सिंनि आन्थोर गैथि जाथाइ आरो थाखोमाना थानाय हाबिलाफोरखौ बिथाडा सल'नि गेजेरजों मोखथाडव लाबोनो नाजादों। ग'स्वामीनि सल'आव जिउनि फारसे बिब्दि इसि नोजोर थानायखायनो हारसिंथि आरो थैनायनि चेतनाया जोबोर रोखा। गुहा, भायलिनर तार, सेउजिया कामिज, खिरांकरे, रास्तात बाइदि सल'फोराव बे सानस्त्रिया रोखायै बेरखांदों।

दस्त्रा लिरगिरिफोर बादि मन'ज कुमार ग'स्वामीयाबो समनि फारसे सांग्रा। समीरन बरुवा आहि आछे, सूर्यर प'हरत एजन आततायी, इन्दु हाजरिकार बाथे नाकान्दिबा बाइदि सल'आव समाजनि मोजांनि थाखाय गावनि जिउखौ बाउसोमना होनायनि गोथार समायना आरो बे बावनायनि फारसे समाजनि गोसो गैथि (उदासिन) नोजोरनि मोन्दांथि बेरखांदों।

मन'ज कुमार ग'स्वामीनि सल'फोराव अस्तित्ववाद, अधिवास्तववाद, एबसाई बाइदि सोनावारि सानस्त्रिनि गोहोम गोग्लैनाय नुनो मोनो। नाथाय बिबिद होनना बे सानस्त्रिफोरनि बिबुंधिल' बिथानि सल'आ नड। बे सानस्त्रिफोरखौ गावनि बादिथै महर होना ग'स्वामीया गोजौ धाखोनि जाफुंसार सल' सौरजिनो हादों। दासिम ओंखारनाय बिथानि सल' बिजाबफोरा जाबाय समीरन बरुवा आहि आछे, स्वाधीनता आरो प्रेमहीनता।

जमुना शर्मा चौधुरी : गोथों आरो गोरलै आदबजों जमुना शर्मा चौधुरीया गोबां सल' लिरबाय। बिथानि सल'फोराव समाजनि गेजेर धाखो सुबुंनि धांन धानायनि लामायाव मोगा-मोगि जनांनय बाइदि जेंनाफोरा बेरखांदों।

मीनाक्षि चौधुरी : दोरोडरि सल' खिन्धानाय आदबखौ गारना गोदान टेकनिकजों सल' लिरनो लानाय मीनाक्षी सौधुरीया आधिखालनि सासे राफोद लिरगिरि। मृगांक, रश्मि, संग्राम आरु बिक्षिप्त किछुकथा सल'आ बिथानि गोजौ सौरजि।

रबीन शर्मा : रबीन शर्मानि सल'आव बिबुंधिया रोखा जाना धायो आरो बे बिबुंधिखौ सोनारनानैनो सल'आ सिगांलाडे। शर्माया आखु दानायवबो गोसो होयो।

शिवानन्द काकति : काकतिया आधिखालानि सासे राफोद लिरगिरि। आन्दार वृन्दावन, सदगति, सहायस्थान सल'फोरा बिथानि गोजौ सौरजि। बरदैचिला बिथानि सल' बिजाब।

ग'बिन्द दास : प्रान्तिक लाइसिनि गेजेरजों सल' लिरनो लाजेननाय ग'बिन्द दासनि सल'फोराव गोसो सिनि बाइदि सानस्त्रिफोरनि महर होनो नाजानाय नुनो मोनो। बिथाड जिउखौ इसिं नोजोरजों बिजिरनो नाजादों। दासिम नुजानाय बिथानि सल' बिजाब निर्बासन।

सुरेश चक्रवर्ती : प्रान्तिक लाइसिनि बिखायाव सल' लिरगिरि महरै गावखौ गायसंनय सुरेश चक्रवर्तीनि सल'फोराव आधिखाल मुगानि जेथो गोनां गोसोनि बिजिरनाय आरो आधिखाल मुगानि दन्दआ बेरखांनय नुनो मोनो।

हिरन्य कास्यप : बिथानि सल' खिन्धानायनि आदवा धबेन्द्र नाथ शइकीयानिजों गोरोजो। मोनफा जाथाइ एबा थासारिखौ सावगारियारि महर होनायाव बिथाड आखा-फाखा। नाथाय जिउनि गोथौ फोरमार्याथि नुनो मोना।

प्रशान्त कुमार दास : आथिखाल मुगानि सासे इयुन गोजों लिरगिरि। लिरनायनि आदवा अगतानुगतिक। राव बाहायनाया गोसो बोबथाबनो हानाय। सल'फोरनि गेजेरजों आखुनि गोसो इसिनि जुजिलायनाया (दन्द्र) सावागारिखौ बेरखांहोनो नाजादों। समाज सांग्रांलाय आथिखालनि मोनसे गाहाइ जेंना थिठरिया हान्जानि सायाव महानिर्वाण, आत्मसमर्पण बाइदि सल'बो बिथाड लिरबाय। बिथानि सल' बिजाबा जाबाय दय दाउन-टाउन आरो एप्रिल ,99।

अनुराधा शर्मा पुजारी : अनुराधा शर्मा पूजारीया सल'मा आरो सुंद' सल' मोनैयावबो समानै आखाइ दं। दासिम बसत्रर गान, एजन असामाजिक करिय' बाय'ग्राफी आरो केथेरिनर सैते एटा निर्जन दुपरीया सल' बिजाबफोरा नुजाबाय। शर्मा पुजारीनि सल'फोरा आखु आरो सल' गाहाइ। सल'नि आयदाफोरा असमनि बबेबा गामिनिफ्राय आमेरिकासिम। बाहायनाय रावा खन्थाइगिरि गोसो बोबथाबनो हानाय।

मौछुमि कन्दलि : इयुन गोजों लिरगिरि मौछुमि कन्दलिन लिरनायनि टेकनिका गोदान मुगानि आरो अगतानुगतिक दाहारनि। मोनफा थासारनि गेजेरजों आखुनि इसिं गोसोआव हाबना गोसो सिनि सावगारि सल'फोरनि गेजेरजों फोरमायदों। कन्दलिन दासिम ओंखारनाय सल' बिजाबा लामाबादर नाचर शेषत।

बिपुल कुमार खाटनियार : खाटनियारनि सल'फोरनि आखुआ प्रगतिशील (progressive) दाहारनि। सल'फोराव समाजनि गोरीब-गुन्द्राफोरनि सावगारि बोनायजों लोगोसे बिप्लबनि मोनसे बार बिथानि सल'फोराव बेरखांनाय नुनो मोनो। दासिम नुजानाय सल' बिजाबा जाबाय - ख'जर शब्द।

दुर्लभ बुराग'हाइ : रामधेनु मुगानि उन बाहागोआव लिरनो लाजेनना दिनेसिमजों लिरबाय थानाय दुर्लभ बुराग'हाइनि दासिम गांनै सल' बिजाब ओंखारबाय व्रतुल फुला फुल आरो कन्दर। बिथानि सल'फोराव गोरीब सुबुं जिउनि सावगारि आरो गोरीबफोरा जिउआव सैनांनाय दुखुनि गोथौ मोन्दांथि बेरखांनाय नुनो मोनो। वरकत वसन्त सल'फोरा बिनि मौजां दिन्थि। बिथाड मानसिनि गोसो सिडव हाबना गोसो इसिनि सैथोखौ बिजिरनो नाजादों कलाहल, शुन्यतार काव्य, एजन बहुजन बाइदि सल'फोराव।

गोजौआव सावरायनाय लिरगिरिफोरनि आनगावैवो वे समनि गेजेराव गोवां लिरगिरिया सुंद' सल' लिरदों। बिदिनो अर्पण शइकोया, इन्द्रकान्त काको, जितेन शर्मा, तपन कुमार बरुवा, निलनो कान्त शर्मा, पुरबी तामुली, प्रशान्त आचार्य, प्रदीप हाजरिका, प्रशान्त राजगुरु, बिप्लव शंकर शर्मा, बनानी चौधुरी, बन्दिता फुकन, माणिक बरा,

मिनति चौधुरी, मनरमा बरग'हाजि, रबीन मजुमदार, रूपश्री ग'स्वामी, राजीव बरुवा, रफिकुल हुचेइन, स्यामन्त फुकन, हेमन्त बर्मन, मिहिरकान्त बरुवा, भुवन बरुवा, प्रहलाद कुमार बरुवा, रलेस्वर मेधी, जयन्त रन्जन चेतिया बाइदि लिरगिरिफोरा दाबो लिरगासिनो।

4.5 सोदोबधि (Glossary) :

प्रगतिशील	:	Progressive
चेतना स्र'त	:	Steam of consciousness.
अनुभुति	:	Feeling
नान्दतिक	:	Aesthetic
गोसो बिगियान	:	Psychology
अस्थित्ववाद	:	Existentialism.
अधिबास्तबवाद	:	Surrealism.
गद	:	Technic.
मानदान्दा	:	Standard.

4.6 हेफाजाय बिजाय :

1. बरुवा, ड. प्रहलाद कुमार : असमीया चुटि गल्प अध्येयन।
2. बरग'हाजि ह'मेन (सुजुगिरि) : असमीया साहित्यर बुरन्जी (6धि खोन्दो)।
3. बरग'हाजि ह'मेन (सुजुगिरि) : असमीया गल्प संकलन (सेधि आरो नैधि खोन्दो)।
4. ग'स्वामी, त्रैल'क्यनाथ : आधुनिक गल्प साहित्य।
5. गगै, लीला (सुजुगिरि) : असमीया चुटि गल्प क्रमबिकाश।
6. नेवग, महेश्वर : असमीया साहित्यर रुपरेखा।
7. ग'स्वामी, सतेन्द्र नाथ : असमीया साहित्यर इतिवृत्त।
8. शर्मा, हेमकान्त कुमार : असमीया साहित्यत दृष्टिपात।

4.7 सार बाहागो (Summary) :

असमीया सुंद'सल'आ रनान्टिसिजम दोहीनि गेजेराव ज'नाकी लाइसिति बिखायाव लक्ष्मीनाथ बेजबरुवानि आखाइयाव जोनोम जायो। ज'नाकी मुगायावनो

लक्ष्मीनाथ बेजबरुवा आरो शरत चन्द्र ग'स्वामीनि आखाइयाव असमीया सुंद' सल'नि बिथाया गोखोडै गायसं जायो । बे बिथायाव सोनारनानैनो आवाहन मुगानि लिरगिरिफोरा असमीया सुंद' सल'खौं गेरेमसा खालामनो खाबु मोन्दौं । असमीया सुंद' सल'नि आयदा सानस्रि, बिथाया गुवारसिन जानायजौं लोगोसे गद आरो मानदान्दायाबो आवाहन मुगायाव राफोदसिन जासिनदौं । समजौं गोरोबफाना रामधेनु मुगाया असमीया सुंद' सल'नि बिखायाव गोदान गोदान सानस्रि बरायना लाबोदौं । रामधेनु मुगानि लिरगिरिफोरनि आखाइयाव गोदान आयदा, गोदान सानस्रि, गोदान गदजौं असमीया सुंद' सल'आ गोदान महर मोनदौं । सल'नि आयदानि बेखना गुवारनिफ्राय गुवारसिन जादौं । सोनाबारि गोदान गोदान सानस्रिफोरा असमीया सुंद' सल'नि गेजेराबबो जायगा मोनदौं । लिरनायनि गोदान गदफोरा असमीया सुंद' सल' लिरगिरिफोरजौंबो वाहायजादौं । बे मुगायाव असमीया सुंद' सल'आ जैरेबो आवुं जाना जाफुं सार जानो हादौं । आथिखाल गुगानि सल' लिरगिरिफोरा रामधेनु मुगाया सौरजिना गालानाय लामाजौंनो आगान सुरदौं । आथिखालाव असमीया सुंद' सल'आ गोबां दावगाबाय ।

★ ★ ★

Unit-V “सैनपाहि”

बिष्णु प्रसाद राभा

5.1 सिनायथि (Introduction) :

सैनपाहि सुंद' सल'खौ बिष्णुप्रसाद राभाया असमीया रावजों लिरदोंमोन । बे सल'जों लोगोसे बिष्णुप्रसाद राभानि असमीया रावजों लिरनाय हियार पुं, कुरि बछर जेइल आरो मामीर हार मुनि आरोबाव मोनथाम सुंद' सल' जथायनानै गासै मोनबै सल'जों बिजाब महै बाणीप्रकाश मन्दिरा साफायना दिहुनदोंमोन (1956 मायथाइ) । बेफोरनि गेजेराव हियार पुं सल'आ बर' रावनि गावनो लिरनाय फुंखा सल'निफ्राय बिष्णु राभाया गावनो राव सोलायनाय । बिनि बे सुंद' सल' मोनबैबो गुवाहाटीनि लयास बुक स्टला बिष्णुप्रसाद राभा रचना सम्भार मुडै बिनि लिरनाय गासैखौबो जथायनानै गासे गेदेर बिजाब साफायना दिहुनदोंमोन । बिष्णु प्रसाद राभाया सुंद' सल' जथायखौ साफायनायनि समाव बिजाबनि आगोल बाश्रायाव बुंफोरदों दि कुरि बछर जेइल आरो मामीर हार सुंद' सल' मोननैया गावनि जेलाव जोबधेजाना दोननाय समाव सानै कयदीनि जिठ जाथाइनि सायाव लिरनाय । मोननैबो गुबै जाथाइनि सायाव लिरनाय । मामीर हार सल'खौ असमीया रावनि रावसाजों बियो लिरदोंमोन । धुनुबी जेइलाव थानाय समाव बियो सल' मोननैखौ लिरदोंमोन । फुंखा सल'निफ्राय दानस्तायनाय हियार पुं सल'आ बर' हिन्जाबनि जिठ सल'निफ्राय लानाय । गोव बुंनाय बादिक्ता बिनि सल'फोरनि रावा गोरलै आरो गामियारिफोर बुजिनो हानाय । गाव कमिउनिष्टखायनो बिष्णुप्रसाद राभाया कमिउनिजम सानथौखौ बेरखांहोनो आरो फोसावनो धाखायनो बे सानथौजों बिफोर सल'खौ बियो रनसायदोंमोन । बेनि अनगायैबो बे सल'फोरा गोरिब-दुखुधियाफोरनि गुबै जिठ साबगारि आरो बोलोगोरा सुसिग्राफोरनि इनाय अनागारिजों बुंफवनाय ।

सैनपाहि सल'आ कमिउनिष्ट चीननि समाजारि बिथायाव लिरनाय । नाथय बेनि गुदि सल'आ इराजि रावजोंसे लिरनायमोन । बिष्णुप्रसाद राभाया आसामनि कंग्रेस सरकारजों हमजानो गिनानै थाखोमानाय समाव जेक बेलदुइननि China Shakes the World (चीना बुहुमखौ सोमावखाडे) मुनि इराजि राबै लिरनाय बिजाबनिफ्राय

लानाय। The Golden Flower मुंनि सुंद' सल'खौं बेनिफ्रायनो असमीया रावजों स'नपाहि मुं होनानै रावसोलायना लिरदोंमोन। बेनि अनजालि बिसि कनकलता राभाया गाव मोजां मोननानै बे इराजि सल'खौं असमीयाजों बिनो राव सोलायहोदोंमोन। स'नपाहि सल'खौं राव सोलायना बेखौनो मुख'फानाय गुबुन सुंद' सल' माखासेजों सरजाबना स'नपाहि मुडै साफायना दिहुननाय समाव बे बिजाबनि आगोल बाध्रा एबा खुगा फोरनायाव बिष्णुप्रसाद राभाया 1947 मायथाइनि उनाव कंग्रेस सरकारनिफ्राय भारतनि उदांमिनि बेरेखायै "बे उदांमिया नंखाय" होनना फोसावना साजा मोनजानो गिना थाखोमानाय समाव जानाय गावनि जिउनि गुबुन जायगायाव सोमजिनाय सात- जालानि सोमोन्दै रोखा रोखा लिरना फोरमायदों। थाखोमानाय समाव गुबुन गुबुन जायगायनि राइजो राजाया बिखौं माबादि अनसायदोंमोन, जायगा होदोंमोन, सोरखौं मा जायागायाव लोगो मोनदोंमोन, बिनि सायाव सोर मदद होदोंमोन, सोर अनदोंमोन, सोर सुधुर सानदोंमोन, बै समाव बिनि गोसोआव जाखांनाय इश्बोर आरो धोरोगनि सानथौ, कमिउनिजमनि सानथौ आरो नेरसोनथि आबादारि आरो भावना जायाफोरनि सावगारि बाइदि बाइदि बाध्रा फोरमायना लिरदों।

स'नपाहि सल' जथायाव गासै मोनब्रै सुंद' सल' जथायनाय दं। बे सल'फोरा रावै- फावै गोजौ मानथाखोनि नइ होनना लिरगिरिया गावनो बुंदों। राइजो-राजा फरायग्राफोरा बुजिननै हाजासे थोंजों गोरलै असमीया रावजों लिरनाय जादों। बेफोरनि गेजेराव "भामीर हार" सल' आ ग'वालपारनि रावसा एबा रायज्जायनाय रावजों लिरनाय। बेबादिनो बे सल' मोनब्रैखौं गावनि बोसोरबा थाखोमानाय सम फारियाव लिरदोंमोन। स'नपाहि सल'खौं गावनि बिसि कमरेड कनकलता मेधि (हाबानि उनाव राभा) आ गले गले खावलायनायाव लिरदोंमोन। फुंखा सल'खौं "सेवारी" मुंनि सासे सा ग'वालपारनि सादा-सिदा गामियारि हिन्जावनि जिउ सावगारिखौं लानानै लिरनाय। बर' रावजों लिरजेननाय बे सल'खौं असमीया राबै "हियार पुं" मुं होनानै राभाया गावनो राव सोलायदों। कुरि बछर जेइल (नैजि बोसोर जेइल) सल'खौं थाखोमानाय समाव 1950 मायथाइयाव गौरां बस्तिवाला साहाबागाननि सासे मेहनतिनि सायाव लिरनाय। "भामीर हार" सल'आ हरेन मुंनि सासे जाम्बा गामियारिनि सायाव लिरनाय।

5.2 थांखि (Objective) :

बे सानगुदिनि थांखिया जादों नोंखौं कलागुरु बिष्णुप्रसाद राभानि स'नपाहि सुंद' सल'जों सोमोन्दो गोनां बाध्राफोरखौं थि थि सिनायथि होनाय।

बिष्णुप्रसाद राभानि गुबुन गुबुन लिरनाय-मायनाय खाननिफोरजों नोंखौं सिनाय होनाय।

स'नपाहि सुंद' सल'नि एखुथा आरो जुदा आखुथाइनि सोमोन्दै मोनथिनो

हानायनि अनगावैबो बेनि सिडव थानाय जाथावना धुनलाइयारि दैदिंघ्रा गुमुरथिनि सोमोन्दै बुजिनो हानाय ।

बिष्णुप्रसाद राभानि लिरनायफोरनि गोरलैयै बुंफोरहायि बिधिंफोरखी दिहुननाय ।

5.3 लिरगिरिनि सिनायथि (Biographical Sketch) :

स'नपाहि सुंद' सल'नि लिरगिरिया कलागुरु बिष्णुप्रसाद राभा । बिनि बिफानि मुझ ग'पाल चन्द्र राभा आरो बिमानि मुझ गेधि राभा । बिनि बिफाया सिपाइ बिफानाव साखि मावबाय थानाय समाव ढाका केम्पाव 1909 मायथाइयाव बिष्णु राभानि जौनोमा जादोंमोन । बिफाया 1913 मायथाइयाव साखिनिक्राय जिरोन लानायनि उनाव सरखारि साखिनि खाथिराव मोननाय तेजपुर नोगोराव थानो लादोंमोन । नाथाय बिसोरनि बिबौमोननि न'आ कामरूप जिलानि रानि गामियावमोन । बिसोर बर'मोन । उनाव बिफाखी बिमा थैनायनि उनाव वरमा खाथिनि न'खरसे राभा मानसिनि न'आव फेदेरनो-फोलाउनो दोननायनिक्रायनो बिसोरनि बिमुंथियाबो राभा जालानायसै । बिसोरनि फोलेरनि गुदि बिमुंथिया कछारि आरो मुसाहारिमोन । बिष्णुप्रसाद राभाया मिलिटारि केम्पाव हिन्दी आरो बांला आबहावायाव देरनादोंमोन । बेनिखायनो बियो बांला रावजोंसो बिनि फरायनायखी जुरिजेनदोंमोन । केम्पाव बांलाजों लोगोंसे उर्दु आरो हिन्दीखीबो सोल्लोंदोंमोन । बिफा ग'पाल राभाया सासे मोजां मेथाइ खनगिरि आरो सेतारनि आखा-फाखा रिगुदामसामोन । बिनि गोहोमा फिसाज्ला बिष्णु राभानियाव गोल्लेंदोंमोन । बिष्णु राभाया न'खरावनो ढाका नोगोरनि गहरजान बिबि आरो मति मियानि सिडव मेथाइ आरो अस्ताद कालाचान्दिनि सिडव मोसानाय सोल्लेंदोंमोन । स्नि बोसोर बैसोयावनो बियो मोनसे उर्दु फावथाइयाव राजा हरिचन्द्रनि फिसाज्ला रहितनि फाव लादोंमोन । बेबादिनो उन्दै बैसोनि'क्रायनो रोजावनाय, मोसानाय, दामनाय-देनाय, फावथिनायाव फाव लानाय बादि हारिमु आयदाफोरखी सोल्लोंनो खाबु मोनदोंमोन । बेनिखायनो जिठनि उन बैसोसिम बियो गोबां मेथाइ लिरदोंमोन । स'भिषेट रुसियानि आनना पाबल'नि हांसो राजा मोसानाय दिन्थिनायाव गोजोननानै बिष्णु राभाया बिनि सोल्लोंसा हावनो नागिरनायाव अनना पाबल'आ बिखी बुंदोंमोन- जौनि मोसानायनिखुइ भारतनि मठ-मन्दिरनि वेरायाव दानना दोननाय मोसानाय मुसुखाफोरखी नायनानै मोसानो सोल्लोंनायानो साबसिन जागोन । बेखीनो बियो मानिना लानानै गोबां गोदान मोसानाय दिहुननो हादोंमोन । बेनि अनगावैबो बियो आसामनि सत्र आरो कीर्तन न'फोराव सोलिनाय- मोसानाय, रोजावनाय, दामनाय-देनायफोरनि खान्थि आरो आदब खायदा सोल्लोंनानै गावबो बायड्यायाव फोसावनो लादोंमोन । बेबादिनो बिष्णु राभाया गावनि सोल्लोंनायनि आदबजोंनो बेनारस हिन्दु बुहुम फरायसालियाव शिव महादेबनि ताण्डब मोसानाय दिन्थिनानै

कलकातानि मुंदांखा उदय शंकरखौबो मोसानाय बादायलायनायाव फेजेनानै भारतनि श्रेष्ठ कलाविद बान्थाखौ लानो हादोंमोन। बेनि उनावनो बिखौ ब्रयबो कलागुरु बिनुंथाइ होना गाबज्रिदोंमोन। बिष्णु राभाया रुपक'वर ज्य'तिप्रसाद आगरवालानि जयमतियाव लेडाइ सामलायगिरि, फनी शर्मानि चिराज आरो भुपेन हाजरिकानि एरा बाटर मुर सावधुनावबो फावगिरिनि बाहागो लादोंमोन।

बिष्णुप्रसाद राभाया बिगियान आयदानिसो फरायसामोन। मोड़िकाव सेथि आरो आइ.एस. सि आवबो सेथि थाखो लानानै बि.एस.सि. जोबथा आनजादरखी होनो लानाय समावनो बिहा बाइदिसिना जेंना नुजाफेदोंमोन। महात्मा गान्धीनि दैदेननायाव भारतनि उदांमिनि थाखाय सोमावसारफुनाय समाव बिष्णु राभायाबो हेफाजाव होफानानै इराज सरकारनि हेंथायै खामानि मावनायनि थाखाय गाज्रि नोजोरिव गोलेदोंमोन। बियो पुलिस-मिलिटारिनि नोजोरिन्फ्राय बारग'नो थाखाय खारखोमाना थाखोमानो गोनां जादोंमोन। बेनि सिगां कलेजनिफ्रायबो होखारजादोंमोन।

1947 मायथाइयाव भारता उदांमि मोनदोंमोन। नाथाय बिष्णुप्रसाद राभाया बे उदांमिखौ नंखायसो "यह आजादी झुथा है" होनना बुंदोंमोन। मानोना उदांमिखौ मोननानै माखासे मानसिया जुनियायै लादोंमोनब्लाबो गोरिब गुन्द्रा मावना जाग्राफोरनि हालोदा सिगांनि बादि समानैनो धादोंमोन। बेनिखायनो बियो गुबुनफोरजों बेबादि उदांमिनि बेरेखायै कमिठनिष्ट हान्जानि जानानै बिप्रायखांदोंमोन आरो शासनखुंथाइनि मासियाव थानाय कंग्रेस सरकारजों हमजानो गिना थाखोमानो गोनां जादोंमोन। बे थाखोमानाय समावनो बियो स'नपाहि सल'खौ गावनि बिसि कमरेद कनकलता मेधि उरफे कनकलता राभानि थिननायाव इराजिनिफ्राय असमीयाव राव सोलायदोंमोन। बे थाखोमानाय समाव आरो उनावबो बियो गोबां मेथाइ, खन्थाइ, रायथाइ आरो फावथाइ लिरदोंमोन। बिनि लिरनायफोरा गोबाइजो हारिमु आरो बिजिरसंनाय आयदाखौ लानानै लिरनाय। माखासेया जांखिथाइ आरो बिप्रायखांनाय आरो सोमावसारनाय आयदाखौ लानानै लिरनाय। बिनि लिरनाय आरो बिबुंसारनाय आयदाफोरा कमिठनिष्ट नेरसोनखौ लानानै गोरिब-गुन्द्रा नारसेबजानाय-सोवख' जानायफोरनि बिप्रायखांनानै धोनि जमिदार माहाजोन आरो सरकारनि बेरेखायै गसंधानाय। बियो हाथियार सोमावसारनायखौ नाजावदोंमोन आरो फारसे आखाइयाव कलम दैनानै गुबुन फारसेजों हाथियारखौ देदोंमोन। बेनिखायनो बियो बिप्रायारि थाखोनि लिरगिरिमोन होनना मोनथिजायो। बिनि लिरनायफोरखौ रायथाइ, खन्थाइ, सुंद' सल', सल'मा, फावथाइसा, मोसानाय फावथाइसा, बिबुंसार, बाइदि बाइदि बाहागोयाव राननाय जायो।

बिष्णु राभाया उन जिठआव राजखान्थि मावथि हिसाबे हाबदोंमोन। 1967 मायथाइयाव तेजपुर समष्टिनिफ्राय आसाम बिधान सभानि सोन्द्रोमा सायख' जादोंमोन। बेबादिनो 1950 मायथाइयाव थाखोमानायनिफ्राय पुलिसजों हमजाना

जोबधेसालियाव थानानै 1953 मायथाइयाव गतानै राजखान्धि, कमिडनिष्ट पार्टिनि खामानि मावै मावै 1967 मायथाइयावसो राजखान्धियारि मावनायनि फिथाइखौ मोननो हादोंमोन । बिष्णु राभाया जोनोमाव दोहोनिमोन । बिफानिफ्राय मोननाय सरकार होनाय 500 बिघा हाखौ हालुवा-मावना जाग्राफोरनो दान होजोबनानै उनाव गावसो गोरिब हिसाबै 1967 मायथाइयाव केनसार बेरामाव धैनांदोंमोन ।

5.4 गुब राव (Summing up) :

स'नपाहि सल'आ हिन्जाव माहारिनि सायाव लिरनाय सल' । हिन्जावफोरनि दुखु-दाहा, बिसोरनि सायाव नारसेबनाय-नारदबनाय रावजोंबो मदद होजायि-अनजायि सावगारिखौ दानि चीनाव नुनो मोनलिया । इंराजनि Golden Flower आरो असमीयानि स'नपाहिनि हिन्जाव आखु आरो बे गाहाइ आखुआनो जादों चीना रावजों गाबजिनाय मुडै किनहुवा । सासे दोहोनि नाथाय बिनिखुइ 15 बोसोर देरसिन बोराइहां चियांजों बिहा हाबा जानांदोंमोन । गाव मोजां मोननाय सेंग्रा लिपावजों हाबा जानायबादि समाजखान्धिया बै समाव जाथ'वाखैमोन । बिमा-बिफा आरो समाजा रायथिना होनाय सेंग्रा हौवाजोंसो सिख्लाफोरा हाबा जाधारनायनि खान्धिमोन । बेबादि हिन्जाव माहारिनि उदांघि गैयि समाजखान्धिनि बेरेखायै गसनाय आरो उनाव देरहासार जाधारनायनि सल' बे स'नपाहि सुंद' सल'आव फोरमायजादों । बेनिखायनो बे स'नपाहि सुंद' सल'आबो हिन्जाव माहारियारि थुनलाइनि फारियाव गोलैदों होनना बुनाय जायो । हिन्जाव माहारिनि जांखिथाइया बे सल'आव रोखा बेरखांदो ।

स'नपाहि सल'आ गोरिब गुन्द्रा न'खरसेनि हिन्जावसा किनहुवानि जिउ सल'नि सोमोन्दै लिरनाय । किनहुवानि ओंधिया सा-चीना रावनि सोदोबनि बादिबैब्ला स'नपाहि एबा हर'नि स'ना बिबारनि फाइलि । बियो नायनो मोजां मेगनाव गोनां । बिनि गामिनि मुडा लिचिया चुयां । बियो मोनसे फिसा गामि । गोजाम सोलिखान्धिजों सोलिबोनाय गोरिब गैजारोडि मोनजारोडिफोरनि बेराम-खारामजों बुंफबनाय गामि । बै समाव चीनावबो जापानफोरनि गाम्लोबनाय । सल'खौ जुरिजेनदों किनहुवानि न'खराव । किनहुवानि बिदाजों लोगो लिपावजों गावसोर मोजां मोनज्जलयनायनि इसाराजों । किनहुवानि बैसोआ अब्ला 15 बोसोर लिपावनिया 17 बोसोर । सेंग्रा-सिख्ला जाफुनाय बैसो । नाथाय बिसोरनि मोजां मोनज्जलयनाया चीना हारिनि समाजावनो आयेन बेरेखा । समाजनि आयेनमथै बिमा-बिफानि मदद मोननायासो सेंग्रा-सिख्लानि हाबानि रादाय खानो हायो । चीना समाजाव सेंग्रा-सिख्लानि मोजां मोनज्जलयनायनिखुइ हाबा जानायनि गोथारथियासो साबसिन । किनहुवानि हाबानि रादाय खानायाबो न'खरनिफ्रायसो किनहुवानिखुइ गोबां बैसो देरसिन दानब बादि मानसि महर लानाय बोराइदव चियांजों जादोंमोन । 1942 मायथाइयाव किनहुवानि गोसोनि बेरेखायै बेजों हाबाबो जानांदोंमोन । नाथाय बियो बिनि न'खराव गावनि फिसाइ चियां आरो बिहाव चेंजों जोबोद साजा

होजादोंमोन। चीनाफोरनि खान्थि मथै फिसाइनि धाखायसो बिसिनि जोनोम जादों। फिसाइयानो मोदाइ। बिखौ सिबिनायासो धोरोम। किनहुवानि खाफालावबो बेनो जादोंमोन। नाथाय बिनी मोजाडै जानो- लोंनो होआमोन। सानसेमानि रायजानाय- बुजानायजों बियो रानब्रेद खुब्रेद जालांदोंमोन। बिनि हाव जानाया बोसोरथाम जालांबाय।

1945 मायथाइ। बे बोसोरावनो चीनाव मोनसे जांखिथाइ फैयो। आमेरिकानि मदद मोननानै चियां काइ चेका बाराद्राय दुगानानै चीनाफोरखौ धोनि आरो गोरिबनि मोननै हान्जा जाखानायव सुलु होदोंमोन। सुसिनाय, शासन खुंताय खान्थिया चीनाव बाराद्राय जालांनो हमदोंमोन। नाथाय माव चेदुंनि दैदेननायाव बेबादि शासन खुंतायनि जोबथाहैनायनि इसारा नुजानो हमो। चीनाव अष्टम बाहिनी (Eight Route Army) मुडै-गोदान कमिडनिष्ट हान्जा सोमजियो। बिनि थांखिया धोनि आरो गोरिबनि गेजेराव फारगथि फोजोबझांनाय। सुसिनाय-सोबखनायबादि धोनि जमिदार आरो माहाजोनफोरनि आखाइनिफ्राय गोरिब मावना जाग्राफोरखौ उदां खालामनाय। बयनोबो समानै मोनजाहोनाय। सोरबा मावसोमना थैनाय, सोरबा आधिं बजबना बिसोरनि मावनायजों जयै जयै जानाय इनाय खान्थिखौ फोजोबझांना समाजाव समान खान्थि दानाय। चीनि साहा ओन्सोलाव बेबादि सोमावसारनाय बांनो हमो। सानसे किनहुवामोननि न'खरावबो बे हान्जानि दालाइया हावफैयो। किनहुवानि दुखु-दाहानि रादाव लायो। किनहुवानि गोसोआवबो बेनि गुथाल हावो। अष्टम बाहिनीनि हिन्जाव दालाइ नारी संघवा किनहुवाखौ बिनि दुखुनिफ्राय उदां खालामनो नाजानो। किनहुवायाबो बेखौ फोथायो। नारी संघ एवा आइजो आफादनि दैदनगिरि कलिजेदा (Dark Jade) फैनानै किनहुवानि दुखु जारलायाव मदद होफानानै फिसाइनि सोलायै बिहावखौ नारी संघनि आफाद न'आव खाना लांनानै साजा हैयो। बेबादिनो फिसाइखौबो नारी संघ आफादनि न'आव खाना लांनानै जोबोद साजा हैदोंमोन। थैवबो बियो न'आव फैफिननानै बिसिखौ बिनि फिनजासा होफैदोंमोन। बेखौ मोनथिनानै बे खेबाव बिसोरनि न'आव फैफिननानै फिसाइ चियांखौ नारी संघनि आइजोफोरा खानो नागिरवला खारै खारै खोमसियाव गोमालांदोंमोन। बियो जेवलाबो फैफिनाखिसै आरो चीननि खोलाफारसे चियां काइसेकनि गोहोम थानाय धोनि गोरिबनि फारगथि थानाय टिन-भचिन नोगोराव थानानै फालांगि मावनानै धोनि जानो थाहैफिननायसै।

बिनि उनाव किनहुवाया गावनि सिगां मौजां मोननाय लियांजों हाव जातानै गोदान न'खर दाना बेजों लोंगोसे अष्टम बाहिनी आरो नारी संघजों जथाइयै चीनाव कमिडनिष्ट खान्थि फोसावनो गोखोंडै खामानि मावनो लानायसै। बिसोर गुबुनफोर सोद्रोमा लोंगोजों हान्जा जुधिनानै चियां काइ सेकखौ मदद होया आमेरिकानजोंबो जुजिलांनो गोदानै जान्जि खाफ्रानायसै। बेबादिनो चीनाव माव चे दुंनि दैदेननायाव गोदान कमिडनिष्ट हादोर गायसननायनि जाहोनाव थाखो नैयि समाज

जाखानानै थाम हाजार बोसोरनि हिन्जाव माहारिनि सायाव धानाय गादबनाया जोबस्रांलानायसै ।

5.5 आखुफोर (Characters) :

(i) किनहुवा स'नपाहिनि गाहाइ हिन्जाव आखु । चीना रावजों बिनि मुड किनहुवा असमीया रावजों बखीनो स'नपाहि मुं दोनदों । बियो चीना हारिनि स'ना फिथरवादिमार । मानोना बियो नारी मुक्ति सोमावसारनाय सल'नि गाहाइ आखु । आखलै-आखुयै बियो स'ना बिबारनि फाइलिबादिमारमोन । बियो नायनो मोजां आरो बयनिबो थाखाय मेगनाव गोनां । हाबा-हुखायावबो जैरेबो आखा-फाखा । 15 बोसोर बैसोयावनो बियो गावनि बिदानि लोगो 17 बोसोर बैसोनि लिपावखीं लोगो मोनो । बिनि मेगनजों मेगन गावनि गोलैयो, गोसोथोनायनि इसार होज्लायो नाथाय बियो बुजियो सा-चीन हादरनि समाजाव सेंग्रा सिख्लानि गोसोथोनायनि जेबो मुलाम्फा गैया । मिथिंगायारि जुवान बैसोनि मोजां मोनज्लायनाया चीना समाजनि हेंथा । बियो नंखाय । बिमा-बिफा आरो समाजनि हेंथा । चीनाव सिख्ला-सेंग्राफोरनि गेजेराव थोंजों सोमोन्दो थाया । बिमोरनि गोसो थोनायनिखुइ सिख्लानि थार गोथारथियासो गुबै । बेनिखायनो किनहुवायबो लिपावखीं मोजां मोननायाव बारा आवगायनो हायाखिसै । बिहा न'खरनिफ्राय लिचिया चुयां गामनि चियां मुनि सासे बोराइदब सेंग्राजों हाबानि रादाय खाजायो । धेवबो बियो गाबनि मोजां मोननाय लिपावनो बिमानि गनायथि लानानै गांसे गस्ला सुना अननायनि नेरसोन महरै चीननि दस्थुरमथै गाव आखाइजों होदोंमोन । नाथाय हाबानि रादाय खानायनि उनाव बियो लिपावखीं बिदानि लोगो बादियैनो अननाय होबानो समाय लायो । नाथाय हाबा जानो हाया होनना बुंदोंमोन । बियो आमेरिका, इंग्लेण्डबादि जायगानि गोसो थोनाय आरो हाबा जानायनि उदांसिखीं रुजुना गोसोआव जोबोद दुखु फोरमायदोंमोन । नाथाय बियो गाव हारिनि खान्थिखीं जेब्लाबो नोवसियोब्लानो सिं सिं गोसो बायनाय दुखुजोंनो चियांजों हाबा जानांदोंमोन । चीनाव हाबानि ओंधिया जेनोबा हिन्जावनि थाखाय फिसाइनि बान्दिसो । मोनजायाब्लाबो गावनि फिसाइखीं गावनि ब्राहागोखीं जाहोनाय, आथिं सुना होनाय, बिहाव-बिखुनजोखीं सिबिनाय, न'खरनि हाबा-हुखाखीं थै-थां मावनाय बाइदि बाइदि । उदांसि गैथिनि थाखायनो जेरावबो थानो फैनो मोना, गाव खुसि मथै सोलिनो मोना-बेफोर जादों सा-चीननि गोरा खान्थि । बेफोरखीं मोनथिनायनैबो बियो बिमा-बिफानि मान लाखिना गावनिखुइ बोसोर बाजि बैसो देरसिन चियांजों हाबा जानांदोंमोन । सानसे गोसोनि दुखुआव दुरुंजों सैनानै फासि नांना थैनोसैमोन । नाथाय बिफा-बिमा आरो गामियारिफोरा बिखीं थाव थाव बोख्लायना बासायफिनो । बिमाया बुंदोंमोन-नों खाफालनि थाखायनो थाना थानांगोन । बियो बुजिदोंमोन- बे खाफाला गावनि नड, फिसाइनि न'खरनिसो । गावनि खाफाला बान्दिनिसो

खाफाल। बिमा-बिफा आरो राइजोखौबो बियो रायो, मुगैयो. बिग्रायखाडे। नाथाय राहागोथे जानानै बे बोराइदब नावनो गात्रि रायखसबादि आखुनि मानसिजोको हाबा जानानायसै। हाबानि बोसोरथामनि उनाव सा-चीनाव आंखाल नुजायो। जानो-लौनो थोवा जायो। बे समावबो किनहुवाया फिसाइ, बिहाव- बिखुनजोनो जाहोना थालानायखौसो उदै बुडब्लानो आद्रा जानानै थाना थानादोमोन। फिसाइया टिन-भचिनाव बेफार फालांगि मावनो थानाय समाव गावनि बिफा-बिमा आरो बिनानावखौ मोजाङ्के सिबिनो आरो जाहोने हुखुम होना थानोमोन। बियो जा गंगलायना मानिनो खोथा होदोमोन। नाथाय सिं सिं बिनि बेरेखायै बिग्रायखांदोमोनबो। बियो खर' मिर्जिथदोमोन सानसे चीननि बेबादि सौलिखान्थिया सौलायगोन। हिन्जाव माहारियाबो उदांसि मोनगोन।

1945 मायथाइ। चीनाव मावसेटुंनि दैदेननायाव चियां काइचेकनि गादबनाय- नारसेबनायनि बेरेखायै आष्टम बाहिनी मुंनि मोनसे हान्जा दानानै राइजोफोरनि उदांसिनि थाखाय मोनसे गोखौं सोमावसारनाय जागायजेनो। बेजो लोगोसे हिन्जाव माहारियाबो नारी संघ आइजो आफाद दानानै अष्टम बाहिनीखौ हेफाजाव होयो। नारी संघआव किनहुवायाबो सोद्रोमा हाबनानै गावनि न'खरनि बिहाव आरो फिसाइनि गादबनायनि बेरेखायै गसर होयो। बिखौ बियो मदद होयो आरो उनाव बिहाव-फिसाइखौ खाखब-खुखब साजा होनानै दबथायो। फिसाइया न' गारनानै खोला चीननि चियांकाइचकनि टिन-भचित ओन्सोलाव खारलानो गोनं जायो। उनाव किनहुवाया गाव मोजां मोननाय गोसोनि सेंग्रा उदांसि मोजां मोनग्रा लिपावजो हाबा जाहैनायसै। बे हाबाया चीननि समाजखान्थिनि बादि नइ। नाथाय उदां गोसोनि साननायजो जानाय। सानैबो राइजो-राजानि थाखाय उदांसि दावहायाव बारसोमना गोबां खामानि मावलांदोमोन।

(ii) लिपाव : सासे दादजांगिला गोसो गोखौं 17 बोसोर बैसोनि सेंग्रा समाव 15 बोसोर बैसोनि किनहुवाखौ मोजां मोननाय सासे सेंग्रा। बियो गोरिब नाथाय हारिखौ मोजां मोनग्रा साहस गौरा आरो जुक्ति गोरों सेंग्राभोन। बियो किनहुवाखौ मोजां मोनदोमोन। हाबा खालामनोबो सानदोमोन। नाथाय चीना समाजाव बे हावानि दस्तुर नइमोन। बेनि थाखायनो बिबो किनहुवा बादिनो दुखु मोनदोमोन। समाजनि बेबादि गादबनाय खान्थिखौ बियो मुगैदोमोन। बियो मोजां मोननायनि नेरसोन हिंसाबै किनहुवानो सं होदोमोन, मानोना एखे दस्तुर मानितानै किनहुवायाबो बिनो गस्ला गांसे सुना होदोमोन। समाजनि गौरा खान्थिनिफ्राय बारगोनो सिं सिं, कनहुवाबादि बिबो बिग्रायखांदोमोन। नाथाय बियो गोरिब। चियांबादि रां-रुफा गैयामोन। बेनि थाखायनो बियो किनहुवाखौ हाबा खालामनो आवगायनो हायाखेमोन। बियो किनहुलाखौ बिसोरनि न'आवनो लेखा फोरोंदोमोन आरो लाइजाम फरायनो हानाय खालामदोमोन। नाथाय चियांनि थाखायनो

सानैबो गारज्जायनो गोनां जादोंमोनब्लाबो गोसोजों मोजां मोननाया दिदोम थालांदोंमोन । शेवबो लिपावा बिखौ हावा जानो जर खालामदोंमोन नाथाय किनहुवाया बेखौ मानियाखिसै आरो लिपावखौ समाजनि थाखाय हाबा मावना मुखुब थानानै गावखौ बावलांनो थिनदोंमोन । चीना मुक्ति बाहिनी आरो चीना उदांसि हान्जा, अष्टम बाहिनी आरो नारी संघनि 1947 मायथाइयाव चियां काइ चेका गालोबदोंमोनब्लाबो फेलें जानांदोंमोन । बिसोर देरहादोंमोन । हावानि 1942 मायथाइनिफ्राय 1947 मायथाइसिम चीना मुक्ति बाहिनी एवा उदांसि हान्जाया देरहानायनि उनाव चीननि गोजाम खान्थिया बायनानै गोदान समाजखान्थि जाखांदोंमोन किनहुवानि फिसाइ चियाइबो बेनिफ्राय टिन-भचिनसिम चियां काइ चेकनि, गोजाम समाजखान्थि मानिनाय जायगायाव खारखाळे । फिसाइनिफ्रायबो उदांसि मोननानै किनहुवाया गाव सिगां मोजां मोननाय लिपावखौ गोदानै हाबा लाफिननो लुबैदोंमोन । बिनि मथैब्ला लिपावा गावनि जिउनि नेरसोन थांखिजों गोरोबनाय । बियो जौगाखांनय मावना जाग्रा समाजनि सासे गोखों मावधि, हिन्जाव माहारनि उदांसि नागिरनाय सासे गोखों बुंधिगिरि, सासे बारहुंखाजों गेलोनो हानाय गोर सेंग्रा । दावगाखांनय समाजनि थाखाय लामा लानो हानाय, उदांसि मोजां मोननाय सासे थार समाज सिबियारि । बेबादिनो गावनिखुइ बोसोरथाम दुइसिन हाबा जानानैबो सिख्लाबादि थानाय किनहुवाखौ गाव समाय लानाय बादि उनाव लोगो मोनफिनना हाबा खालामदोंमोन आरो किनहुवानि फोरोंनाय मथै दावगाफुनाय चीना समाजखौ आवगायलांनयाव बिबो लामा दिन्थिलांदोंमोन ।

(iii) चियां : किनहुवानि फिसाइ । सासे फालांगि मावना जाग्रा दोहोनि मानसि । बिनि गामिया सा-चीन हादरनि लिचिया चुयायाव । किनहुवानि 15 बोसोर बैसोनिखुइ थिनि बैसोआ हावानि समाव जिबा बोसोर बारामोन । नायनो जोबोद गाजि । गोसोआबो मोजां नड्ड- बोरबखे आरो रायखसबादि । हावानि उनाव बियो किनहुवाखौ गलामबादि बाहायदोंमोन । चीना समाजनि गोदोनि सोलि खान्थि मानिनानै बिनि बिफानि विदामथै बिसि किनहुवाखौ गादवना लाखिदोंमोन । एसे दाय मोनब्लानो बिनि सायाव बारसोमनानै लावधिजों बुदोंमोन । बिफा, बिमा, बिनानावखौ मोजाडै सिधिनो आरो नांगीब्ला गाव जायाब्लाबो बिसोरखौ गावनि बाहागोनिफ्रायनो जाहोनो थिनदोंमोन । किनहुवानि आखुनि सायावबो बिहा सन्देहमोन । जेब्लाबो बिमा-बिफानि न'आव थानायाव हेंथा होदोंमोन । सा-चीनाव ग्वेबसे आंखाल जानाय समावबो किनहुवाया फिसाइनि न'खरनि मानसिखौ जाहोखांनसो गाव जानांगी होनना बुंधिदोंमोन । किनहुवाया गिनानै गासैखौबो मानिनांदोंमोन । नाथाय सिं सिं फिसाइनि सायाव फिन साजा होनो नाजागासिनो दंमोन । 1945 मायथाइनि माव चे टुंनि देदेननायाव जाखांनय चीना मुक्ति एवा चियां काइ चेकनि गादवनायनि बेरेखार्ये जांखिखांनय सोमादसारनाय समाव खाबु लानानै किनहुवाया विहावखौ साजा होनो नाजादोंमोन । मानोना माव चे टुंनि अष्टम बाहिनी

आरो नारी संघर्षों लोगो जानानै बे सोमावसारनाय समाव किनहुवाखीबो बेयाव फिसाया टिन भचिन जायगायाव थाहैन/य समाव हेफाजाब होनायखाय बिहाव बोराइया गात्रि गात्रि रायोमोन। नाथाय नारी संघर्षों साजा होजाना बेखी बावनांगी जादोमोनब्लावो फिसाजला चियांखी लेंना लाबोना बेनि फिनसाजा होनो गात्रि गात्रि लगायदोमोन आरो टिनहुवाया गोबां साजा मोननांदोमोन। बेनि बेरेखायैबो किनहुवाया फिसाइन सायाव साजा लाफिननो नारी संघआव अजद हैदोमोन आरो फिसाइ चियांखी गोबां बुदला-सौदला साजा होदोमोन। बेनि उनाव फदबजानायबादि फाव लादोमोनब्लावो बियो न'आव फैना नै किनहुवाखी आरोबाव गोबां साजा होफिनना खिथेर लादोमोन। बिनि बेबादि आखुनि थाखाय किनहुवाया नारी संघआव अजद हैफिनदोमोन आरो संघनि सोद्रोमा आइजोफोराबो बिखी खानो नाजादोमान। नाथाय खोमसियाव खारखोमाना बारग'दोमोन आरो खारलानानै जेब्लावो फैफिनाखिसै। बियो चियां काइ चेकनि गोहोम थानाय बै ओनसोलावनो थाहैदोमोन। बेबादिनो चियांनि आखुआ बुनो थाडेब्ला चियां काइ चेकनि मददथाइयाव फोथायग्राफोरनि प्रतीक (नेरसोन)बेबादि बिनि बेरेखा किनहुवाखी माव चेदुनि मददथाइखी फोथायग्रा समाजनि समानथाइ लुबैग्राफोरनि प्रतीक होनजायो।

5.6 फुखा (Source) :

सल' लिरनायनि थाखाय गुबै सानथी थानांखागौ। गुबै सानथीआव सल'नि गिथि लिरगिरि चेक बेलदुइना चीननि गोदान समाज दानायनि थाखाय जांखिथाइ गायसननायनि सोमोन्दै फोरमायनाय दं। राइजो-राजानि लोगोसे हिन्जाव माहारिनि सायाव बै समनि चीनाव गादबनाय-नारसेबनाय आरो हिन्जाव मोनथाइनि गोनांथिनि सोमोन्दैबो जांखिथाइ लाबोना थाखाय माव चे दुख चियां काइ चेकनि बेरेखायै जुजिनानयनि फोरमायथि दं। 1945 निफ्राय 1947 मायथाइसिम जुजिनानै चीनाव गायसननो हानाय कमिउनिष्ट खान्थिनि सोमोन्दै बेयाव रोखा फोरमायनाय जादो। पुजिवादिनि सोमोन्दैबो फोरमायथि दं। समाजारि जानायनि अनगायैबो बे स'नपाहि सल'आ राजखान्थिजोबो एसे लोज्जा दं।

5.7 सोथि :

1. कमिउनिजमा मा ? बेनि नेरसोनथिनि सोमोन्दै बिष्णुप्रसाद राभाया स'नपाहि सल' जथाइनि बबे जायगायाव सावरायदो ?
2. बिष्णुप्रसाद राभानि जिउ जारिमिननिफ्राय बिनि हारिमु, थुनलाइ आरो राजखान्थिनि सायाव थानाव बिहोमानि सोमोन्दै मा मा मोनथिनो हायो ?

3. चीना अष्टम बाहिनी आरो नारी संघनि सोमोन्दै मा मोनथिगौ लिर।
4. किनहुला आरो लिपाबनि दिदोम मोजां मोनज्जायनायनि सोमोन्दै लिर।
5. आर्थार स्मिथा बुंनाय बादि चीना हिन्जावफोरनि फावफोरा मोनबेसे आरो मा मा ?
6. स'नपाहि सुंद' सल'आव बिष्णु प्रसाद राभानि गोसोनि सानधौ (Philosophy) आरो आदबा (Attitude) माबादियै गोलैदों ?
7. स'नपाहि सल'नि बिमुंथाइनि सिं ओंथिखौ (Purpose) बिजिरना दिन्धि। सल'नि मुंजों आखु गोरोबदों होनना नों सानो नामा ? जुक्ति होना फोरमाय।
8. किनहुवाया फिसाइ चियांनि सायाव मानो आरो माबादियै खिधेर लादोंमोन ?
9. 1945 मायथाइनिफ्राय 1947 मायथाइरिसम माव चे टुंनि दैदेननायाव गनमुक्ति सोमाबसारनाय समनि चीना समाजा माबादिमोन ?
10. स'नपाहि सुंद' सल'खौ हिन्जाव माहारिनि सायाव लिरनाय "नारीबादी" (feminism) थुनलाइ होनना बुंनो हायोब्ला नोंनि जुक्ति होनानै बिजिरना फोरमाय।
11. स'नपाहि सल'आव थानाय बादि लिरगिरिनि हिन्जाव माहारिनि उदांसिनि "नारीमुक्ति"नि सावगारिखौ बोखांना लिर।
12. स'नपाहियाव थानाय बादि हिन्जाव माहारिनि सायाव गादबनाय चीना समाज खान्थिनि सोमोन्दै बिजिरना लिर।
13. अष्टम बाहिनीजों हेफाजाव होफानानै हिन्जाव आफाद "नारी संघ"आ किनहुवाखौ माबादियै उदां खालामनो हादोंमोन ? नारी संघनि खामानिफोरा माबादिमोन ?
14. हिन्जाव माहारिनि उदांसिनि थाखाय नारी संघनि सोद्रोमा महरै किनहुवाया मा मा खामानि मावदोंमोन आरो इयुनावबो मावलांनो थांखि लादोंमोन ?
15. मियावखौ किनहुवाया माबादियै हाबा लानो हादोंमोन। बिनि थांखिया मामोन ?
16. बिष्णुप्रसाद राभानि जिउ जारिमिनखौ लिर।
17. बिष्णुप्रसाद राभानि राजखान्थि बिथिडव थानाय बिहोमानि सोमोन्दै लिर।
18. चेक बेलदुइनि Goden Flower- आ सोर ? असमीया रावै बिनि मुडा मा ? बे मुंनि नेरसोन दिन्धि (Symbolic idea) खौ बेखेवना लिर।

5.8 बिष्णुप्रसाद राभा आरु बिनि स'नपाहि सुंद' सल'नि सोमोन्दै मोनधिनांगाँबना
गाहायनि बिजाबफोरखी फराय-

- (i) गुवाहाटीनि लयास बुक ष्टला साफायनाय बिष्णुप्रसाद राभार रचना सम्भार।
- (ii) गुवाहाटीनि बाणीप्रकाश मन्दिरा साफायनाय बिष्णुप्रसाद राभानि स'नपाहिनि लोगोआव सल' मोनत्रैजों साफायजानाय सल' जथाइ बिजाब (1951)
- (iii) बिष्णु राभा रचनाबली, जार्नाल एम्परियाम, नलबारी (1982)
- (iv) सैनिक शिल्पी बिष्णु राभा, जार्नाल एम्परियाम, नलबारी (1982)
- (v) बिष्णु राभार संग्रामी आभा, बाणी मन्दिर, डिब्रुगर (1982)
- (vi) सतीर्थर दृष्टित (1986) बिष्णु राभा, चेतना प्रकाश, राजगर, गुवाहाटी।
- (vii) आमार शिल्पी बिष्णुप्रसाद राभा, पुथितीर्थ प्रकाशन (1982), ग'लाघाट (1988) आरु गोबां गेदेर-फिसा बिजाब

★ ★ ★



Institute of Distance and Open Learning
Gauhati University
Website : www.idolgu.in